




Accessions

115000

Shelf No.

21608.48




BEQUEATHED BY

George Ticknor.


Rec^d. Apr. 26th 1871.





Q 5




Digitized by the Internet Archive
in 2024 with funding from
Boston Public Library





D. 1606
.48



B. J.



Amico Lectori.



Nnus nondum integer præteriit, cum de
Conditoriis nostrorū
thesaurorū Cælestinā
tibi Tragicocomœ-
diam, librum usui vitę nunc-huma-
næ, commodissimum, promissimus;
translatum quidem de Hispanico
sermone, ita tamen translatum, ut
vel ipsius Auctoris operam interpre-
tis studium videri possit præcellere;
quo sanè iudicio à summis & verè
litteratis viris exceptum eum Com-
mentarium esse & seculo & nobis
gratulamur: Seculo, quia exinde Ju-
ventus dubio procul discitura est,
¶ 2 quæ

PRÆFATIO

quæ de paucis aliis scriptis; nobis, quod ille insignis tantorum Procerum favor, animum nobis sufficere adorsus est, ad merita in Rempubli- cam, jam exstantia, meritis subinde succrescentibus augenda. Post expeditum igitur Adversariorum im- mensum opus, quo omnis Littera- turæ honos illustrari cæptus est, red- imus paullum ad eas Veneres no- stras, & hîc tibi damus Erotodida- scalum nostrum, quo Gasperis Gilli Poli, Dianam Amore percitam, ut Hispanicè loquitur, Latinis nume- ris superare contendimus. Libellus est à nobis inter Milesiarum nostra- rum silvam repertus, & eidem exem- tus, quia prolixior videbatur, quam ut unius, licet jucundissimæ recen- sionis Historiâ concluderetur. Egre- gia vero compositio est, & quæ si
Græco

AD LECTOREM.

Græco Latinove sermone ante aliquot hæc secula concepta fuisset, du-
bio proculcum principibus scripto-
rum amabilium censeretur jam o-
lim. Monita insunt insignia, & ex
medio rerum usu petita, quæ pal-
lam merito omnibus aliis eripere
censentur. Scopus ipse libelli mini-
mè turpis aut fæditatis confectator
est; quo vitio non pauca, etiam An-
tiquorum, scriptorum monumenta
verè prudentibus sordere debent:
Historiæ obiter recēsitæ, nullâ pror-
sus obscænitæ, multâ verò Venere,
artificiosè & suaviter, ne juncturam
videas, intextæ. Procul omnis ser-
monis & allusionum, quæ vernilitas
dicitur, re ipsa autem lascivia est.
Carmina faventibus adeo Musis &
Gratiis nata, ut horum inventiones
potissimùm omnis memoriæ artifi-
cibus,

P R Æ F A T I O

cibus, hoc quidem in genere, oppo-
nere velim. Tota materies, exempla
 morum, & adfectuum sunt compo-
 nendorum, ad eam Philosophiæ par-
 tem referenda, licet dissimulent, quæ
præscribit talia velut sub depictis A-
nimorum instituendorum Chara-
cteribus. Quæ me causa etiam mo-
 vit, ut, cum Divinarum Considera-
 tionum aliquot libros meos jam pa-
 ratos Editioni habeam, eosq; proxi-
mâ fœturâ communi bono sim ex-
clusurus; non dubitem Amatorium
 hunc Lusum, (qui in seria mirifico
 acumine instructionum ducit) vel
 cum ipsis, vel juxta ipsos emitte-
 re; quamlibet enim illæ, mortalibus re-
 bus prorsus extractæ, Meditationes,
 in hoc, aliisque talibus scriptis, non
 sint : omnis tamen Venus harum
 narrationum subtiliori Lectoris a-
 cumine,

Juxta elegan-
ter pro. POST.

AD LECTOREM.

cumine, quod toties flagitat scriptor, ad eundē scopū referri debet; scilicet ut consideret Vanitatem omnium Humanitatis negotiorum in irritis Curis & Laboribus, Vitæ ad Voluntatem dirigendæ; cum Benignitas desuper divina omnia agat atque administret, & vota Bonorum, benè & bono fini destinata, nequaquam irrita habeat; sed ignaris etiam, & contranitentibus prorsus, mortalibus, ad eum ducat terminum, in quem conveniunt Justitia & Clementia: Sic Regali adfectu, adfectuum omnium principe, qui- que summis hominum æquè, & potius quidem etiam, atque inferioribus, imperat, Amore, proposito, docent hoc genus cordati & ingeniosi Scriptores, omnia in vanum niti, quæ citrà Æquum Piumq; agant in

¶ 4 ¶

vitâ,

PRÆFATIO

vitâ, etiam potentissimi mortalium;
neve quicquam adscribant suis ef-
fectibus; hunc etiam divinæ manu-
ductioni commendatum esse: unde
clarissimè concluditur, nullius Libi-
dinis injustæ bonum felicemq; esse
eventum; nec ullius veri Legitimiq;
desiderij contrarium; ad quod de-
monstrandum etiam divinam Sa-
cerdotis alicujus opem, figmentis
decentibus involutam, ad ultimum
asciscunt; narrationibus luculentis
interferentes Poenas denique obsæ-
narum & injuriarum cupiditatum:
quæ, cum eò ducentibus, & hinc
subnascentibus, documentis pluri-
mis, amabilibus & egregiis, inveniet
prudentia Lectoris in hoc Opuscu-
lo nostro, si in alio quoquam, eâ dex-
teritate & copiâ, ut non sine Gratia-
rum, etiam divinarum, afflatu con-
scriptum

AD LECTOREM.

scriptum esse, ultrò, post repetitam
lectionem, confessurum existimem.
 Ego quæ in sermonem meum con-
 tulerim, ab aliis æstimari, quam à me
 commentari, instituto ingenuita-
tis meæ perpetuo, malo; hoc tamen
summâ candoris simplicitate affir-
mavero; minimè inclementem ju-
dicem operæ nostræ futurum qui si-
mile ipse aliquid tentaverit; Arbi-
tria verò nasutorum de vulgo ho-
minum, quæ plerumque de iis so-
lum feruntur, quæ tanti supercilij
censores doctius cõtemnunt, quam
intelligere discunt; ideo nequaquam
attendimus, quod sciamus ea tan-
tum ab iis vituperari solere, quæ æ-
ruginem aut pulverem non sapiunt
de trivio, quibus illi in deliciis omni-
nò citra invidiam nostram delicia-
buntur, quamdiu volent; nec ullis

*Deliciae
 in istis de-
 cipi. Semin*

nos


PRÆFATIO

*per hunc vi-
tutis sua de-
quere.*

nos deterrebunt vitiosis oblocutio-
nibus, quin cursum nostræ virtutis
decurramus, bene merentes de Re
publicâ meliorum mortalium, quã-
diu inter eos vitam habituri sumus.
Ea destinatione, post tot alios, &
hunc modo elegantissimum libel-
lum publicamus; daturi mox & Mi-
lesias, & Dianam Georgij de Mon-
te-Majore, Orchestram Gratiarum,
Epigrammatum Urbanorum & Po-
liticorum libros; & fortè cum iis; vel
& antè, Hierodidascalos Quatuor,
vivæ Theologiæ, & veræ Sapientiæ
non Doctores minus, quam Com-
mendatores; quorum sunt argumẽ-
ta, O C U L U S Animi, F O N S Vitæ &
Desideriorum, De Serenitate Animi
in D E O, De Charitate Divina, Tra-
ctationes, quibus videbit Lector ad
quas Musas referamus Studiorum
nostro-

AD LECTOREM.

nostrorum summam, & habebit unde melioribus se dedicerit instructionem. DEUS Optimus Maximus, cuius immensa in omne genus hominum Clementia est; quo animo hæc & nostra omnia publico dantur, eo excipi faciat, ad Salutem Animarum, quæ legent, & ipsius Æternam Gloriam.




ERRA-


ERRATA Operarum.

Pag. 6 *arumnarum*. 11. *damnis se semet atrociss.* 13 *proi-*
ciant. 14. *nomine in uno.* 18. *Asper Amor fastui vi vindi-*
cis. 25. *Amor ille quem tanta.* 28. *voluisti.* 33. *quam melio-*
re. 42. *quam dum tibi gratificor.* 50. *scapham nave depulit.*
 81. *ipsa verò se ad sese.* 86. *quo coquitur.* 116. *velim se vera.*
 133. *convenissent.* 139. *invitata amœnitate.* 143. *proximarum.*
 152. *fertileis celebrent.* Ibid. *generosus. gestuum.* 161. *mutuò*
conspēctui. 163. *tam atrox.* 192. *figuiente.* ibid. *traducida.*
 216. *præsente.* 255. *opus erit ut nosmet.* 257. *canticone quā-*
pīam Diana prop. Ibid. *Debebam* -- Dele hunc versum, &
 substitue istum:

Debebam visā sine te mori ego, mea vita:

271. *consentientium.* Ibid. *Adamantes.* 278. *domūs ubi degit.*
 280. *Lugdunensis: lege, Leonensis.* 282. *miracula.* 284. *consi-*
ta, l. censita. 289. *assuetudine. dele punctum.* 300. *dele vo-*
cem notata. Ibid. *brachia.* 314. 1. *dele vocem fecerim.*
 Neglectę sunt & alibi interpunctiones, sed faciles corrigi.











C. BARTH.
NEMORALIUM
LIBER PRIMVS.

ANIMORUM
DISCRIBATIO.

DOsteaquã ærumnosissimus mor-
taliū Sirenus virtute potentis
illius aquæ, ope Feliciæ, è mani-
bus Cupidinis in libertatem af-
sertus est, Amor consuetas suas artes con-
tinuans, de novo feriit cor miseræ Dianæ,
resuscitando penes illam jam penè exole-
tas flammæ, ut de liberâ faceret captivam,
de hilari, omnibusque molestiis vacuâ, non
unis obnoxiam doloribus. Quod verò ma-
gis etiam miseram adficiebat hoc erat scire
eam, negligentiam Sireni suam, causam
ejus esse oblivionis, quodque despectam il-
lam penitus jam abhorreret. Hac doloris
face, aliisque quamplurimis tam erat con-
cussa, ut nec conjugii jus, nec fræna Pudo-
ris sufficerent vel retinere eam, quin furiis
Amoris transversa raperetur, vel pacare
ullo

ullo modo infandam tormentorum asperitatem: Hinc illa, lacrymis & lamentis suis quotidie instando, durissimas petrarum cautes, ferasque sylvestres planctibus suis admollire saragebat. Sic aliquando ad fontem PLatanorum profecta, die æstivâ, medium jam cœli spatium Sole tenente, recordata suavissimæ cum Sireno suo quondam conversationis, comparans præteriti temporis gaudia cum præsentium rerum infelicitate, simulque agnoscens maximam malorum suorum causam ex suapte oriundam imprudentia, tantos pectore tristitiæ æstus concepit, animamque iis affecit cogitationum angustis, ut fieri non posse existimaret, quin, tam penitus acerbissimorum dolorum affectus consequens, optatissimum tandem ærumnis finem, desiderata mors, impositura esset. Verum postquam amissas suas vires animus aliqua ex parte recepit, tâta fuit vis dolorum, tanta potentia furorum, quibus in intima ipsius viscera Cupidinis Tela regnabant, ut cogeretur infelicitatis suæ fabulam circumvolitantibus recensere aviculis, quarum simplicitas, modo commeantium, mo-

PLatanos
malui quam
aliam arbo-
rem quam-
vis, Romano
ejus studio.

dò in viridibus nemoris arbusculis per densa ramorum spatia confidentium, tanta, tamque optabilis aderat, ut placidè seriem querelarum audire, condolore quin etiam malis, & alteri altera ea narrare velle viderentur. Adjuvabat pro parte & argentei fontis suaviter cadens admurmuratio, quam cātibus, ex imā animā oriundis, succinere, vicariamque operam questibus prestare posse, amore victum pectus censebat. Sic igitur ad sambucæ suæ temperatissimum sonum cantitare exorsa est.

Connexio

T. QUERELA. *Affectus miseri, quæq; arumnabile, Cura,
Excoquit in penitis cor mihi pectoribus.
Ad finem hunc egere meos, furialiter, æstus,
Solari ut questus questibus incipiam.
Ah dolor, ah moriens infaussto, Spes mea, Amore,
Oblito nostri jam immorimur puero!
Ah que mentem animi fugientem vix retinendo es,
Ut culpâ e nostrâ, Pæna, oriunda mihi es!
Ah cum me cuperet cur tot mala tū intuli ego illi,
Quot modo ego, illius pro vice, sustineo!
Quando crudelis subit illa ferocia mentem,
Quæ simplex fuerat sit mihi, Pæna, duplex.
Quod si fortuna, non Culpa, res ea nostra,
Aut foret aduersum leue amoris anus.*

Pro vice ahic
jus p. alic
p. a. a.

Con-

Conquererer merito; mea nunc me perfida tor-
quet,

Acta retro in mea mi tormina, Durities.

Non ego Vindictam fastosi noveram Amoris,

Fortuna varios non ego, cæca, gradus.

At numquam tali talem vice, Sorsve, Cupi-
dove,

*Pro tali
tione*

Uti sunt, ullo tempore, stultitiam.

Ah, Sirene, tuos, Rhamnusia, ut ulta dolores

Desertam absque omni consilio excruciat!

Scilicet ut, cum me quondam visurus adesses,

Damnavi, aversa, saepe ego te facie,

Sic cupidam vestri perpes jam absentia torret;

Quarere ego numquam desino, tu fugere.

Tali deseruisti agram me pectore, nemo

Reddere uti nostris te velit auspiciis:

Quin suadere omnes, deceptus decipias me,

Vno, omnes malint, carmine, Ruricola.

Et vel decipias; oculos saltim huc, age, flecte,

Ut videas nostros diffluere in lacrymas.

Aspice nil habeant quanti sperare dolores!

*Nihil habeo spera-
re.*

Ah vindicta tui vel tibi sic placeat!

Ipsa uti te numquam possim placare; iuvabit

In desiderio præpete posse mori!

Non finiisset tam cito suavissimum modu-

lumen Diana, nisi de vepreto proximo, in-

visa ipsi, erumpens puella, filum simul can-

Conn. C. 10.

tionis interrupisset, & ipsam pudore non
 inamabili confudisset, timidā videlicet ne
arumrarum suarum series propalesceret,
 audita cantione tam affectuosa, Præcipue
 cum ex habitu puellæ perspiceret, peregrina-
 nam eam esse & in illis oris nequaquā ante
 hac visam. Verum ipsa, quæ, cum procul tā
 dulcem Musicam inaudisset, eo fine clam
 appropinquaret ut melius, quid rei esset,
 intelligeret, ea ubi carmina tam miserabi-
 lium querelarum comperisset, tantam im-
 proviso superventu suo excitavit, (ut pote
 formosissima, habituq; & specie tā gestuū
 quā corporis, nulla indigenarum inferior,) claritatē,
quantā Luna solet, cum, fulgidis
radiis tenebras nubium obfusarum dispe-
scens, nitido lumine terrarum orbem aspe-
xit. Videns verò Dianam insperata sua præ-
 sentia aliquantum turbatiorem, gestu ala-
 cri vocem suavissimam gubernante, ita il-
 lam allocuta est.

Formosissima puellarum, grande præju-
dicium Voluptati meæ feci, quā mulcebar
 delicatissimā vocem tuam audiēs, cum te,
 ita ex improvise comparens, interturbavi,
incivili prorsus audacia. Verū non nostra
 hæc est culpa, sed acerrimi desiderii cogno-
 scendi

scendi te, & pro parte mea dandi aliquod
solatium malis tuis, quæ ad tantæ tristitiæ
lamenta te adigunt. Quæ cujuscunque et-
iam ponderis atque dicitatis sint, nequa-
quam ex veritate censet, qui leviora fie-
ri posse alloquiis hominum extraneorum,
 & minimè studiis occupatorum, negabit.
 Non celes, rogo, ærumnas tuas studio-
 sissimam tui, neu dissimulare Nomen &
 fortunas tuas velis, neque enim mino-
ris exinde te æstimatura aut levioris,
 ob acerbitem in Amore successum,
 factura sum. Audita hac compellatione,
 Diana, paullum silentio immorans, o-
 culis fixa in summam Puellæ specio-
 sitatem, mentem autem versans dubita-
 tione quali responso tam præclari officii
 oblationem remuneraretur, ad finem ta-
 men hoc sermone rescuta est. O inufita-
tæ & singularis non speciei minus, quã no-
bilitatis, puella, si maxima voluptas quam
 de tuo cōspectu conceptam habeo, & alle-
 vatio de malis meis, quam dulcissime mihi
 voces tuæ pollicentur, in pectore meo vel
ranrillum fiduciæ reperirent, possem per-
 suaderi aliquo modo egregiam tuam volū-
 tatem tristissimis meis affectionibus reme-

NB:

Tace.

Vel fantillu.

dium præbituram. Verùm morbus hic no-
 ster ita conciliatus est, ut simul ejus vel so-
 la memoria mentem subeat, illicò cor me-
 um, obtruso velut pessulo, januam omni-
 bus remedium auxiliis præcludat. Scias,
 ô dulcissima, nomen mihi esse Dianæ,
 per has regiones haud ignobili: Et no-
 mine quidem contenta, malorum meo-
 rum ordinem, rogo, ne inquires, nec enim
 quicquam aliud conficies, quam, rescitis
 illis, ut condolentiâ tuum cor fatiges, vi-
 dens tenerrimam meam ætatem tantis tor-
 mentis excruciaci. Hæc ipsa illa deceptio
 est, Puella respondit, cui se illudendos dant
 quæcunque Amoris sese servitiô addicunt.
 Quippe, principiò, cum in manum impuræ
 illius belluæ veniunt, tam repentiè illi man-
 cipantur, ut neque liberè esse deinceps cu-
 piant, neque possibile ipsis videatur posse,
 tam arctum dominium evadere. Optimè
 novi morbum tuum Amorem esse; quod
 cantio tua manifestè edocuit, cujus qui-
 dem penes me magna est experientia. Mul-
 tos ego per annos captiva illius fui, nunc
 vero liberam me, mihi que restitutam, a-
 gnosco; palabam cæca, nunc viam Verita-
 tis conspicio; Transmisi in Cupidinis pela-

go periculofissimos scopulos, nunc, in portum securissimum evecta, mihi gaudeo. Quicquid te afficit, meum quoque animum vexavit; non maiora te mala fatigant, quam me excruciarunt. Ego remedium inveni, tu ne exturbes velut domo tuâ spem meliorum successuum, ne claudas oculos contrâ Lucem Veritatis, neque aures sermonibus nostris obtures. Verba erunt hæc omnia, nihil, inquam nisi verba erunt, frustra aerem ferientia, Amoris ægritudo his non curatur, respondit Diana. Verum suprà omnia scire nomen tuum cupio, & quâ fortunâ in nostras has regiones veneris, dum hæc narras videor imperare mihi posse, ut pausam interim dem institutis meis planctibus, quibus solis inesse aliquid allevandis torminibus meis sentio. Tum Puella. Nomen meum Alcida est, quod verò porro scire desideras nunc enarrare non patitur ingens condolentia, quam in voluntarios tuos dolores gero, neque quicquam prius recensitura sum, quam remediis à me oblati manum dederis. Quaecunque, Diana respondit, consilium tuum, displicere mihi non poterit, quia de te proficiscetur, quamquam certò sciam parum

malis meis profuturum, quæ nequaquam me relinquent, quin penita viscera mea in frustra dilaceraverint. Et si maximè tale quid, quale tu spondes, effici possit, numquam ego tamen Amores meos deseram, nec umquam desinam desiderare illum, qui, neglectus olim abs me, tam præsentem vindictam mihi inpingit. Tum Alcida. Majorem nunc de Salute tibi restituenda fiduciam capio, quoniam confiteris, id, quod nunc tantoperè desideras, spretum abs te olim neglectuiq; habitum fuisse. Est enim inter hæc duo, Amare, & abhorrere, mediū quiddam, quod omnimodis tibi eligēdum restat. DIAN. Sanè pulchrè me afficit consilium tuum, ô dulcissima, verum nō admodum mihi tutum tale quid videtur. Namq; si ego à Contemptu ad Amorem veni, & ab infimo usq; ad altissimum rapta sum, quid me fiet, si propiorem me potentissimo Cupidini collocare, remoto jam à Contemptu gradu, insistam? ALC. ne quæso tam magno honore eum digneris, qui tam planè nullum meretur: Potentiæ ei titulum adscribendo, qui tam nullo negotio superabilis est, præcipuè iis, qui, quod dixi, duorum

extre-

Tam p. u. r.
 elio: consun
 de tum.

extremorum illud mediū sequi elegerint. In hoc quippe solo firma virtus consistit, quæ quorum pectora occupat, illi, contra Amoris furias fortia, Constantiâ mirificâ omne ejus tormentorum genus contemnere possunt. DIAN. ne tu mihi Fortia aut Constantia talium hominum pectora dicas : Crudelia, Dura, Fera, Immania, sunt, quippe quæ contra suam ipsorum Naturam pugnare, & insuperabili Cupidinis sese potentiæ opponere præsumant. Verum sint ea quæ velint, ad finem videbunt damnis se suis atrocissimis induisse, ausa tanti Numinis iram in se vertere, neque Duritia sua tales homines ad extremum quicquam juvabit. Tanti enim affectus violentia omnia contra-munimenta pro nihilo habet, neque ullis objectis impedimentis distinetur, quin quod velit, efficiat. Et de hujus quidem mirissimis viribus, & potentia insuperabili, memini in hoc ipso loco quondam suave melos pangere Sirenum illum meum desideratissimum, tum quidem cū tam dulcis mihi foret memoria ipsius, quàm modo amara obvenit. Memini autem memoriter verba ipsa captionis, cum infinitis aliis, ab ipso tū

Plinifing

compositis, studui enim magnoperè semper ne quid ab eò profectum memoriâ mihi excideret. Hoc verò carmen Virtutem Potentiamque Amoris describens, in hæc verba conceptum est.

AMORIS Luminibus captus, penitissimæ pectora, certò
POTENTIA Tangere, telorum fulmipe, novit Amor
 Est Puer, & sævum vicit vinxitque Gradivum
 Retia materno dum struit apta toro
 Igne, gelu in medio, timido mihi, pectora fregit,
 Rex Amor est terrarum, Aëris, & Pelagi.
 Terribilis pueri præsentæ, Potentia, morte
 Inque atro festum Carcere dat Genium.
Capta anima hæc virtute, suorum oblita malorum,
Tanti admirando Numina, Lata, Dei est.
 Optimè sanè, ALcida excipit, in Amorem
 affectus fuit auctor huius cantilenæ. Verum ego maiorem adhibuerim fidem Sireno isti, si, post evulgatas tam admirandi Numinis Virtutes, non invenisset modum captivitatem eius fugiendi, neque remedium, quo mentem, ab eo victam, libertati prælatæ restituisset. Teque certè simplicitatis admiror, quæ tam facile credas, illius dictis, qui abs se verbis prolata, opere ipso tam egregiè confutet. Profectò oppidò manifestum est tales cantiunculas Moris ergò,

*Videtur ad
miser.*

*Stipans de
scriptio m
tatis.*

ergo, proque fabellis excogitari & celebra-
ri solere, quibus Amori servientes homun-
culi solent de malis suis miranda confinge-
re, velut per ludum, cum paullo post, nullo
negotio, strictissimas illas compedes pro-
jiciunt, & in libertatem sese, quam pro a-
missa tantis planctibus persecuti sunt, re-
cipiant, subeatque illos, vice ardentis illius
Amoris, vel frigidissima Oblivio. Quod si
tormenta quædam amantes patiuntur,
suapte ipsorum certè ex arbitrio patiun-
tur, non ex vi affectus illius. Amor quippe
nihil est præter imaginationem quampiam
fictitiam, hominum mentibus versatam,
Res quæ neque in cælo neque in terra ulli-
bi est, imago solum in pectore illius qui
eam desiderat. Cui si vis quædam, aut po-
tentia, inesse dicenda est, de voluntariâ ho-
minum submissione ea provenit, qui se
sponte imaginationibus suis devinci pati-
untur, Offerentes ipsi ultro corda mentes-
que suas, eumq; dominum affectibus suis,
datâ in manum libertate, imponentes. Ipsa
autem hæc tam suavis Sireni tui cantio ne
sine responsione transierit, eccam tibi alte-
ram, adversariam velut isti; Ego quidem il-
lam, jam olim est, cum in Campis Seberhi

cantari audivi à pastore quôpiam nomine Aureliô; sique satis memini, hæc est.

Cæcus Amor non est, sed ego; qui sponte dolorum

Induo me, nullâ cum Ratione, plagis.

Non Puer est, sed ego; possim qui nomine in uno

Risu, Spe, Lacrymis, atque Pavore, mori.

Est furor Ignem in Amore agnoscere velle; Cupido

Affectum in flammâ, mente calente, rapit.

Aligerum dicis? pennas speculatio celsa,

Spesque, vagâ titubans credulitate, facit.

Nulla, Amor, arma tenet, nisi quæis armabitis ipsû

Stultitiam quisquis non capis ipse tuam.

Figmen, Amor, Vatum & fatui Larvatile

Somni est,

Prodigio è quali sit Deus ille, vide!

Videtur tibi, Diana, imaginario tali figmento spes tuas, tali ingenio puellâ, te credere debere? Et quæ Ratio est pro vero Numine adorare velle ex meris rem mendaciis compositam, qualis Amor reapse est? Fictus ille est à vanis ingeniis, veneratus à turpibus desideriis, servatus, in memoriam libidinum suarum, ab hominibus otiosis, & bonarum rerum incuriosis. Hi sunt illi, qui tã egregio Numini celeberrimum hoc per orbem Terrarum Nomen dederunt. Quippe videntes, mortaliû curas boni alicujus potiundi

Amorem. 5
Cæcum
sed amate
tem.

Sequitur in
cunctissima
Amoris de
scriptio

tiundi gratiâ nihil nō malorum pati, insultationes, dolores, Timoreis, sollicitudines, Suspiciones, Alterationes, aliasq; infinitas animorum corporumq; affectiones, cōsensu quodam fontes tātatarū miseriarū scrutati, principalem omnium hunc affectū invenerunt; cui, cum omnis generis hominibus cōmuni quodā dominaretur imperio, divinam potentiam adscribere voluerunt, qui videlicet ab omnibus æquè coleretur, & timeretur. Itaq; talieum figurâ pingere cœperūt, ut omneis qui imaginē ejus viderant bonâ ratione abhorrere ejus operapossint: Pinxerunt ipsum puerum, ut ne quis cordatus illi credere velit. Pinxerunt cecū, ut nulli sequendus clareat. Arma ipsi affinxerunt, ut timere crudelitatem ejus omnes habeāt. Flāmas, ne quis prope ipsum accedat; Alas addiderunt, ut nemo non vagum, vanum, levē, agnoscat. Nondū intelligis, ô suavissima, quam Potentiam, quas vires Amori homines, decepti Idolo, adscribere soleant, ejus esse, aut ad eum pertinere nequaquam posse? Prius certe cognosces, quam magis illius vim prædicent, eò magis nos furilitatis & fatuitatis eosdem arguere? Certè dicere Valentem esse Amorem, judicium in nobis debile perhi-

quid ali-
ud est.

Ad pro-
prium.

CONNE-
XIONIS.

Ad. Præter
est: p quam

F.C.

bere est, quod tam facile Rationem tam turpi monstro submittat. Celebrare Amotis venenatas & mortiferas sagittas, quid aliud est, quam pussillanimitatis nos convincere, qui fatuo adfectui penetralia cordium incendenda velut obiciamus? Dare Amori eas vires, ut animam nostram captivam ducere in custodiam arctissimam asseratur, aliud nihil est quam damnare nosmetipsos ignaviæ, & vitiati intellectus, qui ad primum congressum, armis abiectis, hosti nos dedamus, sæpè etiam extra pugnae periculum ultro in castra ipsius transeamus. Ad summam, omnia illa mirifica carmina, quæ de hujus facinoribus narrantur, nihil sunt, præter opprobria stulticiæ, & ignaviæ mortalium. Et posito, talia ipsius esse potentia, facta tamen omnia Amoris minimè eius sunt æstimationis ut ullam laudem mereri debeant. Quæ Magnanimitas est aggredi illos qui ultro vinci se cupiunt? Quæ audacia, eos depugnare, qui, ignaviâ animorum, defendere se non valent? Quæ fortitudo, ferire non repugnantes? Quæ nobilitas animi, interficere deditiones? Quod Laudis meritum, ludentes armis disjicere? Quod magnificum facinus,

hinc, infelices persequi? Certe, formosissima mi puella, illi qui tantopere dictis suis magnum facere Cupidinem istum student, quique tantis suis impensis ipsi servant, aliis omnino titulis eum laudare debebant, ut honorem ejus aliqua in parte comiter servare voluisse videri possent. Quippe major & melior horum, quæ facinora ipsius modo recensuimus, pars, arguit pusillanimitatem in aggrediendis, crudelitatem in conficiendis, vanitatem in consiliis, effusum in damnis, parcum & strictum in dandis præmiis. Et, quamquam hæc non magnopere videantur existimationem ejus augere, peiora tamen convicia etiam sunt, quæ quotidie à propriis ipsi suis mancipiis occinuntur, qui Ignem, Flammam, Furorem, quin præsentem ipsam Mortem, indigitant. Amare ipsum, cremari, ardere, consumi flammis, differri tormentis, dilancinari cruciatibus, audit. Insuper infatuari, combrutescere. Ipsi se cæcos, miseros, ærumnosos, furiosos, incensos animi, in cineres jam jam confusuros, autumant. Hincque fit, quod nemo ferre sese excipiat quin de Amore conqueratur miserrimis modis, diffamando ipsum

pro tyranno, proditore, bruto, diro, fero, & prorsus immemorabili, monstro. Omnes amatorum versus pleni sunt doloribus, compositi in suspiriis, bullantes lacrymis, & cum morticinis gemitibus decantati. Istic videbis Suspiciones, istic tremores, istic desperationes, sollicitudines, angores, mille genera horribilium poenarum. Non recensetur illic quicquã, sine mortibus, catenis, compedibus sagittis, venenis, flãmibus, aliisq; infinitis tormentorum & cruciatuum instrumentis, ut in experiendo Amore nihil invenias præter dolores, in nominãdis eius rebus: omnia timore nos concurrant. Optime sentiebat de his titulis Herbanus, insignis inter pastores apud Andolosiam, cum in corticem alni aliquando, me præsentem, pro calamo, acuto utens pugiunculo, hæc delinearet carmina.

*Non ad Summa
aspiciendum.*

*Qui sapit incantã numquam à se mente recedat,
Libertas uno momine rapta viro est.
Celsa animi virtus medio se tramite ducat,
Imminet elatis flamma cacuminibus
Asper Amor, fastus, vi vindicis, imminet, ira,
Hoc sine qui sperat vivere, disperit.
Mortiferi, damnat me libertatis, Amoris,
Flamma; peris centum prodita, Vita, modis*

Devo-

Devoceo vestra arma, ignemq; Arcūq; Catenasq;
Incendis, Vincis, me quibus, & Perimis.

Ea nunc canticio Sireni tui docere me, con-
 siderationem Facinorum Amoris posse su-
 perare furias cruciatuū. Namq; si res gestæ
 ipsius sunt occidere, vulnerare, excæcare,
 concremare, consumere, Libertate exsue-
 re, Tormentis mille induere, nūquam mihi
 persuadebit considerationem Pœnarum
 oblivionem passionum inducere; quin cō-
tra potius est majora dare animo tormina,
 quippe altius cordibus impressam, & pro-
 fundius in mentibus sedes cruciatuum si-
 gentem. At si tu pro veridicis habes illos
 Sireni versus; mirificè mihi mirum est,
 quod, tantum de his cogitationibus refri-
 gerii percipiens, tam facile illas mutarit in
 Oblivionem tam crudelem, quæ modo i-
 psam tenet; quâ non solum tantas Virtutes
 Amoris planè à se semovit, sed etiā cum iis
 memoriam pulcritudinis tuæ, cujus ipsum
subire faties non debebat, etiam contra o-
 mnia bona quæ universo terrarum or-
be commendari poterant. Vix finie-
 rat ultima sua verba Alcida, cum Dia-
 na, elevatis oculis, quos cogitabunda alio-
quin humi fixerat, videt conjugem suum;

*Eat me docere
 tuus sermo.*

Contra

AB.

*Alioquin
 eleganter &
 alias*

Argumenta
levia

See appo-
pindare

Delium descendente de colle proximi monticuli, iterque flectente versùs fontem Platanorum quo loco ambæ confederant; itaque, compescendo cursum orationis Alcidæ, siste, ait, ô suavissima in præsentiarum isthic sermonem, tempus postea erit reliquum auscultandi, & respondendi ad argumenta tua, futilia certe, & confutari facilia, Eccum illinc maritum meum Delium, de istoc colliculo sese appropinquante, opus erit dissimulare paulum quæ hîc tractata sunt; ordiamur alias instrumentis nostris cantiones, ut cum aderit, delectetur Musicis nostris exercitiis; Cum dicto capientes, Cytharam Alcida suam, suamque Sambucam Diana, cecinerunt ad illas istam cantilenam.

A L C I D A.

Interim dum

5.
TIERIDIES.

Interim dum Sol media diei

Imminet flammis, radios potentes

Explicans contrâ, rapidoque mundum

Lumine torrens.

Fontium umbrarumque petunt recessus,

Casti gens Nympharum, in opus cicada

Carmena agrestum meditantur, unis

Nexa querelis.

Gratiis, formosa Amarylli tantis

Con-

*Concinis, Cælorum uti Rex volantum
Aridis det sponte liquentem in arvis
Desuper, imbrem.*

D I A N A.

*Dum P Lanetarum mediâ arce Cæli
Constitit Princeps, Orientem, & altum
Inter Occasum, per aprica Camporum,
Agricolentum
Ardidis torrens radius Labores:
Rivuli ad blandum properantis augmen
Dulcibus tali fidibus Lepore
Thestilis instat.*

*Vt refranator abida tumultu
Suavibus, ventorum Anima, susurris
Mulceant auras, lepidamque vatem
Leniter adflent.*

A L C I D A.

*Vis, celer cursu, vitrearum aquarum,
Induens annum sine-fine-verè,
Littus in floreis varios coronans,
Perpetue cultu.
Nec gregum appulsus vada limpida aufert,
Nec Calor Solis temerare vestra,
Neu saporatas peregrina turbent
Flumina lymfas:*

*Nec super ripas lacrymosa nectens
Carmina, infelix, liquidas, amator,*

6.
SUAUIA VENTOSUM
FLABELLA.

Temperata p. f. m.
vase.

Fletibus salsos in aquas dolorum
Depluat imbres.

D I A N A.

VOTUM PRO FERTILITATE FRUGUM. Floride o pratorum honor o colorum.
 Mille quem Natura lepore pinxit,
 Arborum & florum variate, mixtim,
 Dulcibus umbris.

ut gratiam. Ut tuis numquam mala flabra ramis
 Auferant cultus, nova semper ex te.
 Flores, augens decus, & perenni
Fulgure ridens!

in arum cor iam p tem pestuoso. Ne gelu, ne te calor, urat umquam,
 Nulla te irati spoliet decore
 Fertilem calirabies, iniquo
 Sidere torrens.

A L C I D A.

Vo suavit. Turbidos Aula fugiens tumultus,
 Cordis huc puri Sapia, in se
Suave secedit, hilarique laxat
 Otia Paci.

Hic juvat dulces resupinum in umbras,
 Corpus optato, sine lite, somno
 Lenis ad rivi strepitum, remotis
 Ponere Curis.

Vividum hic florum sata, neectar halant,
 Concinnant blandum volucres, perenni
 Ordine exultant, juga, prata, campi,
 Numine dextro.

DIANA.

Hic, nemus blando quatiens susurro,
Ventus, illudens foliis apricis,
 Suavior multo gravida tumultu est
 Urbis, & Aula.
 Vanitas est magna, superba Pompa,
Vulgum adorantis, Popularis Aura,
Magna tempestas animorum honores,
Cecaque Pestis.

8.
 VANITAS HONORIS.

Flora.

Cor ubi contrà sapit oris orsa,
Mens procul verbis animum reducit,
Vota sunt contraria, cassa sensus
Dicta refutat.

FALSIMONIA.

ALCIDA.

Ambitus non hic sua retia abdit,
Non sitis mentem mala torquet auri,
Nemo se hîc selso cupit eminere
Vertice cunctis.
Non fames jura hîc pretiis subhastat,
Libera à fraudum pia Corda technis
Simplices arteis adamant, malum omne
Iustitia aufert.

Aequitas, lex est generosa Vita,
In bonam concors mediocritatem;
Vivere hac rectè facit atque honestè
Candida corda.

*Simplici cultu bona Ruris augens,
Non mare horrendum rate Pastor, intrat,
In novos orbes, uti mille damnis*

Ditior exstet.

*Pauper herboſo brevitare cenſus
Latior, campo ſua vota claudit,*

cui Quam peregrinae cui mille merces

Lucra reportant.

*Vitâ in anguſtâ eſt hilaris Voluptas,
Suavior quam cui jura mille Tauris
Verſat, & denſas gregibus fatigat,
Copia, caulas.*

E longinquo vocem conjugis ſuæ, Dianæ,
agnoscebat Delius, cumque aliam indi-
dem ei reſpondere audiret, properabat
magnum curâ accedere viſurus quo cum tam
familiariter verſaretur; itaque non longè
à fonte, pone grandem myrtum, conſi-
ſtēs, auſcultabat quid boni canerēt, ex oc-
culto, zelotypis ſuis, de more, litigiis, novas
cauſſas quærens. Verum cum aliam carmi-
num materiam eſſe, quam ſuſpitiſis ſibi
præſumptionibus ſuis perſuaſerat, percipe-
ret, animum relaxabat. Verſus ergo in grâ-
de deſiderium cognoscendi puellam Dia-
næ ſuæ præcinentem, ſepoſitâ morâ, illas
prope

prope accedit. Visum illæ civiliter admodum salutant, præcipuè Diana ut decebat maritum suum, plusquam credibili quadam suavitate arrisus, excepit. Cumque juxta consedisset, Alcida ad illum. Multum fortunæ benignitati me debere fateor, Delie, quæ non solum insignem illam Dianæ pulcritudinem oculis meis non invidit, sed & illum colloqui concessit, qui tam ingens bonum in potestate suâ volente quidem illâ, habere meruit. Utenim illa inusitata, non magis speciei quam Sapientia, est, fieri non potest, quin ille sit omnibus & naturæ morum bonis excultissimus, quem maritum sibi eadem elegerit. Verum enixe miror, & obstupeo velut, quo pacto tu tam parvi illam facere possis, cum illa te omnibus hominibus prætulerit, ut vel unum pedem latum solam sine te prodire patiaris, adeoque vel uno solo momento ejus aspectu carere valeas. Optimè novi, semper eam in corde tuo imitis fixam manere, Tamen Amor ille quam tantæ pulcritudinis conjugii debes, non tam strictè tibi capiendus est, ut animum tuum exaltare possis, figuram ejus pectore tuo inclusam circumferendo, cum & præsentem an-

N. Delie.

te oculos semper habere, & nusquam ex iis
 amittere deceat, nobilissimā illam speciē.
 Tum Diana vicem Delii, (ne fatuā aliqua
responsione, quam parum cordis sibi esset,
palam faceret in hæc verba respondit. *Nō*
est cur Delius tantoperè super matrimonio
meo exsulet, ut tua modo voluit assevera-
 tio, utq; tu in amicitia nostrā tibi gaudia
 fingis, nec opus est ut præsentia mea frui
 semper possit, prædia illū sua, & reditus ne-
 gligere; inde quippe plus ipsi cōmodi domū
 redit, quam de aspectu, quam tu mihi affin-
 gis, speciositatis nostræ. Alcid. Ne tā sin-
istrè, ô formosissima, de nobilitate formæ
tux iudices, neq; declines fateri, & præ te
ferre, quæ tibi bona inesse omnes mortales
norunt, neq; n. dedecet pulcras mulieres
pretia dignitatum suarū agnoscere, multo
minus fastuosæ aut superbæ ideo perhiberi
possunt, si cum moderatione conscientiam
excellentiæ suæ nō abjiciunt. *Tu vero Deli,*
licet æstimes te inter omnes homines for-
 tunatissimū, & favore Sortis cū bono animo
 benè utere, quæ quidē maiori te felicitate
 mactare nō potuit, quā quod hāc tibi puel-
 lam conspōsavit. Summā animi intentione
 verba Alcidx perpēdebat Delius, neq; ocu-
 los

*Hæc mi
cum
est.*

No desistis

Nō. Deli.

los à vultu dicentis uspiam vertebat, fixus
 os mirando tam dulce, & sapientie sermo-
 nibus plenum; & id adeo quidem, ut ad finē
 tam arctè se amore ejus prehensum sentiret,
 ut, instar attoniti aut fidere subito perculsi,
 verba responsioni non inveniret, sed, ardē-
 tissimis suspiriis adfectus vehementiam cō-
 testās, novum vulnus Cupidinis intimis vi-
 sceribus infixum, omnib. corporis gestibus
 præ se ferret. Hæc dum fiunt, audita vox
 procul aures confabulantium mirifica cā-
 tus suavitatem verberat: jam ad auscultandū
 se componebant, oculisque exspatiantibus
 locum tam blandæ Musicæ indagabant;
 cum se obtulit species pastoris multum fa-
 tigati, qui ad fontem tamen quantā por-
 rat festinatione properabat, utiq; longin-
 quo itinere fessus, & ægrè gressus trahens,
 inter eundem autē hoc carmen cātitabat.

Non majore mihi poterant præcordia flammâ,

Sors, levis, aut constans urere, Pestis, Amor.

Nulli mens animi vel diffidentior usquam est,

Nec cor in arumnis gaudia tanta tenens.

Vnus Amor facit hæc, cui vix iam vivare surgit

Spirituum, in Pœnas excita mille, Quies.

Non patitur furor hic vel cum Spe, vel sine eâdem,

Vivere, nec, sensu deficiente, mori.

con: 67

Pro p[ro]p[ri]o
 acut.

10.

Amor
 in
 pietate
 nem
 at.

Pectus, iō, delirum, & iō, mæstissima planctu

Lumina, cur tanto tempore sufficimus!

Ergo non aliquando, vel hæc tristissima vita,

Vel tot in ærumnas desinet iste dolor!

*Ah dolor, & nec adhuc satis hæc tibi, Amor, ma-
la facta,*

Nec tibi sunt nostris, Alcida, caussa malis.

Si me libertate frui, mea lux, voluisti,

Cur non vis istis solvere compedibus?

de audire.

*Ægrè finem cantionis hujus Alcida deau-
diverat, cum, agnito pastore peregrino, to-
ta tremore concussa, quam properantissi-
mâ celeritate surgit, ne adventu suo ipsam
ille opprimeret, maximoperè Delium &
Dianam orans, ne per ipsos illi innotesce-
ret, affuisse sese isthic locorum. Vitæ quip-
pe periculum sibi in eo verti ne ab isto ho-
mine videretur, quam ipsa omni morte pe-
jus abhorreret. Spondere hoc illi, neque fi-
dem violaturos dicere; utcunque tam ino-
pinato discessu tam cari capitis extremè
sefe perculsos sentirent. Alcida, nil festina-
tioni reliquum faciens, quanta poterat ce-
leritate se in proximam fonti silvam conii-
ciebat, tam celeri fuga, ut ab immani ali-
qua fera, vel foeta tigride, vestigia ejus pre-
mi censuisses. Paulo post appulit pastor
ille*

ille æquè lassus ac moriens, tanta omnium membrorum fatigatione, ut Fortuna, contemnens miseris tantis, ad fontem istum illum pro recipiendis animi viribus jam penè evanescentibus, manu dextra duxisse videretur, Dianæ & Delii societatem velut recreationem & malorum oblivionem ipsi præparans. Ergo cum summo meridiei calore post labores illos cœli & itineris tam amœno se loco videret, considerans, umbracula arborum, virides herbarum toros, fontis limpidi uberem affluentiam, præter hæc autem omnia incomparabilem Dianæ formositatem, malorum suorum, subita velut novæ lucis affulsione, paulisper memoriam posuit, quamquam pretium eius rei, quam tantis ærumnis quærebat, & desiderium quod absentis illius anxium differebat, nullis animi remissionibus spatium datura viderentur. Diana vero ut primum illum viderat tanta suavitate gestuum & civilitate vultus excepit, quantæ suspicionibus, & zelotypia, præsentē & omnia observantem Delium, rumpere poterant; & maxima quidem cura & voluptate hospitis adfectui adesse studebat, quippe qui pari malo cum ipsa adfligeretur quod quidem

illam clam esse non poterat, ideoq; mereri
 eam recreationem videbatur, quam suis i-
 ipsa miseris optabat. Maxima & ipse contrā
 æstimatione tam insignem civilitatem ha-
 bebat, omni modo significans, animo se suo
 persuadere, nihil hōc tā p̄sp̄erō casu opta-
bilius sibi obvenire potuisse, q̄ quod in tāte
formositatis favorē tū ex insperatō venisset.
Interibi Diana, circumspiciens quāquā ver-
 sum, Delium suū invenire oculis non pote-
 rat, Is n. summo, uti diximus, Alcidæ amorē
 subito percussus, dū Diana hospitē excipe-
 re, & blādis verbis attinere studet, p̄cipiti
 se fuga, fugientem Alcidam persecuturus,
 abstulerat, omni diligētīā vestigiis illius in-
 herens, iterq; p̄currentis legēs, conclusū
 animo habebat nullibi consistere prius quā
 illā affecutus esset, etiā si in alium terrarum
 orbem decurrendū foret. Attonitæ similis
 Diana manebat cum tā improvīsō nusquā
 comparere maritū suum videret; q; solum
 ergo poterat, geminatis acutissimis clamo-
 ribus nomē ipsius appellabat. Verū frustra,
 non n. respondere ab alterā parte silvæ cu-
 rabat Delius, neq; ullo genere cursum suum
 intentissimum sistere volebat, solū hoc stu-
 dens, ut, quāprimum posset, novos suos A-
 mores assequeret; ita quidē ut misera Dia-

na, novis percepta lamentādi caussis, misere-
ris se modis ob absentia hominis affligeret,
unde percussus ad cōmiserationem, hospes
pastor, in hæc eā verba consolari aggressus
est. Noli formosissima, tā sine causā tibi in-
juria esse, & suspitione nescio cujus fugæ
tātis te dolorū p̄sumtionib. induere. Nō
n. absentia illius pastoris prorsus desertā te
putare habes, neq; animū despondere. For-
teanille, dū tu aliis rebus intenta es, amœ-
nissimarū harū arborum umbrositatē quæ-
rens densiorē, & aurē perflātis opacitatem
nemoris cupidior, locū mutare ferventiorē
voluit, priusquā nos cōsiliū ejus sentire-
mus, cui suspicabat̄ fortē nos aliqua ratio-
ne cōtraventuros. Potest etiā ut, super ad-
v̄tu meo turbatior colloquio me indigna-
tus, abscesserit, uti aliorsū cōfidens, sine fa-
stidiosā mei cōversatione diei calorē tran-
quillor eximere posset. R̄spōdit his Diana.
Gratiose Pastor, ut cognoscā malū illud q̄
te animi torquet, sufficit sermones tuos ha-
tenuis audire. Optimè p̄ te fers ab Amore
eū esse, qui te male habeat, morbū, Is quip-
pe cōsuevit amatorias suspiciōes vanis illu-
dere imaginationib. Ipsiq; Amatores in mo-
re habēt sensib. suis res falsas & impossibiles
credēdas, p̄ponere, cōnecti advenis & ceteris

fidem adhibendam illos faciant debiliores. Hoc & similia consilia, hospes, docere me possunt, eodem te affectu lancinari, qui & meum pectus coquit, remedium autem malo meo dare non possunt. Certa enim ego sum maritum meum Delium, qui clam nobis hinc se modo proripuit, vestigia formosissimæ puellæ sequi, quæ non diu factum est eum indidem hinc discessit. Et, quæ illam præsentem affectione aspiciebat, quibus suspiriis animæ suæ penetrabilia laxabat, Ego, quæ hominis ingenium novi, quam ille tenax eorum sit quæ semel objecta animo sunt, adeoque ut nullo modo inde divelli, quod comprenderit, valeat, pro certo habeo non destitutum sequi puellam, etiamsi in vita sua in conspectum meum redire non possit. Quodque me magis etiam isto excruciat, perspectam habeo & puellæ ipsius naturam, quæ quidem tam absonè dura, atque ab omni Amore aversa est, ut summæ etiam formositatis dona pro nihilo habeat, neque animum suum vincere possit, ut quacunque amatorum virtute aut generositate delectetur. Tristissimo pastori videbatur cum his verbis mortiferam sagittam aliquam cor suum transire,

transire, ut exclamaret: Heime infelicissimum Amatorum! quum meliore omnino causâ condolere mihi decet omnes animas, quæ non plane adamantæ factæ aut de petris excisæ sunt! qui mundum emetior indagando, asperrimam, crudelissimam, impiissimamque quotquot umquam fuerunt in vita puellarum. Merito tu doles fortunam conjugis tui, nam si, quali animo mea est, tali illa quoque conciliata est, quam quæsitum hinc discessit, in maximo discrimine vitæ suæ versari eum scias. Audiens Diana, hæc verba indubiè cognovit, clareque perspexit, & morbum hujus hospitis, & non aliam puellam esse quæ tam diris illum modis tractaret, quam quæ, procul illum advenientem prospiciens, tam celeri fuga abierat, quamque ille per universum orbem quærere non desisteret. Et certè res ita se habebat; namque hunc ipsum fugiens Alcida, ut eo minus cognosceretur habitu pastoralis sese occultabat. Verum dissimulabat hoc omne tum Diana, neque quicquam hujus misero aperire volebat ut staret scilicet verbis suis, neque, promissum Alcidæ abeundi, silentium de præsentia ipsius, falleret. Accedebat quod

*Ho compa
rata.*

illa tanto jam tempore aberat, & tam immani festinatione fugiebat, idque per densissima silvæ impedimenta, ut nullâ plane celeritate ipsam assequi potuisset; itaque conscius illum horum facere, nihil fuisset aliud quam ad vetera tormenta novos illi insuper cruciatus adjicere. Hoc quippe maiori animum dolore afficit quod aliquo modo sperabile, nullo tamen omnino potiri potest. Itaq; cum utrūq; horum cognoscere Diana, & amorum illorum ordinem causamque scire cuperet, quaq; de causa puella hominem tantopere abhorreret, in hæc verba illum alloqui institit, Cape ex re præsentis aliquod lamentis tuis solatium, hospes, & recensere mihi ne denega causam istorum dolorum tuorum; non enim & meis melius subvenire poteris, & ego cupida sum cognoscendi, quis sis, & fortunarum tuarum cursus meis malis fortè accesserit; neque tibi ingrata erit præteritorum casuum commemoratio, siquidem Verè amas, Veriq; Amatoris nomine dignus es, quorum ego quidem utrumque non invita credidero. Sufficiebat illi hæc audire, neq; opus erat pluribus peti, sed postquam junctim ambo ad fontem consedissent,

sedissent, Hospes ita loqui exorsus est. Malorum meorum non est ea conditio ut cuilibet mortalium ea recenseri possint, sed persuasio, quæ de te tuisque virtutibus penes me est, tum interior meritorum tuorum census, quem mihi singularis ista tua formositas enarrat, subigit me liberè tibi, quam petis, omnem velut spectandam proponere Vitam meam, si vita tamen vocanda est, quam hoc momento cum morte mutare non abnegem. Scito, ô formosissima, nomen mihi esse Marcelioni; & statum meum longè alium quam ex habitu meo istoc quisquam suspicari possit. Natus enim ego sum in Civitate Soldina, Metropoli Provinciæ Vãdaliæ, illustri patrum prosapia, & opibus præpotente. Tenerâ meâ pueritiâ traductus sum in Aulam Regis Lusitaniæ, ibique educatus, amatus non solum ab Aulæ, Regniq;, Primatibus, sed ipso etiam Rege, inter non multos; Adeo quidem ut nunquam à latere suo me dimiserit, donec ipse met mihi Præfecturam Exercitus commēdavit, quem eo tempore in partibus Africæ habebat. Illic ego multos annos, summo imperio, oppidis & Castellis præ-

fui, quorum Regi ibi locorum copia est,
 Domicilium autem colebam Ceutæ, civi-
 tate non ignobili, unde malorum meo-
 rum exordium provenit. In ea urbe, fini-
 strâ meâ fortunâ habitabat tum generosi-
 tate maiorum & virtute propria spectatissi-
 mus Eques, nomine Eugerius, cui Rex ci-
 vitatem illâ gubernandam dederat: Huic,
 post insignia Opum, Nobilitatis, & Virtu-
 tum, decora, favor Numinis familiam au-
 xerat filio, vocabulo Polydori, strenuo &
 virtutum omnium locuplete iuvene, &
 duabus filiabus, Alcida, & Clenarda, in-
comparabili utraque specie puellâ, & vir-
 tutibus maiorū laudibus æquabili. Clenar-
 da sagittis iaculandi dexterrima, Alcida,
 natu maior, pulcritudine etiam sororem
 superabat. Huius tanto me Amor deside-
 rio percepit, ut sola mein hoc vivendi ge-
 nus redegerit, ut, desperationi momenta-
tatim proximus, crudissimam mortem
 quotidè expectem & provocem. Pater
 puellæ tam strictè in eam animadvertibat
 ut rarissimè cōspectum eius excedere pos-
 set, quæ res impedimento maximè erat, ne
 ardentem meum ipsi affectum significare
 possem; præterquam quod, cum singulari
 for-

Momentatim.

fortunæ favore conspectum ipsius inde-
ptus essem, oculis tormenta cordis præ se
ferentibus, & suspiriis profundo animæ
finu etiam nolente me, petitis, ipsi aliquan-
do desiderium meum manifestarem. Se-
mel, occasionem faventem nactus, quod
solum poteram, per litteras ipsam alloqui
studui, quarum series hæc erat.

*Honestâ Gravitas, sancta, Maestas, Puder
Cordatus, & Modestia, & Sapiens Decor,
Tranquilla Mentis & sibi vacans Quies;*

II.
*Laud facile
qua omnes lū
e virtutinis &
virtutis titulu
absolvit.*

*Alii tuarum mille virtutum chori,
Quæ totum in orbem differunt laudes supra
Titulos priorum, quamlibet celsos, tuas.*

*Alcida principes Pulcritudinum, meum
Tam pectus arctis attinent periculis,
Flammisq. torrent nullibi ut constem mihi.*

*Ipsam hoc, quod audeo alloqui Numen tuum,
Sic me repellit indidem, ut vita licet
Discrimen obstet, præferam silentium.*

*Quis ille durus, qui videns radios, quibus
Fulgorem ocelli demicant vestri sacrum,
Non mutus adest & velit silens mori!*

*Ocelli demicant
fulgorem.*

*Quis, Pulcritudinum eruditus momina,
Maiores vidit indole & Sapientia
Formam potentem, conferens pris. is novas?*

Quis vidit istam, quin Amore se novo

*Visâ implicarit, mente tam victâ, procul
Vti silere quam loqui, malit miser.*

*Ego tacendo talia exantlo mala,
Vt pectus in lamenta disrumpi queat,
Exire fractis cratibus cor proditum.*

*Spes vana, vita est, Gaudium fidem suprâ,
Tormenta certa, firma Pœnarum seges:
Bono orbus animam, perditus malis, ago.*

*In menses ipse vindicem vim exerceo,
Quod opto maximè, hoc minus nihilo venit,
Quod fugio, sequitur, &prehendit maximè.*

*Exspecto quod mihi convenire non potest,
Tristitia nullum nostra Consilium petit.
Exulto ego in dolore qui me interficit.*

*Mea vita, Gaudiumque, tam duranti diu
Quam differentiam ipse metior mei
Talis decoris comparatus Gratiis.*

*Ergo, arrogante pectus elevans gradu,
Tam celsa spero tangere exsultim loca,
Animumq, forti munio Constantiâ.*

*Verum duello me petit tali, tua
Divina forma, & indoles hominem suprâ,
Vt mille vitæ non ferant resistere.*

*Sed nulla terrent me pericula, in via
Via nulla tantum est, confragosa, aut aspera,
Iter morari quæ meum contra queat.*

Video sequi me propriam inconstantiam,

Quæro

Quero malorum tormina & Pœnas graves,
Animumque diris planctibus miserum offero.

Tranquilla mens succutitur ærumnis, tamen
Medio in dolorum gaudia adsunt gurgite,
Mea vita Pœna gloriam in sinu invenit.

Mihi Pœna ludus Pœna delectatio est,
 Mors dulce nomen, sunt joci suspiria,
 Recreatio Ignis, Sanitas, sunt vulnera.

Nil video quod non suscitet flammæ meas,
 Addatq; furias mille tormentis graves.
 Hinc robur auget, fortitudo est fortior.

Horum malorum, Domina, tu causâ es mihi;
His lancinatus vivo tormentis tibi,
Æquas dolorum sufferens Spei vices.

Miserere miseri, Domina; qui vitam suam
 Offert Amori mille eum Pœnis tuo,
 Malis medelas ille non quærit suis,

Saltem tua ille quid ferat causâ, scias.
 Hæ fuerunt litteræ ad eam missæ; quæ
 si tam benè compositæ fuissent quam felices
 fuerunt, ingenium meum utiq; Homeri
gloriæ exæquassem. Venerunt in manus
 Alcidiæ, quæ, quamvis alloquio meo non
 nihil perculsa, audaciâ verò etiam offensa
 fuisset, non nihil tamen, dolorum meorum
 noticiâ, animum in favorem meum incli-
 navit, ut postea edoctus sum, & quidem

amplius quam de infelici mea sorte ego
sperare habebam. Orsus hinc pro Amato-
 re me ipsius gerere, omnibus officiis eam
demereri studens, Ludis equestribus, exer-
 citiis militaribus, vestimentorum ornatu,
 omni denique habitu, & vitæ ordine me il-
lius favori demerendo componens, mille
 carminum genera, faventibus Musis, con-
 scribebam, ut magis magisque affectio illi
 nostra innotesceret. Gerebantur hæc an-
 nis aliquot continuis; quibus evolutis, me-
 ritum me nuptias filiæ suæ censebat Euge-
 rius, adeoque generum in familiam recipere
 non detrectabat. Itaque, interventu
 principum illius regionis, virorum, mihi
 matrimonio illam jungere consponderet.
Res eo decisa est ut Sponsalia Lisibonæ fie-
rent, uti Rex Lusitaniæ præens illis adesset.
 Itaque summo studio Cursorem eò de-
stinamus, Regi Nuptias nostras significa-
 mus, supplicantes liceat, idoneis hominibus
 negotio commisso, in Aulâ eius conveni-
 re, ut sollemniter Nuptialia festa celebra-
 rentur. Illico per universam civitatem, ad-
 eoque vicina & longinqua Regni loca, fa-
ma differtur de matrimonio meo, quæ mi-
rificè omnes afficiebat, congratulantes
 tam

Aliquò desti-
 nare curso-
 rem.

tam singulari pulcritudine Virgini tam
cordatum & fidelem Amatorem obtigisse.
Huc usque prosperita mea cursum tenuit,
Eò excelsitatis me Fortuna elevavit, ut
post in profundissimum miseriarum gur-
gitem, in quo nunc versor, præcipitem pro-
jiceret. O Fugitivum Felicitatis Bonum, ô
mutabilis Lætitia, ô variabilis delectatio,
ô inconstantissima Firmitas, rerum in vita
humana! Quis amplius de Fortunæ favore
sperare poterat, quam ego ~~capiebam~~? Quis
diriora pati possit, quam post ego, huc us-
que, passus sum, & etiamnum patior? Ne
me cogas, rogo, Diana formosissima, auri-
bus tuis molestum esse, sequentem rerum
ordinem recensendo, ne quâ animi tui af-
fectibus miseriis meis denarrandis iniurius
sim. Contenta sis audiisse felicitatis meæ
tenorem præteritum, ne velis audire præ-
fentem dolorum meorum Historiam. Cer-
tus enim sum, prolixitatem malorum meo-
rum tædium audiendi facturam tibi, & in-
fantiam narrantis mei fastidio tot ærumna-
rum te vexaturam. Respondit Diana. O-
mitte, oro, Marcelio, & has & similes alias
omnes excusationes, neque enim Fortunas
tuas eo fine audire optavi, ut de bonis sal-

tim tui animum delectarem, sed & malorum participare vel auditu ipso ordinem cupio, ut amborum historiã in pectus hoc meum admittã, ærumnosum ante hac, atq; sic congaudeam condoleamque tibi. Ah formosa puella, respondit Marcelio, quam libenti animo hic orationi finem ponerem, si citra affectum in te meum esset, quo nihil unquam non facere decrevi quod tibi placere videam. Et, quod magis me etiam premit, est, non posse fieri quin incivilitas mea in recensendis tam amaris rebus aliquo cor tuum dolore contingat. Me quod attinet, non facio tanti tristitiam quam hinc animo aucturus sum, quin libens illam commutẽ cum Voluptate, quam diem tibi gratificor, recipio. Video te quippe tam cupidam hæc cognoscẽdi, ut cogar aliquo modo tibi molestus esse, ne voluntati tuæ contraveniam: Scias igitur & sequentia. Postquã conclusæ erant infelices nuptiæ nostræ, jamq; Rex quæ petieramus, annuerat, Pater Spõsę Eucherius, amissã conjugē viduus, Filius hujus Polydorus, duæ Filia, Alcida, & Clenarda, & infortunatus ille Marcelio, qui cordolia nunc tibi sua recenset, Officiorum, nobis à Rege cõmissorum, munia fidelibus homi-

nibus.

*Alicuius vo-
luntati con-
travenire.*

nibus commendātes, in Portu Urbis Ceutę navim adscendimus, pelago iter Lisibonā, nuptias in præsentia Regis celebraturi, facturi. Laetitia, quam pro se quisque, hoc rerum successu, capiebamus, adeo nos animi cæcos effecerat, ut periculosissimo anni tēpore, metu nullo tempestatum, tum maxime increbrescentium, nec furiis ventorū, iis mēlibus omnia turbantium maria, distineremur, quin, fragilem navem inconstanti Fortunæ credentes, alto nos committeremus, parum solliciti quid de Elementi, Aeris, & Fortunæ periculis sentiretur. Sed parum omninò spatii intercessit, cū Fors audaciam nostram castigare cœpit; eo enim adhuc die, nondum nocte solem obtegente, Gubernator navis, manifestissima signa futuræ tēpestatis se notare, indicavit. Cœperūt abhinc paullatim spississimæ nubes cœlum obscurare, undarum imitus excitarū fragor crebrescere, Ventorū animæ contrariis flatibus undiq; violenter aerem commovere. Ah tristitia & periculosa nūcia; timore turbido percitus Gubernator exclamat! Ah infelicissimum navigiū, qualia te infortunia manent, nisi peculiari Deus auxilio succurrerit! Cum dicto tam im-

mani impetu Boreas navim perculit, ut, ex-
 tentis velorum spatiis, totique adeo machi-
 næ incumbens, omne subsidium Magistro
 excuteret, Rapiens in maximum undarum
 cumulum, sine remigis usu, aut arte guber-
 nandi, furorem Tempestatum secuturam.
 Inolescere sensim cœperat undarum tru-
 culentia, fluctusque, spumis albertibus
 turgidos vortices erigebant, cœlum omne
 in effusas pluvias præcipitabat, radiis cir-
 cum undique fulgurum horrendis jacula-
 batur, mundumque tonitruum ingemina-
 tionibus contremefaciebat. Audiebantur
 terribiles rudentium succussorum strido-
 res; super omnia animos percellebant nau-
 tarum & vectorum ejulabiles clamores.
 Venti ab omnibus lateribus navim impu-
 gnabant, Undarum violentia, iteratis pul-
 sibus, etiam firmissimos tabulatorum asse-
 res, &, ingentibus fixas clavis, trabes, dis-
 ruptis coagmentationibus cessim diffinde-
 bat, & dilacerabat. Interdum subito, velut,
 fastu, elatum mare ad cœli usque confinia
 nose elevabat, repente ad inferas abyssos
 contra detorquebat; non rarò horrendis
 ceu faucibus sese aperiens, & dilaxans,
 profundissimos imarum arenarum situs
 com-

4.
 TEMPE-
 STATIS
 Descriptio.

*Clamor ejul-
 labilis.*

commonstrabat. Quicquid virorum & mulierum in navigio erat, hinc inde discurrendo, miserabili propinquæque morti moram undiquaque quærebat, pars alto corde petitis suspiriis, pars votis ad superos ardentibus, alii, quibus solum poterant, lacrymis, æumnas suas commendabant. Gubernator, qui jam tantâ Tempestatis violentiâ omnem sanguinem amiserat, omni artis subsidio truculentis ventorum æstuumque viribus superato, quid ageret dubius, officio suo adesse nequibat, jam neque unde spirarent Venti, neque quorsum raperent navigium, neque, solitas notari, eorum differentias agnoscebat amplius, itaque uno temporis articulo mille diversa imperabat. Nautæ, vicinæ mortis discrimine attoniti, quæ jussû erant exsequi non poterant, neque adeò ipsam vocem imperantis audire, tantus aerem tumultus undique percellebat, frustrâ raucis clamoribus illo & turbidis objurgationibus instante. Hi vela colligebant, alii antennam circumrotabant, alii ruptos rudenteis connectebant, alii fragmenta asserrum trabesque diductas, & convulsas, reponere laborabant, pars pelagus in pela-

gus effundebat, pars temoni ipso succurre-
re occupati erāt, summa; nemo studii quip-
piam remittebat, ut inevitabile visu, nau-
fragium, quacunque ope posset, defende-
ret. Verum nil agebat universa mortali-
um diligentia, nihil proficiebant vota
& lacrymæ, ut aliquo modo saltim fu-
rentis Neptuni ira componeretur. Contrā
potiùs quo propinquior Nox ingruerat,
magis crebrescebat ventorum violentia,
Tempestatumque sævitia augebatur. Jam
tenebrosis nox umbris omnia latè indue-
rat, neq; pericula quicquam remittebant,
cum Pater Eugerius, desperato jam mortis
remedio, vultu lacrymis irriguo, alteratio-
nemq; mentis declarante miserabiles suos,
generum, liberosq; intuendo, tam ærumna-
bili spectaculo infortuniorum summā au-
xerat, ut non minus nos illius dolor, quam
propriorum discriminum magnitudo, affi-
ceret: Sic miserandissimus senex, undi-
que ærumnis circumventus, lamenta-
bili voce ita nos affari orsus est. Ah
variabilis Fortuna, humanis gaudiis in-
fensissima hostis, tam immane infor-
tunium in ultimam mihi senectutem
usque meam servaveras! O ter quater,
que

que felices, qui juvenilibus suis annis mortem, crudelibus præliorum insulti-
bus, sanguine suo sibi pepererunt, ut ex-
empti hoc metu, hac infandâ tristitiâ
liberati, non haberent amatissimorum
suorum liberorum lugubria fata deplo-
rare, cum ipsi pedem jam in fossâ habe-
rent. O vehementissimum malum! ô
tristissimum casum! quis umquam tam
omnibus modis lamentabilem mortem
oppetiit, atque nunc ego! Qui sperans
quandoque, me ultimam necessitatem
meam consolaturum successoribus, quibus
familiam & memoriam meam instaura-
tas relinquerem, truculentâ morte per-
ire cogor, in medio eorum quibus du-
cendas exsequias meas commendare co-
gitaveram! O Desideratissimi liberi, quis
dicturum se mihi credidisset, vitam ve-
stram meamque uno momento temporis
simul finiendas! uno nos omnes infortu-
nio pariter perituros! Volebam, liberi
mei, consolari vos, volebam tantis ma-
lis verbis levamen addere, Verùm quid
dicere vobis possit afflictissimus Pater, in
cujus animo tantus dolorum concursus,
tanta moestitiæ abundantia est, tã enorme

omnis solatii deliquium? Tamen consolamini vos, liberi mei, armate corda vestra tolerantia, relinquite mihi junctim omnium vestras particulares tristitias, quoniam cum singuli vos singulis mortibus oppetere cogemini, mihi mea primum imminet, deinde de unoquoque etiam vestrum alia; toties mihi fatum iterabitur, quot vestrum ex me geniti, ascitique in familiam meam, ante oculos meos moriemini. Hæc ærumnosissimus Pater, cum tantis lacrymis, suspiriis, & gemitibus, proferebat, ut vix vocis iter verba invenirent; amplectebatur ordine omnes, festinabundus, ne quem ultimo parentis officio celerata mortis necessitas præciperet. Nunc tibi lacrymas etiam & dolores Alcida, meosque pro ea, mei velut obliti, recensere velle, difficilimum & laboriosissimum sit negotium. Unum aliud de tantis tibi narrare solum cupio: Quod maximè me omnium torquebat hoc erat, vitam mihi meam, quam illius servitiis devoveram pariter cum ipsius, longè mihi cariore, ponendam esse. Inter hæc, lacera iam & disrupta, navis vi ventorum Occidentalium, qui per angustias freti, quod Gibraltare hodie vocant, infans im-
petu

petu debacchabantur, incitata, maiore celeritate, quam Saluti nostræ utilis erat, tempestatum furiis compulsæ, totum illud Noctis spatium cum sequenti die, absque omni, gubernatoris, nautarumque, & vectorum, subsidio, multa passuum millia, per æquor mediterranei maris processerat, quorsum rapiebant, Ventorum turbines, sequi coacta. Altero, postindè, die videbatur Tempestatum furor non nihil remissionis spondere: Verum illicò ad priorem sævitiam rediens, tantis nos discriminibus circumsistebat, ut nec unam nobis horam vitæ deincipis polliceri possemus. Ad finem, tantus nos fluctuum ætus conquassabat, ut icta navis turbine præcipitis procellæ lævo lateri impulsæ, tam proxima naufragio esset, ut jam summis foris aquam immitteret; Ego tam penitus irremediabile discrimen ante oculos videns, ensen, quo accinctus eram, cum baltheo ipso mihi diripio, ne quo scilicet mihi modo impedimento esset, & complexu strictissimo Alcida meam circumdans, cum illâ me in scapham quæ navim sequebatur, projicio. Glenarda, quæ puella erat admodum habili corpore, & mente promptissima, nos in-

Nb. Deinceps.

sequens idem faciebat, non oblita arcum pharetramque, arma quibus assueverat, quæque omnibus thesauris potiora amabat. Polydorus, Patrem suum ambobus brachiis complexus, volebat saltu nos in eandem etiam scapham sequi, sed occupantes illum Gubernator cum alio quopiam nautâ, prævenerunt, dumque ille cum sene saltum luctatur, derepentè incidens turbo, tanto spatio scapham navigio depulit, ut volentes nolentesque cogerentur isti in hâc persistere; quâ, momento temporis à nobis divulsi, prorsus extrâ conspectû ablati sunt, neq; ex illo tempore quicquam de eorum fati auditu comperimus; hoc solum suspicari, immò penè pro certo scire licet, pessum datam navim naufragio ad ultimum resistere non potuisse, aut miserandum in modum transversam in latera sinuum Hispanicorum raptam, prorsus amissam periisse. Nos autem, Alcida nimis, Clenarda, & Ego, in minutâ scaphâ hærebamus, industriâ duorum, Gubernatoris & Nautæ, totum istum diem cum sequenti nocte servati, quâquam nullius remedii spe nisi, neque in singula momenta quicquam præter præsentem interitû expectan-

spectātes; nec jam quisquam nostrūm, quā
regione jactaremur, gnari: Altero postea
 die, summo manē, nos vicinos cuiquam tel-
 luri sensimus, & eam appulsi, per medias
 fluctuum moras venimus. Duo nautæ,
 dexterriminandi, non solum ipsi in terram
 evaserunt, sed & nobis opitulati salvos o-
 mnes in continentem eduxerunt. Cum
 jam tandem aquarum discrimine liberati
 essemus, Nauiæ, scapham ad littus subligā-
 tes, agnoverunt regionem, insulam nimirū
 Formenteram esse, quam teneremus, non
 satis interim mirari potentes tam brevi nos
 tempore tam immane spacium evectos cō-
 fecisse; Illi verò tam experientes omnium
 erant, quæ mari tempestatum truculentia
 efficere solent, ut parum animis commo-
tividerentur, super omnibus istis infortu-
 niis nostris. Jam quidem, Pelagi periculis
 elapsi, animum receperamus, & de secu-
 ritate jam nostrā mutuò gaudere pote-
 ramus, si citrà Eugerii & Polydori fatum
 fuisset, quod nos sanè miserrimè afficie-
 bat, tum autem etiam fames adeò nos ma-
 cerabat, ut parvam caperemus servatæ vitæ
 lætitiā. Nolo jam commemorare tibi
 planctus & querelas Alcida & Clenar-

dæ, fratre germano cum Sene Patre amissis, ut quidem historiæ ordo eò citius detexatur, imminet enim jam, urgetque me, recensio tristissimi mei casus, quo in insulâ illâ solitariâ Fortuna adversa vix naufragio elapsum invenit. Quid Fortunam autem dico? Potius, illius me telis & discriminibus superstitem, Amoris hostilitas confecit, qui ægrè ferre videbatur liberatum me tam propinquo exitio, & hoc studere, ut quo me tempore præsentissimam mortem evasisse gaudere possem, eo me ille, pejoribus ipsâ, doloribus ærumnisque torqueret. Feriit tum malignus ille Puer cor Gubernatoris, cui Bartofano nomen erat, tam ardenti Amore pulcritudinis Clenardæ, germana quæ Alcida meæ jam sæpius memorata est, ut, oblitus uno momento omnium, fidelitatis & amicitiae Legum, uti solùm voti sui potiretur, crudele & barbarum scelus secum ipse concluderet, conclusumque effectui mox traderet. Hoc ita contingit. Postquam Germanæ ambæ, Alcida, & Clenarda, longo jam tempore lamentis super infortunio Patris & Fratris indulgiscent, accidit Alcidam, fatigatam tot malis, arenâ sese proximâ collocare, ubi, violentiâ diu suspensi

suspensi soporis, altum obdormivit. Quo
viso, ego ad Barrofanum conversus, amice,
inquam, uti vides ipse, eo res nostræ deve-
nerunt, ut nisi de victu alicunde procuran-
do nobis prospiciamus, frustra morti de
marinis fluctibus elapsi videamur, quos Fa-
mes sævior in deserto littore confecerit.
Igitur, si tibi idem mentis erit, optimum fa-
ctum arbitrer, te cum sodali isto tuo, quæ
primum parari poterit, in insulam progre-
di, & cibatus necessaria nobis præstinare.
Respondit tum Nauta; satis fecisse pro no-
bis, Marcellio domine, sibi videbitur jam
Fortuna, quod in continentem nos salvos
undarum fluctibus extulerit, quamquam
ora hæc telluris omnino inhabitata sit. Er-
rorem tu istum pone, nihil enim humano
victui hæc terra suppeditat, sterilis omnino
& inculta. Ego vero, quod ipse commen-
tus sum, ut famem pellamus, tibi indicare
volo. Vides minutam istam insulam quæ il-
lic ex adverso jacet, non longè abhinc dis-
sit? Illic magna copia venationum suppe-
tit, cuniculi, Lepores, aliæ tales feræ,
quantum quidem silvestria spelæa educare
solent. Illic etiam Eremita quidam colit, in
cujus tugurio ut plurimum farinam & pa-

nem invenire est. Mihi videbatur facto opus esse, ut Clenarda, quæ quanta sagittandi artifex sit tute melius compertum habes, cum scapha ista nostra in illam insulam trajiciat, venatura utique aliquid omnium nostrorum salute, cum arcum & tela secum habeat. Ego cum sodali hoc meo eam illuc sistemus: Tu vero, Marcellio, hic juxtà Alcidam expectare reditum nostrum poteris, antequam enim illam somnus reliquerit, spero nos opimâ prædâ onustos illuc reversuros. Optimè & mihi & Clenardæ consuluisse Bartofanus videbatur, neutro suspicante quam ille nequissimam fabricam strueret. Clenarda tamen nulla ratione persuaderi poterat ut sine me socio in insulam illam trajiceret, quoniam abhorrebat se fidei nautarum solam credere: Et quocunque ego modo excusationes quærerem, inferens, non posse fieri ut Alcidam solam isthîc relinqueremus, dormientem in deserto littore, responsum illi promptum erat, quoniam parum spatii inter utramque insulam foret, venatio illîc copiosa, mare autem benè tranquillum, (dum enim nos in terra fueramus flu-

ctus admodum compositi erant) posse nos venatum proficisci, & redire ante-quam Alcida, quæ tot jam noctibus somnum non vidisset, excitaretur. Ad ultimum tot argumentis obstinationem meam concutiebat, ut, obliviscens ejus, quod magis mihi curæ esse debebat, absque suspitione deterioris Fortunæ, velle me dicerem, quæ vellet. Quod quidem pessimè Bartofanum habebat, qui, ut desiderio suo satisfaceret, nullum sibi comitem, præter Clenardam solam, optabat. Verum neq; sic scelestissimo homini astus defuit, ut novo casu nova sceleri patrando subsidia excogitaret. Nos relictâ dormiente Alcidâ, scapham intramus, & mari nos committimus; verum priusquâ insulam, quo tendebamus, appelleremus, me, sine armis, & absque omni proditiōis suspitione, alia omnia cogitantem, qui vitam solam naufragio eripuisse lætus eram, nec armorum ullam curam habebam, assiliunt derepentè atque ex improvise prorsus, duo isti nautæ, repugnare nil valentem, comprehendunt, & vinciunt. Clenarda, viso scelere, dolore atq; indignatione præcipitè se in pelagus ejicere volebat, sed à Gubernatore vi re-

*Secretim a-
liquem allo-
qui.*

tenta est, qui ad alteram mox Scaphæ par-
tem traductam, secretim ita allocutus est.
Formosissima Virgo, ne percellare animo,
neque mira habeas, quæ isthîc modo gesta
vides, consolare & compone cor tuum,
animum tuum tranquillitati dede, omnia
ista tui gratiâ, & à tui studiosis nobis, pa-
trantur. Scias, Domina, Marcellionem
istum, cum desertam illam insulam appel-
leremus, remotis arbitris, soli mihi dixisse,
persuaderem tibi, ut venatum in istam al-
teram traduci te sineres, cum autem me-
dium jam mare teneremus, nos proram
navis Orientem versus obverteremus, in-
dicando, Amore se tui captum esse, deser-
turumque ejus gratiâ in littore deserta In-
sulæ Germanam tuam, ut voto suo, concu-
bitu nimirum tuo, absque omni obstaculo,
& impedimento, frui posset. Hinc cum
non veller huc nos comitari, arte & dissi-
mulatione cautissimâ rem gerebat, uti ma-
lignitatem suam commodius contegeret.
Ego vero, qui pretium Formositatis tuæ a-
liter æstimare possum, ne Virtutibus tuis
tam atrox injuria inferretur, eo temporis
articulo quo consilium suum mihi Mar-
cellio, aperiebat, conclusi animo, fidelita-
tem

tem tibi servare; ipsumque eo fine comprehendi & vixi, propositum animo habēs, eo eum modo in proxima insula relinquere, & ita tecum reverti ad desertam in alterâ, sororem tuam. Hanc tibi facti præsantis Rationem reddo, tu expende quid porro sequaris, utri te deceat amplius fidem habere. Hoc sermone, Clenarda, audito, pro verissimo mendacium infidissimi nebulonis accepit, ergaque me irreconciliabili irâ conceptâ, consensit, ut ego illuc ducerer quo Bartofanus volebat. Aspiciebat me vultu furibundo, & ex rabie mentem omnem externante, nullum mihi verbum loqui poterat. Intimo tamen corde suo sibi gaudebat, & congratulabatur de vindictâ quam ex me captura esset, nec quicquam eorum percipiens, quibus illam dolis perfidus nauta versabat. Agnoscebam ego ex omnibus gestibus vultuque puellæ, parum illi condolentiæ esse, victum me, & constrictum teneri, igitur eam adversus, Quid hoc est, inquam, negotii, soror, tam parum tibi dolendum videtur meum hoc tuumque infortunium? Ut tam cito planctus tui & lacrymæ finem sibi inveniant? Potest ut spem certam habeas, ci-

Sibi gaudere & gratulari.

to me liberum revisuram, & expetentem
 vindictam criminis tam barbari, ab impu-
 ris istis latronibus. Illa tum, feræ instar Leæ-
 næ, atroci voce mihi reddidit, ideò me vin-
 ctum merito meo esse quod voluerim de-
 fertâ Alcida sorore suâ, sese rapere, & illa
Præmentiri. deinceps omnia quæ turpissimè scelerofus
 homo illi præmentitus fuerat. His auditis,
 majore quam alias umquâ, dolore quatie-
bar, & quoniam manibus vindicare me de
 impuratissimis nebulonibus non poteram,
 verbis iram in illos effundebam: Ipsi autem
 puellæ tantum argumentorum indicavi, ut
 intelligeret immane hoc facinus non aliâ
caussâ quam ex diro Amore Bartofani ori-
undum esse. Percepto, illa, fabricæ tam
Multum la-
mentorum da-
re. malæ ordine, tantum lamentorum dedit,
 ut nullum scopulum non talibus querelis
 mitigaturam fuisse arbitrer; nihil tamen ad
 omnia ista barbari latrones movebantur.
 Nunc tu mecum cogitationes retro in in-
 sulam illam desertam flecte, iam parvum
 nostrum navigium plurimum pelagi cele-
 ritate suâ emensum erat cum infelicissima
Orbus Subsidi-
orum: Alcida, sopore suo excitata, solam se videt,
omnium humanorum subsidiorum or-
bam & spoliata: Vertebat tum, puto, mi-
 sera

fera Oculos ad mare, non videbat illam
 suam ductricem, scapham! magnam par-
 tem littoris quærendo emensa, neminem
 mortalem inveniebat. Poterit subvenire
 tibi, ô formosissima, quid illo tempo-
 re, illo casu, miseræ animi fuerit! Ima-
 ginare nunc animo tuo lacrymas illas,
 quæ de vultu mœrentis deciderunt: Cogi-
 ta planctus illos, quibus infortunium suum
 vacuo aeri conquesta est: Attende quot vi-
 cibus præcipitem se horrendis fluctibus in-
 jicere voluit! Exputa, quoties nomen illa
 meum tum iteraverit! Nos verò, iam dum
 tam longè aucti discesseramus, ut vocem
 clamantis audire nequaquam possemus; il-
 lud solum conspicabamur tegmine capitis
 candido elevato, & recessim vibrato, re-
 trò nos illam ad salvandam sese, vocare.
Non tamen hoc animum ut faceret indu-
cere poterat Bartofanus. Contrà summâ
 celeritate itineri insistentes appulimus
 tandem in Insulam, Yvicam nomine, ubi
 terræ insilientes, nautæ, me extractum
 navigio ad Anchoram quamdã adstrinxerunt,
 quæ illic forte fortunâ solo infixâ
 remanserat. Offenderunt ibidẽ alios quos-
 dam nautas, Bartofano notos, & eodem

4.
 ÆGKIM
 NIE RE
 CORDATI

cum illo ingenio, quibus, quamquam Cle-
narda omnem rem gestam enarrasset, sup-
plicans proditæ suam pudicitiam, qui pos-
sent, perfidi latronis manibus adsererent,
nihil tamen profecit, quin insuper necessa-
rio commeatu instruxerunt raptorem. Is
Clenardam, quantumcunque etiam, relu-
ctantem, & Deorum hominumque fidem
implorantem, ut puellam vi navigio intu-
lit, & vela fecit, quorsum dehinc ablati
sint, mihi incognitum est, qui nihil eorum
quicquam post vidi vel audivi. Ego interi-
bi, miserrimum in modum fame macera-
rus, & jam animam agens, manibus pedi-
busque advinctus, illic stabam; Quod in-
fortunium cum mirificè, ut par erat, me af-
ficeret, nullo loco tamen ponebam, confi-
deratione eorum, quæ Alcida patiebatur,
quam in Formêterâ solam, omnium rerum
egenam, reliqueram. Et mea quidem For-
tuna illico remedium invenit: Ad clamo-
res quippe & ejulatus meos advenerunt,
copia maris accolarum & nautarum, qui
miseriis meis condolentiores barbaro illo
latrone, viri, ut res ipsa demonstrabat, non
mali, neque eorum similes qui cum Barto-
fano modo fuerant, solverunt vinculis, &
esui,

esui, potuique, quæ habebant largiti sunt. Dehinc tantis à me pulsati precibus, ut re-
nuere jam non sustinerent, armarunt celo-
cem quampiam, quam victu insuper & aliis
necessariis, munitam, meo arbitratu, meq;
socio, Formenteram versus egerunt. Venti
favoris erat ut paucis omnino horis nos eò
quo tendebamus, sisteret, eòdem quoque
loco quo dormiens Alcida remanserat. Ve-
rum, quantamcunq; diligentiam in per-
quirendâ illâ adhiberemus, nullis neque
clamoribus neque aliis indicis adventus
nostri neglectis, nec volam tamen ejus, nec
vestigium, uspiam indagare potuimus. Au-
tumabam ego desperatis rebus miseram se
ponto præcipitem iniecisse, vel, ferarum
silvestrium incursum dilaniatam, periisse:
Denique, dum omnem lapidem moveo, o-
mnia excutio, nihil non perquiro, nihil totâ
ferè insulâ inexcussum relinquens, tam-
dem in latere petræ, velut in tabulas sepul-
crorum scribi solent, mucrone cultelli, has
exaratas litteras inveni.

Sicci & arenosi vis littoris, ad mea cuius

Carmina plangentis, conticuere soni.

Vos fluctus inflati, Animæque, immania circum

Augentes nostris murmura cordolæ.

12.

INVOCATIO POET
Rerum in
animatarum

Augere.

Vos petra edura, quibus inscripta ista meorum
Aeternum votorum, indicia, immaneant.

Vos testes fidi nostris estote querelis,

A sponsò quod sim sola relicta meò.

Germanam ille meam, me oblitâ, avexit, iidem

Et ratis & Fidei vela tulere Noti.

Nemo dehinc nostro gaudebit Amore procorum;

Tranquillum hoc nullis est mare Temporibus,

Hujus ego aeternum freta dira cavebo, nec unam

Mille hostes contrâ me temerè obijciam.

Non exaggerabo tibi, narratione vulneris,
truculentiam quo animam meam percelli
sentiebam, cû hæc verba legerem, edoctus
 illis, alienâ me libidine, & fortunæ adversæ
 iniquitate, immerentem, Amoribus meis
 spoliari, Hoc quippe considerâdum tuæ sa-
 pientiæ relinquâ. Unum affirmare tibi pos-
 sum, pertæsum vitæ, tam prorsus undiq; æ-
 rumnis atq; doloribus circumcinctæ, volu-
 isse prono pectore in proximum enssem in-
 cumbere, & vi rumpere materiam omnium
 tristitiarum; & perfecissem certè quod vo-
 lebam, si nautæ isti tam verbis quam mani-
 bus non impedimento fuissent. Retulerūt
 me pro mortuo in Celocem suam, quâ, affi-
duitate precum, & pollicitationibus meis
adacti, tantum magnis itineribus effecerūt,

ut me in Italiam transveherent; urbis Cajetæ portu, in Regno Neapolitano, exponentes. Illîc cum neminem non super Alcîdâ meâ verbis & signis rogarem, tandem à pastoribus quibusdâ certior factus sum, illuc eam quoq; appulisse, vectam Hispanâ navi, quæ in insulâ Formenterâ solam inventam susceperat: Quodque pastoralî habitu sese induisset, eâ solâ gratiâ, ne quicquam mihi de rebus ipsius aliquando innotescere posset. Extemplo ego quoque, uti eò facilius eam indagare valerem, pari me habitu vestivi, totum illud Regnû angulatim velut perscrutando, numquam ullo loco quietem mihi sumsi, donec cõperi, fugientē me, quæ rescivisset me aliquid de se inaudivisse, navi Genuensi in Hispaniam transvectam esse. Illicò eorsum & ego vela feci, *Corsum.* persequens fugam ejus; Veni in has oras, maximam eorû sum partem perscrutatus, neminem tamen adhuc offendere quivi, qui vel summum ejus indicatiû mihi faceret, quæ tanta crudelitate me fugit, quamque tam ærumnabili ego labore quæro. Hæc est, formosissima puella, Tragœdia universæ hætenus vitæ meæ, Hæc est causa mortis meæ, hæc series atque ordo meo-

rum malorum. Quod si, in tam fastidiosâ
narratione, tædium etiam prolixitas cau-
fata est, culpam ejus tu tecum habes, quæ
nullo modo remittere hanc noxam mihi
voluisti, quin omnem à capite ad calcem
tibi recenserem. Jam verò, quod abs te pe-
tere habeo, unicum hoc est, ne contendas
ærumnis meis aliquà remedium quærere,
neque tam atrocia mala consolando leva-
re velle, neque interturbare perennes has
lacrymas, quas ego tales, absque omni so-
lacio, & fine, Pœnæ mihi meæ debeo, justâ
quidem atque irrefutabili ratione. Finito
hoc sermone, Marcellio, tam tristi atque
miserabili modo, non ita pridem desitos,
planctus & lamentationes suas, redinte-
grare exorsus est, ut amarissimi fletus, & su-
spira cor in penetralibus pectoris lancina-
re visa, maximâ condolentiâ audientem
afficerent. Voluit Diana illi indicare non
ita dudum eodem loco Alcida affuisse,
sed promissionem fallere, & verba facto
confutare, non videbatur tolerabile, præ-
tereâ cogitabat, nihil sese effecturam am-
plius, quam uti tormenta sua misero auge-
ret, cum nosset puellam tantoperè abhor-
rere aspectum ejus, ut nihil addi illius odii
extre-

extremitati posset. Igitur nihil illi de reliquo dixit, nisi quod, quam optimè poterat, consolata eum, jussit confidere bono Successui, quippe sibi spem esse brevi eum amatissimæ suæ Alcidae junctum visuram. Cum enim illa inter pastores, ut credibile foret, Hispaniæ jam versaretur, non posse illic diu ignorari, ipsam vero sese nulli operæ parsuram, quin undique inquireretur, etiam secretissimis & remotissimis universæ regionis locis. Magnas enim vero illas gratias agere Marcellio, oblationum tam officiosarum, addens preces, quam poterat, diligentissimas, ut vitam suam, hoc negotio vertentem, commendatam sibi haberet: Cum ita quod ex ipso petiverat Diana, jam perfecisset, veniam ab ea discedendi petere adorsus est, adjiciens, cis paucos, uti confideret, dies, eodem sese reversurum, ut resciret an diligentiam illam, promissam sibi, aliquid Alcidae rerum ipsi innotuisset. Diana autem omni ope illum detinebat, dicens: Certè ego tam gaudiis meis injuria non ero, ut te ex sodalitis meo tam propere dimittam, Potius, quoniam nunc à marito meo Delio relicta sum non aliter quam tu ab Alcida tua, volo ut de copia mea aliquid

Magnopere
juste egere vi-
deris.
 tibi capias, quoniam ejus magnoperè mi-
hi egere videris, & posthac, quoniam jam
 umbræ arborum duplicari incipiunt, me-
 cum eas in pagum meum, ubi ut per perpe-
 tuos nostros dolores licebit, noctem istam
traducemus, manè mox summo, junctim
 proficiscemur ad Fanum Dianæ, Dearum
 castissimæ, ubi domicilium colit sapiens
 illa Felicia, cujus scientia atque religio a-
 liquod fortassis ærumnis nostris remedi-
 um dabit. Et quo melius animum recreare
 possis cognoscendo rulticovivendi genere,
 & simplici candore pastorum nostrorum,
 ut illi per has regiones vitam tenent, opti-
 mum factum erit, non mutare te habitum
 istum, quo nobis conformi indutus es, &
 nemini aliorum hominum indicium facere,
 quis tu sis, sed quam maximè possis, nomi-
 ne, habitu & gestibus vitam pastoralem
 nostram exprimere. Assensus est Marcellio
 Dianæ voluntati, & postquam aliquid ci-
 bi cepisset, quod illa de panariâ suâ per-
 promferat, sitim autem limpidæ de proxi-
 mo fonte liquore aquæ domuisset, cujus u-
 triusq; illi sanè admodum necessarius usus e-
 rat, qui totum istum diem neq; edisset neq;
Interquiescere. bibisset, neq; interquievisset etiam, non diu
 morati,

morati, iter ad Pagum, Dianæ habitatum, insisteabant. Sed parum admodum itineris confecerant cum de denso quopiam fruticeto, non longè à viâ, quâ ibant, dissidente, audiverunt voces cantantium pastorû, qui, ad sonos sambucarum suarum, suavissimè carmina tēperabant; Igitur Diana, ut erat Musicæ amantissima, Marcellionē rogare institit, ut illuc iunctim diverterent. Jam propiores fruticeto facti erant, cum Diana agnovit Taurisonem & Berardû, Pastores esse, qui amore ipsius multa ambo patiebantur, sueti ferè semper comites incedere & carminibus suis alteri alter contradicere: Diana ergo & Marcellio non intrabāt ipsum locum, ubi isti confederant, sed iuxta, ponè quercetum quoddam, concedentes, id querebant, ut inavisi inauditique, suavitatem cantionum pastoralium velut furerentur. Illi autem ambo, quamquam nosse non poterant tam propè adesse illā, quæ unicum argumentum ipsorum Musicis erat exercitiis, animis tamen præfagis rem velut divinando, tamquam propinquam inimicam suam esse edocti forent, pastorales suas voces modulis concinnis attemperantes delicatis, ut poterāt ma-

Ut peterant
maxime. ximè, gradibus & commatis carmen mo-
dificantes, hunc in modum cantare insti-
terunt.

TAVRISO.

15.
QUERELÆ. Cum iam Sol montes duplicatis transeat umbris,

Deserite, o, nostri pascua vestra, greges!
Audite, absque ullò cantatas ordine, voces,
Musica mi adversis quæ Dea fert oculis.
Audite, ut mea se vivo cremet igne medulla,
Viscera ut in prunas candificas abeant.
Ardoris nostri caussa unica forma Dianæ est,
Forma, parem numquam cui superi extulerunt.

BERARDVS.

Quam prius abscedens, Sol, rore madentibus her-
bis,

Indicet, Hesperio sidere, Noctis opus:
Vos, iò, oves, agnique, mei gregis unica cura,
Audite hos planctus, candidulis animis.
Non ego in ardenteis ut eam, canere ordior, ignes,
Sed rigidus totum me timor ut cruciet!
Quo miseram hanc animam, dementem de sui
Amore,

Attinet hac, superis invidiosa, Dea.

TAVRISO.

Cum flagrantem animum tam perfectæ decora in-
trant,

Forma, suis ita me raptat imaginibus

Perci-

*Percipiam ut clarè paullatim desinere in se
 Vitam, incendientem mētē animi in Cineres.
 Sensibus oppressis, Amor insuperabilis, instat,
 Spem iam ille amissam restituisse potens.
Pabula ut aeternis non desint ardida flammis,
Non datur ulla meis pausa refrigeriis!*

BERARDVS.

*Cum meā ego sortem, atq; humiles cōsidero mores,
 Altq; se contrā fert Domina species.
Perculsum rigido consistit cor metu, & in se
Tristifico immensum, mens stupet, icta, gelu.
 At considerare Amor iubet; atq; ego me facere istuc
Commemini quondam, nunc pavor attonuit.
Nunc in subiectum tantū, Timor, impete regnat
Certa uti nec vita sit, brevis hora, mea.*

TAVRISO.

*Auspice tam aduerso, flagrantia lumina, cerno
 Clarorum astrorum, quæ tua fert facies,
 Gratiam eam, hos gestus, hæc tantæ sidera forma,
 Regnat in, una, omnes queis, Dea nostra, Deas,
 Memento ut quovis, desiderii igneus ardor,
Sese in scintillas induat innumeras,
 Spes procul est Ignem hunc ullis superare medelis,
Quin me mi è penitis sedibus eripiat.*

BERARDVS.

*Auspice tam aduerso digiti illi, ea mille dolorum
Mille armata manus, mortibus, erosea.*

Illi oculi clari, vivi duo sidera Amoris,

Mortiferis telis pectora trajiciunt:

Imperibus duris ut vires undiq; victæ

Confidant nobis, in gelu, & in glaciem.

Confecto a nimo esse. Tam confecto animo, tam ex sanguine pectore, plora-
Vt desiderium ipsum ipse metus superet.

TAVRISO.

Fulgura si quando, duras findentia quercus,

Decidua ire & decidere. Vidisti adverso decidua ire polo?

Incinerare. Talis Amor nostrum flagranti fulgure pectus

Transit, & ipsam igni victā animā incinerat.

Torrentis furias, alto de monte ruentis,

Vidisti sata lata & quaterre agricolas?

Tam fera, tam metuēda, mihi mea visa Diana est,

Ira ubi in adversos fert truculenta viros.

Sed nihil tanti potuere motus,

Vilis ut contrā subeat pavor nos,

Imò, quo major furor, hoc mihi mens

Firmior exstat.

BERARDVS.

Si nivium cumulos vidisti, Sole sequente,

Defluere in sulcos susipientis agri?

Vidisti nostram radiis fluere undique vitam,

Armata est nostra quīs facies Domina.

Vidisti è crudo fugientem forte duello

Pastorem, armorum qui nihil addidicit?

*Me videas, perculsum animo, tanto ire pavore,
 Ut neque cura mei sit super ulla gregis.*

*Hoc gelu vinctus tamen, hoc rigore
 Gaudeo captus mage, quàm feroci
Si quis audaces animos in Ignes
Impete versat.*

T A V R I S O.

*Tale Berarde, malum nostro se in pectore versat,
Vndiq; me, atq; omni, ut, tempore, conficiat.
 Non audax mea mens, non est cor, verum uti
 fas est*

*Ambo dant pastum, capto oculis, Puero.
 Sic mea mi consumpta tamen, tristissima vita,
 In mediis flammis vivere, lata, potest,
 Ut quæ magna capit magna solatia flamma,
Non habet ullâ de re aut Ratione queri.*

B E R A R D V S.

*Altorum, Tauriso, opus, hac Dea nostra, Polorum
 Sideribus terras tam videt egregiis.
 Lucis uti clara nostras, vi, exire tenebras,
 Et nebulas omni pectore precipiat.*

*Quod si illam admirans conspexi lumine contrâ,
 Cæcus & ex sanguis, tristis, & attonitus,
Illico humum fixos oculos devertere cogor,
Ut nec ad hoc, victo pectore, sufficiam.*

*Ut videâ, ut loquar, ut doleâve, querarve, Diana,
Qualia ego illius nomine sustineam.*

Mirum hic
 addi versum.
 ultra Tau-
 risonis nu-
 merum.

*Audire nostramquam
Voluit, puella, dicta.*

*Sed dura pectus acri
Obormat aure semper.*

*Cruciare me professâ
Persistit hunc rigorem.*

*Abcruda Pœna, dura
Constantia in dolore!*

*Sed Firmitas Amoris
Hac est eritque nostri,
Securior malorum
Vt exeam tumultu.*

*Vt, dura petra, Venti
Contemnit atque Ponti,
Radice nixa firmâ,
Graveis licet, furores.*

*Sic quo magis gravabor,
Hoc fortius renitar,
Animusque flammâ ab ipsâ
Vitæ petet vigorem.*

BERARDVS.

*Non lata regna rerum,
Feritate tam cruentâ
Lupos habent, pavere
Vt ego velim irruentes.*

In amoris ipse rebus

*Ignavus atque simplex
Audere nil professus,
Damno procul recedo.*

*Nec ego irruente possim
Obsistere hoste contra,
Acer metus medullas
Sic occupavit omnes.*

*Animam rigore duro
Amor impius fatigat;
Mediumque penè corpus
Disrupit ille nobis!*

*Amor ah fere, ah cruenta,
Hic mortifer dolor me
Quì non mori facit? quì
In morte vita nostra est?*

TAVRISO.

*Ad fontis assidentem
Huius fluenta, vidi
Iunctam suo marito,
Quondam impiam, Dianam.*

*Malò meò ipse præsens
Fruticeto in hoc latebam,
Moriens dolore rerum
Quas conspicabar isthïc.*

*Dicebat ille nihilum
Sed rusticâ manu, illa
Tractabat illa, torno,*

Deducta, pulcra membra,
 Manebat hoc modo isthîc,

Rem nuspîam remittens,

Ego, conspîcatus ista,

Fruticeto in hoc latebam.

Pectus meum invidente

Livore deflagrabat,

Animus, fero occupatus

Odio, grave infremebat.

BERARDVS.

Serenitate quondam

Cælum tenente sudâ,

Speciosa præter omnes

Veniebat huc Puella.

Illos suos capillos,

Ductas fibras ab auro,

Ricâ tegens, nitente

Et ipsâ, ductili auro.

Mille illa Lusuum arteis,

Socio suo marito,

Ludebat, & movebat,

Mille illa Lusuum arteis.

Vidi ipse cum manu ille

Tetigit feroce ricam,

Rica illico soluta

Solvit comam Puella!

Vt illa solvit istam,

Metus illico implicavit

Mihi pectus hæc videnti,

Nec adhuc solutus hoc sum.

Postquam finem his cantibus Pastores de-
derunt, processerunt cogere greges suos, qui
per saltum sparsi palabant. Hoc studentes
cum propè locum venissent, ubi Diana &
Marcellio latebant, nō potuerunt quin vi-
derent eos, quamquam summo studio sese
occultare fatagētes; Maximâ lætitiâ inspe-
rata hæc & optatissima offensio pastorum
animos affecit; at si meticulosus ille Berar-
dus pavore visæ puellæ quatiebatur, non
remittebat ardentissimus contrâ Tauriso,
quin desideriiis suis etiam majorem flammâ
subiiceret, conspecta unica tormentorum
suorum causâ. Salutatione mutuâ, quam
civilissimè poterant, defuncti invicem, ro-
garunt mutuò sese, ut, quoniam bona for-
tuna ita ex inopinato eos conjunxisset,
junctim iter ad Pagum, quem habita-
bant, capefferent. Diana, quamquam tan-
to virorum grege comitata incedere non
consueverat, non renuit tamen officiū, co-
mitate suâ solitâ; quo obtento, Tauriso
& Berardus, aliis pastoribus, quibus stipa-
bantur, inunxerunt negotium cogendorū

& pederentim mox domum agendorum
gregum, ipsi comitatum Marcellionis &
Dianæ secuti, præcipere iter properabant.
Rogare tum Dianam Tauriso, ut cantibus
suis aliquid occineret; annuit illa; tum ita
cantitare orsi sunt.

T A V R I S O.

Puella dic quid à me

Flectis tuos ocellos?

D I A N A.

Aegrè vident ocelli

Quod cor abhorret intus!

T A V R I S O.

Quis uspiam puellam

Visum negare vidit?

D I A N A.

Studet hoc, negans amari,

Nolens amare quemquam.

T A V R I S O.

Non est cor ullibi, istoc

Animam rigore torquens.

D I A N A.

Nec pastor equitati

Tam spontè perduellis.

T A V R I S O.

Quí non tuos Rigores

Amor edomare quirit?

D I A -

D I A N A.

*Mera est, Amor, voluntas:
Nil virium huic tributum est.*

T A V R I S O.

*Ratio jubet meorum
Misererier dolorum.*

D I A N A.

*Illam ipsam praecepit mi
Cavere Amoris artes.*

T A V R I S O.

*Quid me, puella, torques?
Tua forma, me quid horret?*

D I A N A.

*Soleas quod hunc rigorem
Prudentiam vocare.*

T A V R I S O.

*Ratione nempe nullam
Crudelis, & fera, in me es.*

D I A N A.

*Potius dolore ab atro
Sic seruo pectus istuc.*

T A V R I S O.

*Formosior sum ego quam
Credas mihi, puella.*

D I A N A.

*Contentus esto, quod me
Tibi credere ista dicam.*

*Ergo ut magis fatiges
Blandiris, & superba!*

D I A N A.

*Si plura dicta poscis
Injurius mihi exis.*

Summoperè omnes afficiebat hæc puellæ
& Pastoris vicaria succentio, & quamquã
Tauriso contrarias suis petitionibus Dianæ
responsiones perciperet, eoque modo tor-
menta ejus magis intenderentur, quam re-
mitterent, magnoperè tamen hæc ejus co-
mitate exsultabat, adeòq; ut ea delinitus
crudelitatem sensuum suavitatem vocis au-
dienda animo nō admitteret. Eodem tem-
pore meticulosus Berardus ille, omnem
suam confidentiam reliquam in pectus suū
cogens, oculos suos adversis Dianæ lumini-
bus velut infigans, ad instar oloris, fatorum
suorum necessitati jam proximi, qui ad ripā
pellucidi fluminis confidens, mortem in-
stantem summā cantus suavitatem prænun-
tia, & deplorat; metu debilem vocem, qua
licebat, levans, ægrè pectori obluctanti &
pavore suffilienti cordi, ad sonum sambucę
suę hos versiculos expressit.

Proxi-

Proxima vita suo mea nunc tristissima fini est,
Heret & in summâ, jam refecanda, colo.

14. De vi
 7a penicu
 lo.

Quippe, modò quôcunq; mea ista edicere pergâ,
Et rumpam assiduis mentē animi lacrymis,
Gratia nulla malis tamē impetrabilis usquā est,
 Nulla datur Pœnis, hei mihi, nulla fides!

Tam, mea conditio, tristis, tam, deniq; dira est,
 Spes uti mecum omni deferat auxilio.

Credere se saltem mea questibus his, Dea, vellet,
 Præmia ea in planctus mortiferos habeam!

Nunc adeo in summo vitæ discrimine constans,
Premiaq; hæc Fidei quæliacunq; peto.

Gratia nulla malis tamē impetrabilis usquā est,
 Nulla datur Pœnis, hei mihi, nulla Fides!

Postquam decinuisset Berardus Pastorum
 chorus in Marcellionem fixerat oculos,
 quem, quia peregrinus & ignotus erat, ad
 cantionem sollicitare non sustinebant. Ad
 ultimum tamen Tauriso, ille cōfidens, ipsū
 allocutus rogat nomen suū edicere ne gra-
 varetur, & si impetrari hoc abs sese fineret,
 cantitaret etiam ipse aliquid, quoniam cæ-
 teris omnibus rem hoc pacto gratissimam
 esset factururus. Ille nullo alio responso red-
 dito, ad Dianam conversus, tacito gestu
 ab ipsa petiit sambucam quam tange-
 ret: sic cantionem exorsus utrique pasto-

rum petitioni simul satisfacere voluit; & præmisso suspirio; hunc in modum cecinit.

14. *Quærela.* Talis ego nunc sum, visâ feritate Puella,
 Quæ meamî capto pectora disruiat,
 Ut neque quis modo sim mihi met meminisse
super sit,
 Nec fieri quid me Sors mea deî nibeat.
 Hoc scio, si forem homo, mala tot mala ferre ne-
 quirem,
 Quin raperet dudum Mors mala præcipit.
Si Petra, si duro deductus marmore membra,
 Non posse has tantas profluere in lacrymas!
 Marcelionem homines vocitant; hera nostra
 Puella est,
 Illa ego, ego illa puella, illa ego Marcelio est.
At neq. quis modo sim mihi nunc meminisse re-
lictum est,
 Nec fieri quid me sors mea deî nibeat.

Jam Lux Solis nocturnis tenebris statione
concedere incipiebat, jam pagorum cul-
 mina procul fumare videbantur, cum, pro-
 ximi suis cubilibus, pastores, finem diei si-
 mul laborum & Cantionibus suis impo-
 fuerunt. Singuli casus suas subierunt, benè
 animo contenti, de præteritæ diei conver-
 satione: Diana vero minimè tranquillâ
 men-

mente esse poterat cum resciret nō venisse
villam Sirenum, quem illa peribat. Mar-
cellionem quidem Melibœo, cognato De-
lii sui, commendavit, qui prolixâ comitate
illum domum suam hospitatum duxit; Ipsa
verò ad sese conferens, convocatis propriis
suis, deinde & mariti Delii agnatis, cognat-
isque, ipsis recensuit, quo pacto aufugiens
maritus illam reliquisset ad fontem PLa-
tanorum, cursum prosequens puellam pere-
grinam. Super hoc faciebat mirificos plan-
ctus, miserabilesque querelas necebat; in
finem quarum indicavit convocatis, sum-
mo manè sibi conclusum esse iter ad Fa-
num Dianæ insistere, ut à sapiente illâ Fe-
liciâ doceretur, quid factum foret marito
suo. Omnibus apprimè benè placuit hoc
propositum, ad quod exigendum singuli &
universi suam ipsi opem offerebant. Illa,
quæ pro certo haberet in illo fano sese desi-
deratissimum suum Sirenum inventuram,
latabatur admodum hujus negotii con-
clusionem; sic spe imminentis lætitiæ istam
noctem, placidiùs solito, interquievit, cor-
de suo insolitam quamdam tranquillita-
tem præcipiens.





C. B A R T H I

N E M O R A L I U M

L I B E R S E C V N D V S .

UR is atq; Justitiæ omnis Con-
temtor, Cupido, tam potens &
 ferox est in rebus mortalium, ut
 toto Orbe vix quicquam super-
 sit quo ille non, datâ occasione, ad crudeli-
 tatis suæ imperium propagandum atque
 confirmandum, abuti soleat; Quicquid
horum, vel majoris auctoritatis, vel insi-
gnioris pretii, est, omne hujus impotentia
& petulantia favere deprehenditur. Præ-
 cipuè autem, & præ cæteris ferè omnibus,
 Fortuna cum instabilitatis suæ Constantiâ
tâto perè ejus ministeriis devota est, ut nul-
lo non tempore & locô, illi, ad cruciandos
atque tormentis differēdos homines, ope-
 ram suam offerat. Manifestum hoc negotiū
 faciunt infortunati etiâ Marcelionis nostri

sinistri casus, ex quo Fortuna fatum ejus ita ordinavit, ut sponsa ipsius, ipsi unicè dilecta, Alcida, coacta fuerit credere malæ, & malè conceptæ, suspicioni, quæ falsa erat penitus, speciem tamen Veritatis eam præ se ferebat, ut fundamento rei gestæ ipso non alia quam maximè vera videretur. Fugiebat illa cane & angue peius, idque irremisso odio, cum, qui & numquam antea ipsam offenderat, & tum quoque magis amabat quam propriam suam Vitam. Atque hinc rebus necessariis colligi potest quam certa sit habenda quælibet etiam in vita mortalium præsumtio, ut ei debeat de cordatorum choro quisquam fidem bonam adjungere, cum ista ipsa hæc quæ tantum Veritatis instar præ se ferebat, tam prorsus ab illâ re ipsâ aliena fuerit. Verum quamquam tam hostilibus modis junctim Amor & Fortuna Marcelionem persequi non desisterent, unum tamen hoc com- modo ejus confecerunt, eiusque velut gratiæ dederunt, quod Cupidinis telis cor Dianæ fauciatum est, & Fortuna Marcelionem ad fontem Platanorum illi advexit; ut ambo ininitâ sodalitate, ad Fanum Dianæ, ejusque Antistitam, Feliciam, proficiscerentur, sic- que

que triftitiam fuam tam optabili converfatione mifer ille bonâ ex parte poneret. Igitur advento tempore quo rofea Aurora aureis fuis radiis fugaret nocturnorum fiderum lampades, & Avium chori fuavibus admodulationibus propinquum diem mûdo noftro annuntiarent; Amore percita Diana, jam dum fatigata prolixæ noctis moleftiis, cubili fuo levavit, ut defiderato itinere fe accingeret. Jam ovicularum gregem Polyntiæ commendaverat, cû fuccincta rusticâ fuâ fambucâ pago patrio proceffit, fambucâ inquam fuâ fuccincta, quæ oblivio ipfi erat laborum omnium, folatium mœrorum, triftitiæ oblectamentum; neque minus peram fuam neceffarii victus fubfidiis inftituerat. Descendit igitur fenfim de villâ fuâ ad latus illud ejus quod denfo admodum fruticeto obductum erat; id emenfa, confedit fub umbram platanorum, illîc florentium, exspectans adventum fodalif fui Marcelionis ut quidem inter eos præteritæ diei vefperâ convenerat. Interim verò, dum moratur ille, fambucam fuam attemperans, hanc voce illi cantilenam accinuit.

*Invo.
catio Lu-
cis.*

Lux ô clarifica, properam te adverte, diei,
Blanda, trahens sudo lumine Solis equos.
Vt miseram hanc animam à tristi solère dolore,
Quâ coquitur, telis victa Cupidineis.
 Phœbe, Deum specie princeps, quo sidere reddis
 Plantarum ex succo vivam animam generi,
Quo deserta potes hilari loca tradere cultui,
Redde mea optatam, maxime, lucem anima.

†
 In hoc amœni me Nemoris sinu,
Quod in quietem blandificam vocat
Mortalium mentes, videbis
Torminibus gravidis perire.
Oblivioni tradita maceror,
Ah tradita illi, quem olim ego tradidi
Oblivioni, nunc Cupido
Artibus interimit meis me!
 Sic ille vertit, cum libet, aleam;
 Mutatque Amoris diro odio facem,
 Majore tormento ut merenteis
 Excruciet, sine lege, menteis.

†
Qua fera tam sava est, ut non mansuescere cantu
Quæ petra tam dura est, nolit ut, agri hominis!
Quæ trigris ve, Leove, nec his mitescere possit,
Quos mea dat planctus proxima vita, Neci!

†
 Soli, noster Amor, tibi
 Hac, Sirene, cano, ceu vacuum in nemus;

Infortunia nil mea

Nil te, Cura, movet; non magis, ac solent
Venti flabra furentia,

Insanos pelagi dum quatiunt sinus,
Nautarum dare plañctibus

Aures mitificas; quo mage tristibus
Te quæso precibus rogans,

Hoc, ah, durior es spernere supplicem!

†
Non tuus ille fuit, qualem credebam ego, Amorem,

Hic ipsò in pratò, fidus & ingenuus.

Cum meus hîc, tantillus, eum tibi demserit error!

Omnia iurasti, perfide, Vana mihi!

Iurasti quæ, vane, ipso hoc in littore quondam?

Ah quam nunc animo cuncta tuo exciderunt!

†
Ergo nec supremus Amor, pusillum

Corriget nævum mihi negligenti?

Ergo ego oblitò tibi nil rependam

Dignius isto?

Sed magis cum te nequeam perire,

Nec satis spreto facere omni Amore,

Restat hoc solum, moriar recisâ

Spe mihi Vita!

†
Verum ego vivam adeo potius, quoniam mala
cuncta

Te propter, mea lux, tristifica hac patior!

*Quod si etiam ulterius Pœnis gravioribus instes,
T tormenta auctoris nomine cuncta feram.
Te mi, impressum animo, charâ retinere figurâ,
Delinquentem etiam, restituit mî animum.*

*Tu celsa mentis huc modo effera inclina
Fastidia, altis me videns gravem Pœnis,
Hoc vivere uno quod te amem, licet spreta.
Sed homine tam quid à fero boni expectes?*

*Nunc tibi prateriti quæ gratia temporis illa est,
Cum miti humanum pectore te faceres?
Perfide, cum invidiâ morerentur mille tuorum
Pastores votorum, invidiâque mei?*

*Ah felicia tum, ah merô ab aurâ tempora ducta!
Ut desideris vestri ego nunc pereo!*

*Sint mihi, iô, testes prata hæc florentia, florum
Mille ubi cum puris carpsi ego, dona, rosis.*

*Ut tuo abhinc capiti fieret formosa corolla,
Ah geniale meis stemma Cupidinibus!*

*His ego sæpe, tuâ suavi lenitam ab Amore,
Crinem de capite hoc jungere me memini!*

*Nunc memini! ah miseram meminisse interficit
isthuc!*

Tu tamen eduro pectore cuncta abicis!

*Tu fugis hanc, odio immani, per te morientem,
Cui par nulla umquam fido in Amore fuit.*

*Si miseram non est spretis attendere Pænis,
Vindictam ab læsi, Respice, Amoris, opus!
Quippe ferox contrà se iura Cupidinis armans,
Quo mage defendit, cor, mage se superat.*

+

*Nunc læsa votum hoc Numina poscimus,
Quali puellam me, iuvenem modo
Cupido te eò dem vulneratum
Cingat inexplicitis catenis.*

*Vti imprecer te cuncta mala, utile
Mihi futurum cerno: sed indidem
Fortuna nil, Divique, præstant,
Cuncta meis inimica Votis!*

+

*Non ego vota mea has quercino in cortice signem;
Roboris aut credam, sæpe legenda, libro.
Spargam ego ea in ventos, & in aera differam ina-
nem,*

*Ne quis ea umquã exhinc perdita cõmemoret.
Vita mihi quoniam, & periit data, Gloria, vite,
Pænarum intereat sic quoq, notitia.*

*Delicata vox formosissimæ Dianæ & Gra-
tia morum incomparabilis, laudatissimis
ipsis eorum temporum puellis longo inter-
vallo præibant, tamen majore etiam mira-
culo adficiebatur qui canentis gestum,
cum acutissimâ subtilitate omnia dicta vi-
vificantis spiritus, audire coram & cerne-*

re poterat, quæ omnia in Gynæcæis summorum Principum educatam referebant: Quod quidem nemo tam pro miro habere debet, ut incredibile planè arbitretur, cum negari non possit etiam eam potentiam Amoris esse, ut simplicissimas, vel de pagis, puellas Sapientiâ illâ imbuat, quæ urbanitates quorumvis de Aulis hominū Lepôre & Consilio longè post se relinquat, præcipuè si in instructam à natura intelligentiæ vivacis, & judicii nitidi, donis sese aliquam contulerit, neque desunt pastoralibus etiam culminibus ingenia excitata & subtilium omnino inventionum. Verum cum jam ad finem cantionem suam Amore-percita Diana nostra deduxisset & jam clarior Solis lux inciperet summa collium cacumina inaurantibus radiis convestire, infelix in amore Marcelio, pastoralis se cubili expediens ad locum illum properabat quem Dianæ condixerat; eodemque quo illa, itinere profectus de latere colliculi descendebat ad cujus pedem illâ cōsederat; itaq; de longinquo ab illa conspectus est, quæ res puellam adegit vocem premere, ne forte causam planctuū intelligeret Marcelio: Cum appulisset is, ita Dianā allo-

allocutus est: Formosissima puella dies jam oriens iste, qui clarior etiam speciositate tuâ & lepore exoritur, tam lætus & fortunatus tibi veniat quàm infelix & tristis mihi est, essetque omnino etiam tristior & infelicior, nisi in tuâ eum sodalitate transacturum sperarem. Cucurri quantum potui, cum viderem tarditatem meam esse, ut aliquid expectanti tibi molestiæ concinnare posset: verum non iste fortassis postremus error noster erit, quem negligentiae meae solitâ tuâ gratiâ condonabis, cum aliis, dum societate hac tuâ frui potero. Superflua sit, Diana respondit, condonatio, ubi culpa nulla est; non in negligentia tua hic aliquis, sed in nimia mea sollicitudine non parvus est error, quæ ante tempus domum reliquerim, & huc præcesserim, ubi sedens intereâ dum Sol oritur tempori fallendo & cantavi aliquid interim, & cogitavi, & meditata sum, quantum licet spiritui non nimis subtili, & non magnis rebus adsueto. Verum hîc nunc commorandi tempus nullum superest; quamquã enim via ad Fanum Dianæ admodum prolixa non sit, desiderium tamẽ nostrum, eo veniendi, est maxi-

mum. Præterea mihi videtur itineris bonā partem festinando nobis præcipiendam, dum Solis adhuc mitior est ardor, radiique remissiores, ut in meridiem illō evectō, in locō quōpiam frigidiusculō & umbrosō interquiescere meliore temporis spatiō valeamus. Cum dicto junctim ambo viam institerunt per medium illum saltum, quam longus erat densusq; , profecti; quem dum transeunt, fallendo viæ tædio, ita alter alteri accinuerunt.

M A R C E L I O.

*Quod meam in excelsum posuisti sæve Cupido,
Fortunam, humani summum, apicem, meriti:
Monstrasti nobis qualeis adsueveris arteis,
Parte aliquā exstinguens, Tristitiam, ut dup-
plices.*

*Quam melius tantarum expertem vivere siris
Latitiarum, uti jam sueveram ego esse miser!
Quam quod, non sperata obfundens gaudia, captis,
E mediis rapias ad mala tanta bonis!*

D I A N A.

*Ne mirere malum mala ea inferre, optime, Amo-
rem;*

Mille jugantem uni tormina Latitiæ.

*Moribus utitur his, nulli se addicere gaudet,
Ludit in exumnis, & lacrymis hominum.*

Non

*Non tot in Aprilem laxant sua germina flores,
 Non tot arenæ insunt Littoribus Libya.
 Quot pia cordoliis, quot planctibus ille fatigat,
 Nec sibi in his umquam, Corda, satisfaciens.*

MARCELIO.

*Ante animo expendens cognoram tristia Amoris,
 Quæis Libertatem, Facta, hominum exspoliât.
 Nunc video, vitæ non solum odio ordinem habere,
 Ipsum intellectum interficere atq; animum.
 Sic via ubi una animo est ad gaudia pulcra re-
 licta,
 Mille adsunt contra tristia fluminibus.*

DIANA.

*Cum tam sint manifesta pericula perfidi Amoris,
 Cur patitur quis se, corde volente, capi?
 Libera si mens non pugnat defendere sese,
 Cur tot in absurdas capta venit lacrymas?
 Aequâ mente feras dominum, qui servus Amo-
 ries,
 Sperari à tali nil nisi tale potest.*

Hanc, aliasq; plusculas cantilenas, decan-
 tarunt priusquam ad finem memorati sal-
 tus pervenirent; eo autem emenso in flori-
 dum & delectabile pratum pedem posue-
 runt. Tum Diana: Miraculo res, inquit, di-
 gnissimæ sunt, quæ ingeniosorum homi-
 num industriâ in populosis & celebribus

civitatibus confectæ, atque exactæ, visuntur; majori tamen lōge admiratione dignas ego existimo, quibus Natura solitaria camporum loca exornavit. Quem non mirari bona sua faciat amabilis ista saltus hujus frigiditas? quis non stupeat animi ad decora spatiosi huius prati? Porro adspicere versicoloria ornamenta mutuo sese arriudentium horum flosculorum, audire simul concludentes cantatricum avicularum voculas, tantâ mihi hilaritate animum mulcere videtur, ut nulla aulicarum pompæ, neque aliquod spectaculorum urbanorum; ad huius Voluptatis pretium pervenire videatur. Certum est, excipit Marcelio, magnam copiam esse in hilari ista solitudine oblectamentorum ingenuorum, quibus animi humani curarum sese exonerare obsequiis possint; Maior tamen utique hinc Delectatio illis venire dicenda erit, si qui liberi ad talium bonorum fructum aderint. Nihil enim istis talibus obstiterit quin voluntate lubituque suo dulcedine purâ talium spectaculorum sese expleant. Certius quidem etiam mihi videtur, si Amor ille, qui in hac locorum solorum amœnitate me tantopere excruciat, dimi-

dium saltim horum mihi tormentorum in patriâ civitate inferret, vitæ spes mihi omnis excideret, non enim adesset copia talium delectationum, quibus nunc interdum malorum meorum diritatem mitigare possum. Nullum ad ista verbum respondit Diana, manum saltim, illam candidissimam, oculis suis præducens, illâq; in auratum verticem suum sustentans, non parum temporis tacita permanfit, iteratis tamen suspiriis animi anxietatem crebro contestata. Postita prolocuta est. Ah me, miserrimam puellarum pastoriarum, quod remedium consolationi meæ sufficiet, si illa, quæ aliis, ut audio, bonam ærumnarum partem eximunt, meas misérias etiam cumulant? Non tantum iam tolerantia mihi superest, Marcelio, ut dolores meos te porro etiam cælare possim: Unum me in hoc negotio delectat, quod solus tu adfuturus sis cum Pœnarum mearum ordinem recensuero, quoniam omnino obsistere non possum quin coacta enarrem. Tantum autem civilitati, & generosis tuis moribus, tribuo, ut gaudeã huic tempori, & isti loco, incidisse nostrum conventũ; tu quippe, pari ægritudine mecũ labo-

rans, stultitiam meam mihi facile ignoturus videre, præcipuè ubi causam ejus penitus cognoveris. Ego eodem malo affecta sum, quod te tantoperè excruciat; me, ut te Alcida tua, ita pastor oblivioni traditam abhorret, Sirenus nomine, qui prius constantissimè me amabat. Verum fortuna, quæ hominum intentiones & consilia pro lubitu suo quaquaversum mutat, voluit magis obtemperantem me patri meo, quàm quod ita mea ferret voluntas, eum abdicare spe matrimonii mei, meque tradere in servitutem marito invitam, qui, si aliud malum non haberet, quam quod continuæ zelotypiæ & suspicionib. sinistris per omnia deditus est, sufficeret vitam mihi, florenti ætate meâ, interstingere. Verum ego, contenta etiam durissimis his matrimonii conditionibus forem, modo præsentem Sirenium videre daretur; At ille, credo aspectus mei pertæsus & fastidians, de coactô illô conjugiô meô occasionem sumsit mei obliviscendæ, itaque pagum nostrum omnino reliquit, & quantum resciscere potui, in Templum Dianæ, quo nunc nobis iter est, sese contrulit. His auditis conditionem status præsentis mei, quam misera

ca sit,

ea sit, facile potes adsequi, quam junctim
 mariti suspiciones & amici absentia excru-
 ciant. Tum Marcelio: Gratioſa puella, ma-
 gnâ me afficit dolorum tuorum hiſtoria
 condolentiâ, pudetque ſtupiditatis meæ,
 qui tale quid prius in te nō ſenſerim. Num-
 quam mihi contingat voto meo frui, ſi non
 pariter atque me ipſum, tuum animum
 participem deſideriorum ſuorum videre
 cupio. Verum quoniam non neſcis, quam
 nulli omnino parcere Amoris ſagittæ ſole-
 ant, quamque parum illæ etiam fortiſſi-
 mas, liberrimas, & honeſtatis ſtudioſiſſi-
 mas mentes revereantur; ne dubites, aut
 detineare aliquo pudore vulnera tibi ab il-
 lo illata detegere, neque enim quicquam
 hinc inhoneſtius, aut turpitudinis alicujus
 ſuſpiciendum, famæ tuæ accedet; quin ma-
 gis etiam à prudentibus cordata æſtimabe-
 ris. Mihi quod in hoc negotio conſolationi
 erit, hoc eſt, quod ſciam tormentum, illud
 quod propter Zelotypiam mariti tui te ex-
 cruciat, (quod quidem nonnumquam a-
 trocius ipſâ amati hominis abſentiâ affice-
 re non ignoro) non nihil hoc tempore re-
 miſſius eſſe, cum Delius tuus fugientem il-
 lam, quam dixiſti, puellam perſequi per-

gens, commodô tuô à custodia tui se removerit. Fruere igitur opportunitate occasionis, quam Fortuna favens tibi largitur, non enim parum te super absentia amati Sileni consolabitur libera illa à suspiciosi mariti importunitatibus libertas tua. Non mihi tam noxiæ, Diana respondit, suspiciones istæ viderentur, tamque intolerabilis zelotypia, modo, quæ Delii nunc ex parte veniunt, à Sireno oriundæ essent; quo pacto ego sane optimâ mente eas ferrem, sciens videlicet, & persuadens animo meo, Amoris eas scaturigine profluere. Certa enim utique res est, qui amat, eum amari desiderare, ita necesse est zelotypum super eâ re esse à qua amorem mutuum desiderat, sicque amans talibus suspicionibus gaudere debet, quippe, quæ clarissima sint Amoris signacula, eumq; semper sequuntur, & ab eo stipantur vicissim. Meo exemplo hoc tibi affirmare possum, nunquam me Amoti magis obnoxiam fuisse, aut fidelius amasse, quam cum tali affectu occupatam me sensi. Hîc respondit Marcelio. Numquam putassem simplicitatem pastoralem sufficere posse argutiis talibus, tam prudē-

tibus,

tibus, & concipiendis, & proferendis, quales tu modo, omnium Gratiarum favore, prolocuta es, idq; tam difficili super quaestione, ut hæc omnibus nota est: Et abhinc jam erroris manifesti condemnabo, quod vulgo plerisque persuasum est, in solis civitatibus, aut Magnatum aulis, ingenia hominum inveniri acuminis vivi, postquam re ipsâ comperiatque edoctus sum, in contuberniis rusticorum, & saltuum opacitatibus, casisque, nullo artificio structis, summæ ingeniositatis puellas non deesse. Tamen prorsus ego opinioni tuæ isti absentio, eamque irritam argumentis facere possim, quâ tantam amicitiam zelotypiæ & Amoris statuisti, ac si iste nullo loco dominari possit, quo suspensiones comites non inferat. Licet enim concesserim, paucos omnino Amatores sine suspicionibus istis reperiri, non tamen exinde concludi poterit, qui Amator sit, zelotypus autem non sit, eum non esse perfectiorem, & vero suo nomine digniorem. In hoc enim, liquidus & Purus Amor, valentiam pretiumque suum, & desiderii absolutam perfectionem magis demonstrat, quod facce illâ & scoriâ freneticarum

suspicionum contaminatus non sit. Talis ego eram tempore prosperæ felicitatis meæ, & tanti meum ob hoc affectum faciebam, ut multis carminibus publicè illum commendaverim: Semel cum Alcida mirari videretur tanto me Amore percipi potuisse, qui prorsus omni zelotypiâ liber forem, hoc ei Epigramma super sententiâ meâ scripsi.

*Fama est, suspitione malâ sine, nuspiam, Amorem
Iurasse, in vitam velle venire hominum.*

*Sic uti Forma, nisi Fastu comitata, negavit
Venturam in mundum se quoq, Virgineum.*

*Nempe due hæ Furia, infernis de sedibus, adsunt
Gaudia cuncta hominum frangere Tristitiis.*

*Altera tormentis mutet bona dulcia Amoris,
Altera de Pietate almam animam ejiciat.*

*Periurus dicatur Amor, periurag, forma,
In vobis, mea lux, inq, meo ingenio.*

*Hinc mea conditio fortunatissima Vita est,
Communi exempti sorte vagorum hominum.*

*Namque, ex quo vestri decoris fui ego admirator,
Nemo tam felix vidit Amoris opus.*

*Precipuam specie fastu caruisse Puellam,
Me sine suspitione ardido Amore frui.*

Tantâ suavitate affecit carmen hoc animum Alcidæ meæ, in quô videlicet liquido
puri-

puritatem Amoris mei agnosceret, ut
 mille vicibus amplius ei idem occenta-
 verim, gnarus admodum eo audiendo de-
 lectari. Et, verâ veritate, Diana formosissi-
 ma, pro maximo errore habeo censerî mō-
 strum tam absurdum tamq; horrendum,
 boni alicujus loco, dum titulus illi talis
 datur, ut Signaculum Amoris perhibeatur
 zelotypia, neque esse censeatur præter-
 quam in pectoribus verè amantium. Hac
 enim ratione Febrim possis bonam nuncu-
 pare, quoniam indicium vitæ sit; numquam
 enim ea nisi in corpore vivo exstiterit. Ve-
 rum ambo ista manifestissimi errores sunt,
 quoniam non minus negotii, zelotypia, &
 egrimonie, exhibet mortalibus, quam quæ-
 libet Februm. Est enim pestilentia animæ,
 phrenesis Sensuum, rabies, quæ membris
 possessis omnes vires eximit, Iracundia, Spi-
 rituum populatrix, Paviditas, quæ Animo-
 rum robur ignaviâ mutat, Furia, quæ Desi-
 deria & voluntates hominum infatuat.
 Porrò, ut clarè videas quam abominabilis
 hæc bellua sit, causam ejus tecum expen-
 de, invenies nihil aliud esse quam turpem
 & stolidum timorem, rei quæ neque est,
 neque erit, vilem contemptum propriarum

virtutum , Mortiferam & virosam suspicionem , quæ in dubium vocat fidem & Bonitatem rei ejus , quam super omnes alias amas & desideras. Non possunt verbis satis cognoscendæ aut perspicierendæ præpingi zelotypiæ poenæ , hæ enim tales sunt ut longè superent & post se relinquant omnia cætera tormentorum ingenia , quibus Amor comitatus venit. Hæc enim ad finem omnia possunt , & solent , admirabilibus suavitatibus , & Voluptatibus , mutari , non aliter quam sitis molestissima summo diei calore sapidiores latices facit , & bellorum furia , tumultusque , sequentem Pacis tranquillitatem commendatiorem reddunt ; pariter dolores à Cupidine illati in causa sunt , uti amplius placeat Voluptas , quæ etiam à minuto quopiam favore Amati hominis proficiscitur , cum simplici puroque adfectui redhostimentum candidæ dilectionis aliquod reponitur. Istæ autem rabiosæ suspensiones , cordibus talia venena inspergunt , ut ab ijs inficiantur & corrumpantur omnes delectationes , quæ Amoris felicitas præmiorum loco elargiri solet. Huic proposito memini Lisibonæ , in Lusitania , audi-

audivisse cantari ab excellentissimo quopiam Musico coram Rege illius Regni, hoc carmen.

Quando animum absentis species percellit amica,

Mens bona se propriis pascit imaginibus.

Scilicet hoc quod abest, bonum, & à bonitate cupitum,

Dulcius hoc ipso, quando redibit, erit.

Spes mentem contra Pœnas sapientis obarmat,

Hac jubet excelsò cuncta videre animo.

Omnia ita in finem mutabunt tristia letis,

Vt contenta velit mens suo Amore mori.

Mille unâ emendant sese Pietate dolores,

Mille uno adpectu deliquere mala.

At si suspitio tristi mentem impete vicit,

Mille bona in pœnas mutat, & in rabiem.

O quam indubia imaginatio, quam certa opinio est ista! Hæc quippe violenta zelotypiæ pestilentia nihil penitus sanū in mente hominis, abs se occupati, relinquit, unde vel minimū recreationis aut hilaritatis ad eum pervenire valeat. Non est in amore ulla animi tranquillitas, cum nulla est spes, hæc autem nequaquam cuiquam continget, cujus animum bellua illa infederit. Nulla voluptas nulla delectatio ab hac secura est, nulla non per istā everti-

tur atque pessum datur: Nullum doloris, nullum erumnarum genus hujus admissione pectoribus humanis non invehitur. Eo usque amentiae atque rabiei furor iste evadit, ut homo, sensibus suis emotus, eam ipsam rem quam prae ceteris diligit, atque charam habet, laudari, & commendari ab aliis ferre non possit, neque idem quas ille amat, virtutes & Laudes ejus à quoquam perspicere atque aestimari vult, maximopere eodem modo injurius meritis & dignitati ejus quae Amore captivum eum detinet, pro homine scilicet aestimatum nobilis ingenii, & Amorem mutuum merente. Neque solum zelotypi hoc genere dolorum lancinati vivunt, sed & illis quas magnopere alioquin amant, incredibilium mœrorum causas dant, perpetuis & irremissis suis suspectionibus, qualibus quidem eas afficere non deberent, etiamsi pro capitalibus inimicis haberent. Hoc exinde elucet, quod quilibet malo hoc occupatus, in quorum numerum maritum etiam tuum pono, malit conjugem suam foedissimam & deformissimam omnium mulierum esse, quam uti forma ejus conspiciatur, mores & virtutes laudentur, atque commendentur ab homi-

hominibus quamlibet honestis, & moderatissimis. Quid mulieri cordatę credis ægrimoniarum parere honestatem atque Pudicitiam suam videre continuis suspicionibus gravari? Quæ Pœna illi sit absque omni merito suo, inclusam, absconditissimis domus angulis & secessibus custodiri atque observari? Quis dolor cor ejus concipiet atque differat, cum quotidie malis se verbis norit, aliquando etiam indignissimis verberibus, pulsandam atque exagitantdam? Si hilaritatem quampiam animo suo indulserit, maritus illico pro depudicata eam habebit. Si tristior ei figura sumitur, maritus odio conspectus sui frontem corrugari opinabitur. Si cogitaverit atque meditationibus se aliquibus dederit, malarum fabricarum ream aget; si aspexerit ipsum, decepturam ipsa blandientis intuitus alacritate, credet; si vultum averterit, abhorreret se autumabit; si Amatoriis ipsum titillationibus tangere volet, fictis dolosisq; assentationibus se circumagi finget; si gravem sese atque honestam fervabit, exprobari sibi nescio quid opinabitur: si ridebit, vanitatis & levitatis eam arguet, si suspirabit, malam atque adulteram clamabit:

Summa quibuscunque rebus sese vitium hoc animi admiscuerit, omnes ad unam in meros dolores transvertet, quamquam natura sua omnino alienæ ab iis sint. Hinc itaque omnibus rectè rem æstimantibus, constare poterit, nullum totâ humanâ vitâ malum huic esse æquiparabile; neque aliæ pestilentiores & fœdiores Harpyiæ orcinis Avernorum sedibus umquam exierunt, dapes Amantium Animorum, suavissimas & purissimas, venenato suo tabo corrumpere, & mortiferâ fanie inficere. Igitur neque tu, Diana, parum tibi felicitatis obtigisse censeas hâc sperabili Delii tui absentiâ; quæ sanè non parum facit Pœnis, ab infelici Amore tibi oriundis, mitigandis atque allevandis. Respondit ad hæc Diana. Jam clarè cognoscere incipio passionem istam, quam suis coloribus tam ad vivum egregiâ tuâ oratione mihi depinxisti, præ cæteris deformem, turpemque, & abominabilem, esse, talemque, quæ non mereatur in Amantium animos ullatenus admitti, & videtur mihi eandem hanc ægritudinem esse, quâ Delius meus laborare solet; Verum velim scias talè dolentiam non esse quam ego defendere modo

modo volebã; hæc enim absit utin me umquam penetraverit. Numquam enim ego de dignitate & æstimo Sireni mei sensi sequius, neque talibus umquam affectionibus, & stultitiis, animum occupatum habui, quales tu ordine nunc & ex re ipsâ mihi recensuisti, solum hoc mihi curæ fuit, & hoc semper unicum metui, ne me præ aliâ aliquâ seponeret atque dereliqueret. Neque sanè metus iste me meus frustra habuit, re enim ipsâ ab eo deserta, quid malorum mihi ferendum fuerit experta sum hæcenus, & nunc quoque experior. Metus hic talis, reddidit Marcelio, nequaquam tam immanis belluæ nomine abs te censi meretur, hic enim etiam optimos & bonafide Amatores, ordinario comitatu, stipare assolet. Res enim ipsa veritatem huic facit, quod amatum à me omne æstimare & magni censere soleam, quodque omnino tali à me adfectu excoli mereatur, quali illud idem prosequor; Hoc igitur cum tale sit, necessariò mihi metuendum erit, ne alius aliquis amabilissimam hanc ejusdem bonitatē cognoscat, amet virtutem, meritum magnificiat, pariter atq; ego facio. Sicq; semper verus le-

gitimusque Amator medius est inter Spem
atque Metum ; quod hic illi abnegare vi-
detur, altera adest promittere, cum alter il-
li animum minuit, altera erigere atque fir-
mare contrà adsolet : Ad finem, quæ vul-
nera illi infert Timor : sanantur Spei adfi-
stentiâ ; Duratque, ultrò citroquè variabi-
lis hæc contentio, donec altera harum af-
fectio superata, totis velut castris alteri ces-
serit ; quod si contigerit à Timore Spem
vinci, nascitur tandem ex hac victoria ze-
lotypia illa abominabilis, sin, & Spei pro-
fligatus ille fugerit, Amatori ex voto felici-
tas obtingit optabilis, & ipse hilaris fortu-
natusque vivet. Sic ego, in tempore felici-
tatis meæ, semper Spem tenui fortem at-
que confidentem, quam non solum num-
quam, Metus, subjugavit sibi, sed nec ullo
umquam tempore aggredi, aut provocare
ausus est ; sic spei ego meæ fiduciâ tantum
gaudiorum capiebam, ut non gravarer e-
jus respectu omnes cæteros, continuos
quamlibet, dolores, bonâ mente haud gra-
vatim sustinendos suscipere : Tamque mi-
hi, Gratiis suis incomparabilibus, grata at-
que accepta erat, quæ Spes meas tanto ro-
bore semper suffundebat, ut nihil umquam

tam

tam triste, ab illa mihi illatum, advenerit, quod non pro lætifico atque optabili exantlarem. Opprobria ejus pro favoris verbis mihi erant, indignationes pro blanditiis, iracundas ipsius refutationes, pro amicabilibus habebam pollicitationibus. Hæc atque alia viæ tædio eximendo, dum iter junctim facerent, Marcelio & Diana, inter sese sermocinabantur: Jam & pratum illud floridissimum, dulcissimis colloquiis delinientes sese mutuò, evaserant, & in valleculam clementem descendentes, amœnum quempiam salticulum inibant, ubi spissitudine ramorum, sese alternè implicantium, atque complectentium, velut, tranquillam opacitatem umbrosæ PLatani faciebant: Illuc venientes audierunt suavissimam quamdam vocem, quæ, dulcedini lyre benefonantis attemperata, peregrinâ quapiam modulatione aureis attendentium advocabat; cumq; ad auscultandum sese composuissent, perceperunt Pastoriam Virginem esse, quæ hunc in modum cantillabat.

Sidera stellimicante polo quot fulgida lucent,

Omnia me adversis ignibus aspiciunt.

Sic in humo omniparente, meis solatia pænis

Quod dare sustineat, nil, misera, superest.

*Captus Amor rigido, glacie mea corda, Timore
Mutat: iô immensi quanta catena mali!*

*Cui fortuna adeo est totis contraria Velis,
Absq; metu nullo momine vitam habeat!*

*O Montane, tibi culpam horum adscribo malorum,
O Pietatis inops, hæc tibi cuncta cano!*

Quod si tu à nostrâ stares mihi parte; timere

Nô possim Fortunã, Astra, & Amorẽ, & Humũ!

Post decantatum hoc carmẽ, misera Puella, omnibus velut frænis planctui atq; doloribus immissis, tantum lacrymarũ oculis depluit, tam tristificis gemitibus ærumnabile pectus suum concussit, ut ex horum gestibus, & interspersis à dolente verbis, faciliè cognoscerẽt Marcelio & Diana causã mœrorum ei esse ludibrium, quod zelotypus illi maritus intulisset. Igitur ut certius rem perdiscere possent, simul puellam ipsam agnoscere, & causã ab eã exquirere, gradum ad illam contulerunt; offenderunt tum ipsam Umbraculis arborum densissimis sibi latibulum amœnũ exquisivisse, confidentem super mollium herbarum torum, juxta fonticulum hilarissimum, qui, à vepretô proximô suaviter rivum agens, ambiguis gressibus per universum illum saltum, viridia gramina irrigans,

rigans, decurrebat. Salutem ergo illi maximâ civilitate dixerunt; at illa, quamquam molestiâ afficeretur planctum suum interturbari, tamen ex aspectu conjecturam ducens, mereri illos honorem non vulgarem, non tantoperè superadventu hospitem angebatur, quin videretur societatem ipsorum prolixo animo expositura; sic igitur locuta est. Postquam à crudeli meo conjuge deserta sum, idque absque omni meo merito, non memini mihi, optimi hospites, quicquam oblatum quod delectabilius animum meum afficeret, quam vos istum locum advenientes modo conspiciari: Et hoc quidem eodem modo, ut nolim abnuere, quamquam fortunæ me adversitas perennibus planctibus condemnaverit, tantum de tristi hoc meo luctu mihi remittere, uti exoptabili vestrâ conversatione frui paullisper possim. Tum Marcelio: Numquam super meis malis ullam consolationem capiam, nisi pariter tecum tua me moveat, uti te ipsa experiri coram poteris; Idem tibi quoque de formosissimâ Dianâ spondere, tutâ fide, poteris, quam hic in comitatu meo vides. Audito puellæ nomine,

Dianam videlicet illam esse, expansis brachiis in amplexus ejus, hospita, cucurrit, mille modis studium ejus gestibus & oratione declarans, quippe multum temporis erat elapsum ex quo illam cognoscere optaverat, cujus laudes tantoperè ab omnibus prædicari audiverat, nullam scilicet vel formâ vel sapientiâ longè lateque hac conspectiorem reperiri. Diana vero attonita velut mirabatur ab ignotâ puellâ tantis sese civilitatibus honorari, tamen non minus sese comem exhibens, paribus gratiis illam remunerabatur, cupiensque nomen & fortunas ejus scire, ita eam allocuta est: Insignis tua civilitas, quâ tantum mihi cultus & Amoris demonstrasti, accedente condolentiâ super ærumnis tuis, quam pectore jam dum meo concepisti, faciunt summoperè me desiderare status tui notitiam: Bonum itaque factum erit recenseri abs te nobis nomen, & fortunas tuas, videbis parata nostra pectora partem malorum tuorum in sese recipere, oculosque lacrymis tuis suas subungere velle, ut ea ratione leviora tibi eorum omnium fiant pondera. Diu multumque anquisitis verborum suavitatibus excusabat sese altera-

ne ne-

ne necesse haberet ingredi de novo nar-
 rando pelagus infortuniorum suorum, ad
 finem tamen victa instantibus & inremissis
 Dianæ sollicitationibus, postquam in reli-
 ctam sedem suam super molli herbarum
 torose retulisset, ita sermonem rerum
 suarum orsa est. Ex relatione Silvagiæ, quæ,
 de pago patrio meo oriunda, in tuo habi-
 tat, nupta pastori Silvano, Diana formosa-
 rum decus, credo te aliquando nomen
 meum inaudivisse; infortunatæ nimirum
 Ismenia, quæ nunc ærumnarum suarum
 ordinem tibi enarrare incipit. Certè puto
 illam omnem tibi eam historiam recen-
 sisse, quomodo ego in templo Minervæ, in
 regno Lusitaniæ, larvâ artificiôsè compo-
 sitâ vultum tegens, illam luserim, & quo
 pacto propriis meis dolis ipsamet illusa re-
 cesserim. Enarraverit tibi etiam, credo, ut
 ego vindicare me ab injuriis perfidiosi il-
 lius Alanii studens, qui neglectâ me, & ob-
 litâ, illam amare tû occœperat, capitalem
 ejus inimicum Montanum diligere simula-
 verim; utque simulatio illa mea in sum-
 mum verumque Amorem exiverit, post-
 quam virtutes Montani penitus mihi co-
 gnitæ fuerunt; qui quidem Amor, omnium

postea mihi ærumnarum unica causa est factus, fons omnium mœrorum meorum, uti exactior recensio vos certiores dabit. Igitur, hinc ordinem cursumque Vitæ meæ prosequens, scire vos facio, patrem Montani, Filium vocabulo, postquam crebris vicibus, certorum negotiorum suorum gratia, domum Patris mei frequentaverat, habebant quippe de grege oviû quoddam vendendo tractationem, neq; inibi dem viderat, quamquam ætate foret proVectior, tanto tamen mei amore perceptû fuisse, ut penè sensus ipsos amiserit. Milles me amplius rogabat senex, cōdolerem aliquâ doloribus suis; quotidiè augmenta eorum mihi recensebat, nihil verò bohi à me responsi impetrare umquam poterat; Quântumvis enim annis florētior, & omni genere virtutum perfectior fuisset, numquā tamen ejus gratia Amorem, in Montanum conceptum, filium ipsius, animo meo vel tantillum movissem. Ignotus penitus seni Montani erga me mutuus affectus erat, quippe tantum is patrem suum reverebatur, tantâ illi obedientiâ addictus erat, ut omnia pateretur & faceret; modo ne quippiam hujus illi innotesceret; timens asperis

asperis ab eo verbis ea propter castigari. Pariter etiam contrà incognita erat Montano Patris Fileni stultitia, & hîc quippe ut eo prôtius & meliore occasione reprehendere errorum suorum filium posset, quam studiosissimè occultabat talibus sese, vel etiam majoribus, ipsummet peccatis esse obnoxium. Interea numquam cessabat, amore infaniens Senecio, importunis suis sollicitationibus mihi molestus esse, uti annuerem ipsi matrimonio jungi. Multa millia mihi amatoriarum blanditiarum quotidie ingerebat, multa donaria, vestitui atq; ornatui, pollicebatur, multas, super Amoris rebus scriptas, ad me Epistolas mittebat, vincere, omnibus machinis propositi mei pertinaciam laborans, & blandiendô duritiam superare. Erat alioquin tali ingenio, uti inter pastores juvenili suâ ætate omnibus dotibus eminuerit, eloquētiâ, sapiētiâ, intellectu, & iudicio, æqualium suorū perpetuò primus. Ea omnia uti melius credere habeatis, recitabo jam vobis Epistolarum illius unam, quam ad me aliquando scripsit; quæ, quamvis imbecillior erat quam ut tenacissimū meum propositū expugna-

re valeret, summoperè me tamen afficie-
bat, hunc in modum concepta.

*Cui culpa nulla amandi est,
Iubet hanc Amor subire
Vt scriptitem tibi istam
Epistolam, ô Puella.*

*Molesta si tibi ista est
Scias velim, severe
Responsionis ergò
Me commori timendo.*

*Plus millies dolores
Meos tibi elocutus,
Nil inde rettuli, quam
Illusionum acervum.*

*Rides gravi cachinno
Morime Amore cernens,
Ego gaudeo videns te
Ridere, vel mei ergo.*

*Latam meo dolore
Te susilire cernens,
Disco, tibi esse cordi
Nihil meos Labores.*

*Medicamen ista nullum
Spondet mihi luela,
Nec spero tale, Mors mi
Manu in tuâ sequenda est.*

Nuper tuos Leporeis,

*Ad Duria fluenta,
Alacritate campos
Omnes beare vidi.*

*Baculum super reclinis,
Deserto in arboreto,
Cervice nuda totâ,
Nudis eras lacertis.*

*De marmore apta duro,
Adamantina ipsa corda
Amore de tuo uri
Ratio ipsa nos docebit !*

*Hinc, te videns, amando
Insanio ipse, nec mi
Datur ulla paussa, porro,
Immanium dolorum.*

*Si perditum putas me
Aetatis hoc amantem,
Noli monere quicquam;
Medicare me, hocce posco.*

*Non error ille noster
Est, quod te amem senex, sed
Quod non prius sim adoratus,
Enormis illa culpa est.*

*Novi senem esse me, sed
Majus malum mihi inde est,
Quod pœna nostra non tot*

Annos, quot ipse, gestet.

*Velim te amasse primâ à
Nativitate nostrâ,*

Vt nunc, semel cupitam,

Amabo, adusque mortem.

Canos quid objicis mi?

Quod ferius quis adsit,

Idcirco nemini umquam

Locus suus negatur!

Sis tu licet prior me,

Non est tamen probandum

Aetate militem altâ

Spoliarier brabiô.

Constructio adium horns,

Licet magis recens sit,

Idcirco comparanda

Non est tamen vetusta.

Cum sermo de valore, &

Pretiositate rerum est,

Quotidiè audio omnes

Laudare malle priscas.

Nil intulit mihi usque

Mali Amor, meam hanc senectam,

Cum firmitatem in istis.

Vigere nosset annis.

Vigens in hoc manebo

*Te semper ut Amem, si d
Senex in hoc putabor,
Abhorreare quod à te.*

*Iuventus illa, amare
Duplici sueta corde est,
Vivunt magis vigentque
Cum se mori fatentur.*

*Variabilis jecoriam, &
Ludibriorum, ea atas,
Pro more, non Amore
Vos ducit at, Puella.*

*Ne me putes amare
Pueri ut solent; recepta
Qui quopiam favore,
Iactant eum obvio omni.*

*Tam petra, ego, trecentos
Nactus tuos favores,
Ero tacendo, quam nunc
Tormenta sum ferendo.*

*Verum ut tibi ipse fixam
Video meam esse mortem;
Sic multa ferre cogar,
Habebo nil tacendum.*

*Sic maximas tuorum
Erit hic mihi favorum,
Moriar, queam ut querellis*

Tamdem invenire finem.

*Tempus, dolori amicum,
Accuso, te, quod illi,
Qui plus tui tenet, nunc
Minus est, Amor favendo.*

*Serò te amare qui vi,
Ratio ergo iusta monstrat,
Non natus ipse tecum
Pro te mori requiro.*

*Si, tempore in tuo, atas
Me procreasset una,
Quid mi deesset, ut te
Lubitu ex meo potirer?*

*In ductileis choreas,
Vocis, Lyraque cantus,
Nemo meo Lepori
Certaverit sodalis.*

*Quid Amphiona priscum
Metuam, placente cantu?
Superare doctiores
Memini me in hâc senectâ!*

*Spaciosa rura nostris
Gregibusq, agrisq, parent,
In montibus remotis
Armenta nostra pascunt.*

*Sed quid invare possit
Quod est fuitque rerum,*

Oblivio-

Oblivione iam dum

Præmortuum & sepultum!

Sed & hæc, puto, valebunt

Te mitigare quondam,

Cum forma, te, illa forma

Reliquerit superba!

Vt petra dura duras,

Sed ingruens senecta,

Fastum tibi hunc ferocem

Gaudente tum exsuet me!

Sic quippe Amor solet vos

Vlciscier, dolorum

Diris premit catenis,

Cum Spes relictæ nulla est:

Hanc, aliasque multas, mihi, tam Epistolas, quam cantilenas, mittebat, quæ omnes si tantum mei movendæ valuissent, quantum delectandæ poterant, ille beatus, ego malè nupta exiissem. Verum nulla omnium rerum sufficiens erat tollere de corde meo imaginem desideratissimi mei Montani, qui, quantum ex ipso cognoscere poteram, respondebat adfectui meo paribus verbis & operibus. Hac, hilaritatis ubere, Vitâ aliquot annorum spatia emeticbamur, donec visum est nobis laboribus nostris mutuo defungi, honesto & casto inito

matrimonio : Et quantumvis Montanus priusquam uxorem me duceret, rem cum patre suo communicandam & deliberandā arbitraretur, uti decebat filium, benè educatum, & parentis amantem, ego tamen exemi id ei consilium, docens, minimè cōsensurum Filenum illis nuptiis, qui aliud nihil fatuis suis amoribus quæreretur, quam uti ipse mihi maritus fieret; igitur, cō maiorem vitæ suæ rationem, quam Obedientiæ erga parentem, ducente, absq; Fileni interventū, nuptiæ inter nos effectum habuerunt. Gesta res est ex consensu mei Patris, cujus domi sollemnia coeuntis matrimonii, maximâ festivitate, & pompâ, transacta sunt, adeo quidem ut celeberrima eorum fama omnes tam propinquos, quam remotiores etiam, pagos perveheretur. Cum rescivisset vero, Amator noster Senecio, proprium filium suos ipsi in sedisse Amores, tantam in insaniam abiit, tantâ in me & Montanum iracundiâ exarsit, ut utrumque instar mortis ipsius abhorreret, & nunquam post oculis dignaretur admitttere. Ex alterâ parte puella quædam alia, pastoria, ejusdem pagi incola, nomine Felisarda, amore Montani mei contabescens, quam
contra

contrà ille (erat quippe in me propensior, & illa neque annis jam neque aliâ quâvis virtute commendabilis) repudiaverat, cum me illi matrimonio iunctam videret, dolore & invidiâ differebatur. Hac quidem ratione Nuptiæ nobis nostræ duos Capitales inimicos confecerunt. Maledictus igitur senex ut hæreditate paternâ filium interverteret, conclusit iuvenem mulierem uxorem ducere, uti sobolem ex ea tollere posset: At, quamquam opulentissimus erat, nulla tamen toto nostro pago illum coniugio dignata est, præter Felisardam istam, quæ ut occasionem sibi conficeret, inhonesto modò, Montani mei complexibus fruendi, cuius desiderium semper recenti apud eam memoria erat, senem maritum adscivit. Jam dudum nuptiæ factæ erant, cum compertum mihi est sollicitare illam concubitum mei mariti, conciliatrice ancillâ quadam, tali dominâ digno mancipio, Silveriâ nomine; hac ministrâ ipsi fidem fecit, si pateretur gaudium ex se carpi, daturam illam operam, ut patri suo reconciliaretur, alias insuper magnarum illi rerum pollicitationes faciens, quæ

omnia minus nihilo animum hominis cō-
movebant, neque quicquam intensum
ejus in me Amorem convellebant. Hac
ratione se contemni ægre ferens, impura
mulier, ferali odio in Montanum exarsit,
& nihil abinde omisit, quo patrem ipsum
etiam majori in illum iracundiâ incende-
ret; neque his contenta, abominabile sce-
lus evertendis ambobus nobis commenta
est. Non destitit, promissis, donis, blandi-
mentis & palpationibus, tali modo obno-
xium sibi reddere animum Silveriæ, ut cui-
vis imperio suo audientem illam haberet,
etiamsi contra ipsum Montanum aliquid
audendum foret, quem alioquin maximi
faciebat Silveria, ex quo in paternâ ipsius
domo multos annos servitutem servierat.
Duæ hæ mulieres secretim concluderunt
quid facto opus foret, puncto temporis
præstituto, cum scelus in effectum produ-
cendum esset: Confestim tum prodiens pa-
go Silveria, ad ripam Duriæ fluminis, ubi
tum temporis ovium gregem pascebat
Montanus, valdè ipsum secretim allocuta
est, valdè præ se animum turbatum ferens,
ut referret hominem magni ponderis ne-
gotium tractaturum, in hæc verba. Ah me,
ami-

amicissime mi herilis, Montane; quam tu sapienter sapuisti abs te spernens Amores Novercæ tuæ malignissimæ, Quod si ego te ad eos invitare aliquando volui, non alio fine feci, quam tædio importunarum ejus exactionum: Jam vero, gnara eorum quæ geruntur, nequaquam, cogi me patiar, ut turpibus & impuris illius libidinibus aliquâ ex parte ego conciliatrix intercedam. Scio ipsius facinorum aliqua, quæ rerum vestrarum apicem concernunt, talia quidem, uti si tu ea juxtâ mecum noßes, licet immanis sit in te patris tui crudelitas, non posses tamen quin honorem ipsius, vel interpositâ Vitâ tuâ, vindicares. Nihil horum tibi amplius dixero, quem tali prudentiâ ingenioque novi, ut neque verbis neque operibus officii tui admoneri opus habeas. Attonitus horum auditu Montanus non nihil suspicionis de Impudicis novercæ libidinibus animo concepit; igitur ut omnem rem clarius edoceretur, Silveriam rogat, ut, quicquid horum sciret, bonâ fide, sibi enarraret. Diutius se rogari passa mulier, ne fucus pastori oboleret, simulavit non esse suum, rem tam secretam cuiquâ manifestam facere. Ad finem tamen precibus ejus se vi-

Historia hæc
Cnemonis
ex Heliodo-
ro videtur.

Etiam ferens, quod cupida erat ipsi narrare, post flagitia tandem non pauca, composita mendacia, dolosque scitè fictos evolvens, hunc in modum edisseruit. Quoniam res hæc ejus ponderis est, & tam propè honorem tuum lædit, domumq; & familiam heri mei Fileni, contumeliâ tantâ afficit, tantumq; tui interest, mecum ejus te notitiam habere, enarrabo tibi, quicquid erit, clarissimè, confidens taciturnitati tuæ, nemini effutitum à me auctrice ad te notitiam ejus pervenisse, quod tam secretè domi vestræ geritur. Scias itaque Felisardam Novercam tuam proditorio animo in Patrem tuum Filenum esse, & adultero concubitu misceri cum Pastore quopiam, cuius tibi nomen edicere parco, quoniam aliunde nullo negotio eū cognoscere poteris: Quod si ista proximâ nocte venire voles, &, quorsum ego te ductura sum, intrare domum paternam tuam, deprehendes utique, in re præsentī, adulterum cum proditrice in thalamo ipso parentis tui: Sic ad imminentes tenebras res conspōsa est, Filenus enim hac vespērâ dormitum ad caullas suas proficiscetur, propter negotia quædam il-

hinc

Hinc nunciata, neque revertetur demum
 usq; in crastinum meridiem. Igitur, bene te
 omnibus necessariis rebus instructum, Un-
 decima noctis hora domum nostram age;
 ego te inducam eo aditu, ut facile possis ef-
 ficere, quod honorem Patris tui poscere vi-
 debis, simul etiam fortassis hoc medio a-
 missam illius gratiam recuperare. Hæc Sil-
 veria tam prompte, tam in rei Veritatem
 compositis, vultu & gestibus, prolocuta
 est, ut Montanus concluderet qualicunque
 etiam periculo sese objicere, ut vindi-
 ctam sumeret ab adultero, tali contume-
 liâ Parentem suum afficiente. Sic, prodit-
 tix illa Silveria, contenta talibus initiis
 dolosæ fabricæ, quam à Felisarda expedi-
 undam acceperat, domum suam reversa
 est, Heræ suæ omne negotiū referens, quo
 pacto videlicet, horâ præstitutâ, Montanus
 adfuturus esset. Jam obscura nox velum
 suum rebus obtenderat mortalium; cum
 Montanus, grege nostro domum redu-
 ctus, pugione sese arinat quem à Patre
 suo Palæmone hæreditarium habebat,
 & ad domum paternam confert; cum pri-
 mum undecimam noctis horam audivisset;
 illic ad fores expectabat Silveria, uti con-

venta res erat. O proditio numquam visa;
ô malitia numquam antehac cogitata; ca-
pit manu hominem credulum, mendacissi-
mum prostibulum, & maximâ tranquilli-
tate scalas illum adducit, donec ad ostium
cubiculi, quo Filenus Pater cum Felisardâ
novercâ cubabant, cōstitit: Tum ad illum;
Jam, inquit, Montane, me duce, in eum
locum pervenisti quo demonstrare debes
si quid roboris animo tuo inest, quod ta-
li casu requiritur. Intra cubiculum hoc, in-
tus illud, invenies novercam tuam adulte-
ro concubantem. Cum dicto abstulit se il-
linc, quantâ poterat celeritate fugam ca-
pessens. Montanus deceptus scelestissimo
mulieris astu, fidem omnibus ejus dictis
adhibens, animum ad pugionem vaginâ
eripiendum obfirmat, impetu manuum
pedumque ostium cubiculi proturbans, in-
usitatam iracundiam vultu præferens, cum
vehementissimâ vociferatione irrūpit cla-
mitans, Hic jam tibi manibus meis dignus
factis tuis exitus dabitur, impure nebulo:
hic finem debitum fortientur Amores in
Felisardam tui. Hæc clamitans, instar in-
sani & furiosi hominis, neque agnoscens
hominem, qui in lecto erat, ictum adultero
infer-

inferre conatus, jam brachium extollebat, patrem suum pugione parricidali confos-
 surus; cum Fortuna tamen prosperior tan-
 to sceleri innocentem obligare noluit, vo-
 luit vero ut Pater senex ad lucernæ lumen
 jam elanguidum agnosceret tamen filium
 suum; Ergo, offensum asperis verbis & fa-
 ctis suis, tali sese modo ulcisci velle ratus,
 quam maximè poterat, celeriter lecto pro-
 filiis, manibus complicatis, se ad pedes
 ejus abjicit, hunc in modum supplicans. O
 Fili, quæ crudeles te intemperiæ agitant,
 ut velis, carnifici manu, ætate confectum
 patrem tuum vitâ exsuere? Revertere in
 sensus tuos, per Dei benignitatem; ne ef-
 fundas jam sanguinem meum, neque vita
 me, parricidali manu, exspolies. Quod si e-
 go te crudelius, quam par erat, habui, aspe-
 rioribus verbis castigavi, hic jam flexis po-
 plitibus tibi supplico, ignoscas senectuti
 ignoscas canis his meis; ego tibi vicissim
 spondeo, tam benignum, tam comem pa-
 trem deinceps me habebis, quam nemo
 alius uspiam fuerit. Montanus tum, agnitâ
 deceptione qua irretitus erat, quamq; pro-
 ximus periculo parricidalis sceleris fuisset,
 tantum animo deliquium passus est, ut ro-

bur omne mentis & brachiorum simul procideret, pugio ipse, ab ipso minimè animadversus, manibus pronus elaberetur. Ita stupor atque Dolor animum attonuerant, ut verbum ullum emittere non valeret, quin tacitus, properans, confusus, & externatus, cubiculo se ejecit; domoque ipsâ aufugit, haud dubiò dolo illo pessimæ Silveriæ etiam pejora passus, nisi felicior fuisset. Scelus ipsum novercale, Felisarda, omnia, uti eventurâ erant, ab Silveriâ prædocta, Montanum irrumpentem videns, lecto proripuit, & alio, quod penitus in ædibus erat, cubiculo se intulit, accuratè occludens ostium, ut quocumque etiam rei exitu, ipsa tamen à privigni furiis in tuto foret; Cum autem jam procul omne, fugâ Montani per campos periculum esse cerneret, reversa, ubi Filenus erat, totus adhuc pavore præteriti discriminis pavens, tremensque, patrem in filium instigare cupida, falsis fictisque attestationibus me premere institit, grandibus exclamationibus hunc in modum locuta: Jam demum credere potes notio rem tibi filii tui impietatem esse debere, Filenæ conjux, & re ipsa tamdem

dem intelligis, quam vera ego tibi de pravis ipsius affectibus, & animo perfido, toties præcentavi. O parricida; ô Latro de-
 restande. Montane quomodo cœlum te aurâ vitali dignatur? quomodo terra, ruptis hiatibus, te non obglutit? Quomodo ferè te non dilaniant? Quomodo universa hominum gens te nō persequitur in meritam necem? Maledictum sit matrimoniū tuum, maledicta erga parentes nos refractaria inobedientia tua! Maledicti execrabilēs tui Amores, maledicta, fons omnium malorum, Ismenia tua; quæ quidem absq; dubio horsum te impulit, ut humano exuto animo, bruto & bestiali furore, parricidii facinus conciperes! Non tu potius, perfide, scelerū caput; Alanium ultus es, qui cum conjuge tuâ tuo incomparabili dedecore, tuâque summâ cum infamiâ, Voluptuatur; quem illa longè te potius amat; tu vero occidere voluisti, senectâ ætate, Patrem tuum, qui tantoperè semper de Vitâ & bonâ estimatione tuâ sollicitum animum habuit! At quâ de causâ, scelestè? Quia verbis te castigavit, quia ammonuit, quoniam consiliatus est optima, ideo eum

interimere contendisti? Ah infelicem Parentem, ah infortunatam caniciem, ah afflictam senectutem; quid, miser, tantum admittere potuisti, ut filius te tuus manibus suis occisum adesset? Ille, quem tu genuisti, quem educaisti, fovisti, pro quo mille cordolia & labores exantlasti? Conforta jam deinceps cor tuum & obdura, cesset paternus tuus in scelerosum affectus, trade locum justitiæ, patiatur debitas parricidio pœnas, ut ne, exemplo hoc infandæ impietatis impunito, timore omni posito, inobedientes parentibus filii paternis capitibus imminere discant, iste autem tuus quod jam fato quopiam ferrum manibus excutiente, potuit, aliâ occasione conficiat, tu miserrimâ morte ad inferos eas. Anxietate animi jam semimortuus, jam corde, timore & indignatione, suffiliente, Filenus, has uxoris suæ, instigatrices in filium, voces audiens, considerans simul immanitatem sceleris, ab eo tentati, tanto odio ejus incendebatur, ut, pugionem humo tollens, quò misero Montano, alia omnia molienti, exciderat, uti dictum est, vix summo expectato diluculo, Justitiæ præsides, & omnes primores Pagi incolas

con-

convocat, in medium forum procedens; cumque jam frequentes convenisset, infinitis lacrymis & singultibus sese differens, ita eos allocutus est. Deum immortalem testem invoco, optimi & eximii Pastorum, tantum me excruciarî eô quod vobis, huc coactis, enarrare opus est, uti certò metuâ ne priusquam finem orationi meæ imposuero, Anima afflicta ægrum corpus destituat. Nemo me pro crudeli aut sanguinario habeat, quoniam publicitus hîc recensere maleficia filii mei volo, illa enim tam inaudita, atque inhumana, sunt, neque mihi pœnarum satis est ad castiganda illa privatim, ut coactus, ea ad concilium vestrum feram: vobis ea propositurus, cognituris quid jure illi inferri pœnarum conveniat, ut utile inde emendandis malis moribus exemplum statuatur. Nemo ex vobis non novit quantâ curâ atque sollicitudine quibus in deliciis illû educaverim, quali amore prosecutus fuerim, quibus illi pectus bonarum rerum doctrinis, imbuerim, quid pro illo laborum exhauserim, quibus consiliis illi adfuerim semper, quam miri & verè paterno animo errantem concastigarim. Invito, & ingratis meis, in uxorem duxit.

Ismeniam, cujus ergò quoniam verbis eum reprehenderam, Alanium qui, ut universa hæc pastorum civitas novit, cum ipsâ illâ Ismeniâ ipsius inhonestè vivere non desinit, mulctare debens, iracundiam suam, impiam & scelerosam, in me convertit, me, me, intra domum nativitatis meæ, geniali meo lecto, cum uxore decubantem, interficere voluit! Præteritâ hac nocte aditum clam ædes meas emolitus est, ut in cubiculum meum penetraret, me, dormientem ad latus Felisardæ meæ, obtruncaret. Eccum vobis devaginatū pugionem, quæ parricidio ministraturum, attulit; Et fecisset sanè quod volebat, egoque vobis, optimi Pastores, concivesque, cognatique, mei, in sanguine meo jam, filii manibus cōfossus, oppetiissem, nisi Deus, improvisò pavore immisso, vires ita brachiis ipsius cœlitus incidisset, valentiam nervorum parricidalium sic subito contraxisset, ut attonito similis, & animum linquenti, prociduô in pavementum ferrô, non effectô tam horrédô facinore, cubiculô se proripere, & in malam rem aufugere coactus, velut Furiarum facibus persequentibus, fuerit. Hoc est quod re ipsâ hodiè
domi

domi meæ contigit, uti vos melioribus circumstantiis plenius amata mea conjunx edocebit. Ego, ut qui certo sciam Montanum, filium meum, nequaquam absq; consiliis & instigatione Ismenia, illius egregiæ uxoris suæ, tam atrox flagitium animo cõcepturū fuisse, vobis supplico, vos precor, circumspiciatis, cum animis vestris expendatis, quid tali negotio fieri conveniat; uti filius meus impiæ & abominandæ hujus audaciæ suæ pœnas meritas luat, neque falsaria illa, & perfidiosa, Ismenia, frustra consiliis suis maritum in hæc adegerit, aut torum conjugalem suum impudicis Alanii Amoribus tanto jam tempore contemnerit. Nondum ultima orationis suæ verba Filenus edixerat, cum populus pastorum, ingenti tumultu per universam concionem sublato, immani murmure, tam atrociter in parricidium præsentarium indignari cœpit, ut totus pagus fundo se evertere velle videretur. Alteratis, universi omnes, indignitate rei, animis horrēda supplicia in pœnā Mōtani meditabantur, mortem ejus omnibus votis concludentes. Alii eū lapidibus obruendum censebant, pars, piaculārē hominem, cōfiniis exportandū, &, quāpro-

fundissimus flueret, Durie præcipitem pefsum dandum, opinabantur, alii immanibus ferarum faucibus, dilaniandum, præjiciendum; summa, nemo tota concione non novis & inusitatis suppliciis è vivorum numero tollendum sciscebat. Nec minus in meum dispendium illos movebat, quod de incestis meis Amoribus, (quamquam aliter se rem habere nemini ignotum foret) & consiliis parricidalibus, Filenus dixerat. Sed effera plebs tantâ iracundiâ, tantô furore animorum in Montani pœnas exarserant, ut obliviscerentur maximam meorum criminationum partem. Montanus, cum reigestæ pro cōcione, ordinem intellexisset, quid pater suus proposuisset, quid pastorum primores decisum vellēt, quibus modis tumultus sententiarū in capitalem suam pœnam confedisset, maximâ vitæ desperatione perceptus est; Ex altera parte de meis etiam rebus, quid à patre relatum fuisset, comperiens, tanto dolore animum suum afflixit, ut infandior nec cogitari quidem valeret. Hinc oriunda omnis malorum meorum series, inenarrabilibus me miseris mœrorum conficit, hæc causâ perditionis

ditionis ultimæ meæ fuit, hinc, ceu fonte perenni, omnis dolorum meorum scaturigo, profluit. Charissimus enim ille mihi, ille amatissimus mihi, Montanus meus, ad animum revocans, elapso me tempore amasse, & ab Alanio vicissim cupitam esse, sciens sæpius reviviscere & resuscitari, velut è consopitis cineribus, interstinctos jam exspiratosque Amores, videns insuper ante oculos suos quotidie Alanium mei desiderio flagrantem, quem ipsius causâ ego repudiaveram, omnibusque modis studia sua mihi probare satagentem, suspicione credulâ eorum quæ à Fileno pro concione dicta erant, ablatum est; quoque magis rem expendit, eo pro veriore habere cœpit, donec planè certam illi crebra imaginatio præfixit: Adeò quidem ut ad ultimum, efferato animo, desperabundus, tum propter infelicem Silveriæ machinationem, tum quod me illam in se fabricam struxisse autumaret, etiam de adulterio meo fictitio sese non explicans; Pago penitus nostro profugerit, in exilium abierit, numquam post illum diem à nobis sit visus: Ego, edocta ab itum ejus, causamque, ex relatione aliquorum de pastoribus, amicorum ipsi,

quibus omnem seriem perditionis suæ enarraverat; domo & ipsâ villâque excessi, inquisitura eum undique, neq; dum ullus me spiritus vivam non destituet, interquiescam, quin dulcissimum, & exoptatissimū, conjugem meum, invenerim. excusationes meas & innocentiam tantorum scelerum ipsi edisferta, quamquam & manibus eius mihi pereundum postmodò fuerit. Longum jam tempus, peregrina, huic negotio hinc inde vagor; at, nullum non insigniorem pagum, nullam non in iis conspectiorem domum emensa, tam tamen hætenus infortunata fui, ut nec ultimum indicium eius uspiam investigare potuerim. Maxima quæ toto eo mihi tempore consolatio obtigit, est quod biduo postquam pagum nostrum reliqui, incidi, in valle quæpiam, sceleratissimam illam Silveriã; quæ, intellecto voluntario Montani exilio, pœnitudine malè exeuntis commenti ducta, illum & ipsa inquirebat, narratura rei veritatem, & veniam ab illo flagitatura tam atrocium iniuriarum. Neque dum autem illum uspiam indagaverat, & cum me videret, apertissimè omnem scelerum fabulam mihi aperuit, unde magnum malis
meis

meis refrigerium subortum est, quæ cou-
 que penitus ignoraveram, quo pacto ne-
 gotium gestum, aut infortunium illud do-
 mui nostræ illatum esset. Fateor, volui sce-
 lestam mulierem manibus meis interstin-
 guere, quamquam & ego imbecilla mulier-
 cula; neq; alia id de causâ effectui dare in-
 termisi, quoniam quod sola illa remedium mi-
 seriis meis dare posset, confessione mali-
 tiæ suæ. Rogavi ergo illam nullam cele-
 ritatem aut diligentiam omitteret inqui-
 rendi mecum Montani mei desideratissi-
 mi, ut quamprimum Veritas negotii ipsi
 innotesceret; sicque illam reliqui, alio
 itinere ad indagationem mariti profe-
 cta: Hodie jam saltum istum appuli, ubi,
 invitata amœnitate, & frigiditate loci,
 assedi, meridiei fervorem exemptura, &
 quoniam consolationi meæ, Fortuna, fa-
 vens, huc eodem vos quoque adduxit, ego
 gratas ipsi gratias tanti favoris ergo me-
 mini, vos autem obsecro atq; obtestor, uti,
 quoniam jam ferè medium Cœli spatium
 Solis cursus tenet, si impetrari potest, sua-
 vissimæ me sodalitati & conversationi ve-
 stræ admittatis; dum diei calor deferbue-
 rit, qui hoc maxime tempore ardentissi-

mus esse solet. Singulari affectu hæc historia audita Marcelionem & Dianam affecit, Ismeniaë malis apprimè condolentes. Prolixis igitur illi, ob narrationem tam gratam, gratiis redditis, aliquibus illam pro renatâ argumentis consolati, omnia quæ possent, succurrendis ipsius mœroribus, ex se proficisci, obtulerunt promptissima. Ad extremum invitare illam institerunt ad consortium itineris versus domum Feliciae, Sapientis illius, posse contingere, ut illic ipsa quoque aliquid solatii inveniret. Placuit itidem illic confidere, donec meræ diei fervor in vespere viciniam decrevisset, quod Ismenia ipsos rogaverat. Verum Diana, uti erat maximè omnium illius regionum gnara, omniū saltuum, nemorum, fontium, Locorum denique amœniorum, & umbrosorum, decora in numero habens, avertit animos, perhibens in proximo isthîc locum esse longè amabiliorem isto, illuc, sese suadere, concederent; quoniam alioquin nec dum mera esset meridies. Igitur, confessu elevato, gradum eum in locum promoverunt, itaque paullo post accesserunt nemusculum Dianæ verbis commendatum: Erat locus ille facilè umbrarum

brarum densitate & copiâ, vel eorum omnium, princeps, qui in celeberrimis montibus vallibusque Arcadiæ veterum pastorum carminibus famam perennem meruerunt. Florebat hic ingens formosissimarum Platanorum numerus, salicum item, aliarumque arborum, quæ, super ripis cristallinorum fontium, denique omnia amœnissimi illius secessus spatia, rigidiusculâ & suaviauræ adspiratione blandum commotæ, gratissimis sibi adsibilationibus colloquebantur. Illic, consonâ atque contemperatâ avicularum cantantium Harmoniâ, per viridantium ramorum intervalla, amabili quadam petulantia desultantium, aërantâ dulcedine permulcebatur, ut audientium animi liquido quodam nectaris imbre velut conspersi, penè colliquescerent. Campus ipse intermedius, delicatissimo gramine quaquaversum confusus erat, inter cujus æquabilitatē prominebant innumeræ species speciosissimorum flosculorum, nullo non colore, nullo non cultu sibi mutuo concertantium; horum cum tot diversa genera, tam varii essent decores, unum tamen omnium officium erat, de campô tot picturis variegatô, tot relucen-
tibus oculis purpurante, in suavissimum

Spiritum convenire, cujus eę essent gratiæ; is Lepor, ut cuicunq; etiam, qualibuscunq; ærumnis confectō, animo, novā vitam, exoptatissimi odoris fragrantia, adspirare possent. Isthic, venatorum præcipui, integros greges meticulorum hinnulorum, caprarum Silvestrium, aliarum ferarum, invenire solebant, quarum captivitas & persecutio suavi voluptate tempus eximeret. In hoc nemus, Dianam ducem secuti, tum concesserunt; & illa quidem cæteros, studio gradum accelerans, prævorterat, ut occuparet lucum quempiam, arborum, in spissitudinem umbras conferentium, densitate, commodum, quem illa de toto illo spatio certis signis selegerat, quod crebrius quoq; succedere consueverat. Nō multum eorsum processerant, cum Diana, proxima jam secessui, quem amœnitate præ reliquis omnibus commendaverat, ubi molestum ferventis diei calorem eximeret, labiis impresso digito, Marcelioni & Ismenia indicium fecit, lento gradu accederent, neque quicquam sonitus facerent. Causa hujus erat quod intra lucum illum cātum pastoralem sibi audire visa esset. Et, voce quidem expensā, Taurisonis & Berardi eam simili-

lem

lem esse arbitrabatur, quorum uterq; amore ipsius multa patiebantur, ut memoratū est suprà. Itaq; ut certius rem rescisceret, propius paullum accedens, sub latibulum lentiscoreum proximorum speculabunda concessit; vidit ergo illos ipsos esse; quibus juncti aderant generoso quidam adolescens, habitu, & Virgo, nobilitatem generis & ipsa cultu corporis eximio præ se ferens: Uterq; horum quāvis aliquatenus tristiores viderentur, & ex labore itineris turbatiores, totā tamen indole suā, & corporis omnibus gestibus singularem virtutem præ se ferebant. Postquam hos vidisset Diana, ne vicissim ab illis conspiceretur, & ita aliquam Muscis cantibus turbam faceret, reduxit sese. Interea advenerant eodem etiam, Marcelio & Ismenia; ita junctim omnes confederunt, pone spinetum proximum, ubi invisi permanere poterant, & audire simul 'clare voces cantantium pastorum: Horum carmina, omnem illum saltum personando, suavi modificatione sese mutuo excipiebant, ut sequens vos liber docebit.





C. BARTH

NEMORALIUM

LIBER TERTIVS.

MALITIA atque sceleratus animus semel læsæ, & offensæ, malæ mulieris, consueverunt res moliri atq; efficiendas sibi proponere, tam crudeles, atque abominabiles, ut vix uspiam tam fero atque audaci corde, homo masculus, reperiat, qui non metuat tale quid aggredi, & audito, cogitatove, totus non horreat atque percellatur. Quodque peius huic accedit, fortuna tantopere læta est vertendis atq; concutiendis bonis & felicibus mortaliū statibus, ut plerumq; absoluto favore his scelerosis conatibus adspiret, quos n. vir ad finem non alium contendere, quam uti inauditis facinoribus & machinis prosperos hominum successus tristibus & lamenta-

bilibus infortuniis commutent. Maxima atque immanis Felisardæ crudelitas fuit, quæ causam fecit parenti, (licet falsam decepto) abominari atque abdicare filium proprium suum; Marito, vanis, nec verisimilibus, suspicionibus, conjugem amatissimam abs se repudiare: Major tamen atque immanior prosperitas fuit, quæ eam tam horrendæ malitiæ optato fine compotiri fecit: Nec tamen hujus historiæ recensione quispiam induci velit, ut generatim omnibus fœminini sexus abalienet animum, easque malarum artium suspiciat; Potius eò quisque hæc intelligat, & consideret, uti cavere possit à similibus Felisardæ hujus; quales quidem, beneficio numinis, paucas omnino offender; Cæteræ, longè meliori numero, sunt exemplaria viva virtutum, bonorum morum Specimina egregia, Ornamenta rerum mortalium, & sidera humanæ conversationis illustria; quarum fides, Sapientia, Consilium, Prudentia, honestitudo, merentur etiam celeberrimorum Poetarum carminibus æternitati commendari; Quarum laudum documenta spirantia sunt Diana, & Ismenia,

nia, nostræ, inter pastorales suorum temporum puellas commendatissimæ; tam formositatis omnibus numeris, quam sapientiæ singularibus dotibus; quarum laudes manifestis posteritati demonstrationibus transcribit Historia; cujus nos seriem prosequendo certiores vos facimus, Marcellionem modo nominatis puellis junctum; postquam pone eam recta vicina concessissent, Taurisonem & Berardum hoc modo concinentes audivisse.

BERARDVS.

*Hæc Aura, blandum quæ vepreta immurmurans,
Auresq; & oculos afficit,
Istæ umbræ amœna, textilesq; ex his casa,
Hic fons liquore limpidio
Copis; Colorum mille odori hi flosculi,
Curas fuganteis spiritu,
Curas feroceis corda quæ virum exedunt,
Tristique torquent tormine:
Nequeunt tyranni contra Amoris impetus
Firmo venire pectore.
Quin ille, temto iure, vigerat omnia,
Ratione calcata ferox.
Remedia nostris nulla sunt doloribus,
Augeat medela vim mali.*

*Amore si quis pectus exedit, nihil
 Illum medela juverit.
 Hac ratio morbi est; vivit in doloribus
 Spe gaudioque mortuus.
 Cum leta captat, imminet duplex furor,
 Gemitusq; continuat graveis.
 Ut anima sese quopiam oblectet, statim
 Novus inde nascitur dolor.
 Amor suâ se jactat in victoriâ,
 Victumque perimit aut capit.
 Captum ille Sorti tradit: hac doloribus
 Vendit, mori ut vivus queat.
 Sic mille flammis additus quotidie
 Sine morte moritur millies.*

BERARDVS.

*Cor ille latum triste reddit indidem,
 Sanumque morbis implicat,
 Capitque Liberum, atque Vivum interficit;
 Solare te, Anime, his legibus
 Cupidinis pueri, in locum te altissimum
 Videns locatum, te utere.
 Recipe dolores, offer his caput tuum
 Damni mali minaciis.
 Gaude aegritudine, ista quippe lex mali est;
 Quo magis studebis egredi,*

Magis

*Magis implicabis retibus vafris pedem,
Ludibriis obnoxius.*

TAVRISO.

*Materia mecum maior est Cupidini
Honoris augendi sui,
Pastorum, utriq, quam quod est Hispania,
Malis mala increscunt mea:
Vberior oculis exit his fons fletuum,
Delicuit atque queis Biblis.
Peregrè petenda bona, malum est domesticum;
Videre quam cupio miser
Visâ Dianâ morior; oppeto siti,
Fonti uberanti proximus.
Absente despero, imminet præsentia,
Sollicita mors timens sibi.*

BERARDVS.

*Rident viridia prata, & Auræ obsibilant,
Luscinia succinit loquax,
Innumera pectus agritudo hoc lancinat,
Curisque mille ego differor.*

TAVRISO.

*FLores amæni spiritus dulces cient,
Per prata purpurantia.
Ast ego dolorum morior aspritudine
Nec vivere haud possum tamen.*

BERARDVS.

*Mentem animi mala mi verterunt tormina
prorsus,*

Nec decem ego norim iam dare versiculos.

TAVRISO.

*Lingua mea in cantus percussâ mente vacillat,
Ergo agedum electum tu cane quid, memorans
Tale, inter cunctos, carmen, tibi quale Poetam
Esse dedit nostri præcipuum Nemoris.
Quale, trahens centum fracto suspiria versu,
Nymfarum in laudes agmina Vatis agit.*

BERARDVS.

*Tecum suavis ordiens carmen soni
Labore defungar meo.*

*Compone tu te redditurus alterum.
Sed ecquod ordiar, putas?*

TAVRISO.

*Dic illud ergo: Stella me Radians ferit:
Vel illud: Ab tristis dolor!
Vel hoc; sed hercle nomen excidit, tamen
Choreis Diana id nuperè
Memini, accinebas; universus plauderet
Cum pagus ad saltus tuos.*

BERARDVS.

*Non Lea tam fera, non Tygris tam barbara vi-
vit,*

Qua nequeat nostro quicquam indoluisse dolori,

Tam

Tam ferus ille meos, tam barbarus excoquit artus:

Ah mea mi non volt fera condoluisse Diana!

TAVRISO.

Ah mea mi non volt fera condoluisse Diana!

*Nemini ad hanc ulli par formæ, audita fuisse
Duritiam est; non ista parem, nō quemquā habet illa,
Ah miser hinc atq; hinc patior, Spes nulla saluti est,
Vivere qui nequeo, cur non datur ire sub umbras?*

BERARDVS.

*Vivere qui nequeo, cur non datur ire sub umbras?
Mille vices mortis morior: sed quei pote fungi
Morte meâ, possim cum te, Diana, videre?
Mens animi mihi mota, insano in pectore fervit.
Quo magè Amo, magè Amoris amaras non capio
artes.*

TAVRISO.

*Quo magè Amo, magè Amoris amaras non capio
artes.*

*Addictos sibi servitiis occidere perstat,
Vincula qui fugiunt fera, libertatis amore,
Hos duplici sequitur Pænâ, coquit illicet intus
Viscera, & ipsam animam differt torrente dolore.*

BERARDVS.

*Picto floridior, Puella, prato,
Quod mensis Veneris, Deâ favente,
Florum non numerabili cætervâ*

Auris sub Genialibus polivit.

Rosis, Nymfa, venustior venustis

Cælorum cui nil favor negavit

Sic adsint tibi quæ voves, tuisq;

Armentisque greges, ovesque tauris

Pleno Copia dis favore mutet,

Blandis respice tot meos ocellis

In suspiria tot graveis, dolores,

Tandem respice mitior, DIANA.

T A V R I S O.

Pastorum Dea, quæ serenitate

Saltus, Prata, & Agros videndo vestis,

Nive ô candidior recente, Nymfa,

O natis modo liliis puella:

Sic plenæ tibi floreant aristæ,

Et campos sata fertileis decorent,

Vt fructus modo in hos modo, Annus, illos

Gratis messibus ubereis abundet;

Blandis respice pupulis tuorum

Pastorem, morientem in igne Amorum:

Omneis cui tuus in beatitates

Aspectus satis est, DIANA, Solus.

Hoc temporis articulo Adolefcens ille gegerofus & Virgo fplendido cultu , magna neftuum civilitate interruperunt cantionem pastorum , illifque prolixas egerunt gratias ob Voluptatem quam de dulcedine illius

illius festivæ Musicæ receperant: Deinde ad Virginem conversus juvenis; Numquam puto, inquit, soror, audivisti in magnificis civitatibus Musicam gratiorem, animo, auribusque acceptiorem, hac rustrii hominum simplici atque naturali velut. Per fidem, respondit illa, magis me afficiunt, animique componunt, rustici isti atque pastōrales cantus, candore innocentis & simplici instructi, quam in illustrium Magnatum palatiis Regumque Aulis, delicatæ vocēs, multâ arte compositæ, & in Harmoniam redactæ, mille inventionibus novis variatæ, & contemperationibus in ordinem æquabilem deductæ: Neque porro quisquam dubitet pari æstimatione Pastoritiam hanc Musicam censere, cum me ipsi præivisse eam norit, quæ aures subactas habeo suavissimis concentibus celeberrimorum Cantorum, qui quidem in ullâ Civitate opulentissimâ aut Aulâ Regiâ toto terrarum Orbe offendi possint hac ætate. Dum enim Marcelio serviret adhuc, verè desiderabili tempore, Sorori nostræ Alcida, cantare de nocte consueverat ad fores illius, sono Lyræ vocem suavissimam admodulante, talibus Gratiis, tanto Lepore,

ut, si Orpheus ille, Poetarum fabulis decantatissimus, tali Musicarum artium peritiâ & dulcedine instructus fuit, nequaquam mihi mirum videatur, feras illum suavitatem cantuum traxisse, & conjugem, Eurydicen, charissimam suam ex ipsis Avernaliū specuum penetralibus ad superos reduxisse. Ah Marcelio, & ubi nunc tu esse potes! Ah Alcida, ubi tu gentium inveniunda! Me autem miseram, cui nullo non temporis momento Fortuna lacrymosarum rerum memoriam subjicit, & renovat, cum primum animum aliquā recreatione à perpetuis tormentis revocare videt. Audiebat has Puellæ voces Marcelio, ut non longè isthuc cum Ismeniâ & Dianâ latitabat, quæ quidem animum ejus mirificè consternabant, Alcīdam & sese nominari percipientis. Non credebat ille satis propriis suis auribus, jamque imaginando mentem in eam partem avertebat, esse fortassis etiam aliū à sese quempiam Marcelionem, esse & Alcīdam aliam, quorum mentio isthuc fieret. Non diu tamen se continere potuit, quin propius arreperet, intra latibulum illud gradum promovens, & speculabundus

dus attētoribus oculis ; donec certò cog-
 novit adolescentem illum , & Virginem
 illam, esse Polydorum, & Clenardam, Ger-
 manos utrosque Alcidæ suæ : Omni igitur
 morâ sepositâ ejecit se ocyus frondosis la-
 tebris, & maximâ festinatione apertisque
 brachiis, accurrendo, lacrymis oculos ube-
 ranteis habens, in amplexus eorum irruit ;
 nunc Clenardam, nunc Polydorum de-
 sideratissimis osculis dissuavians ; nec, ob
 gaudii vehementiam , vocem in penetra-
 libus pectoris detinentem , fatis longo
 tempore quicquam loqui poterat. Par
 illud germanum novitate negotii velut
 attonitum, nesciebat quid rei accidisset
 tam repentinæ : De Marcelione enim,
 qui pastoralis habitu indutus adesse posset,
 nulla erat suspicio ; donec, gemitibus & su-
 spiriis in vocem laxatis , lacrymisque lin-
 guam non jam tenentibus, ita eos affatus
 est. O Germani pectoris mei, jam ego faci-
 lè mearum miseriarum obliviscar, cum fe-
 licem hūc ad spectum vestrū Numinis mihi
 favor restituit : At quomodo Alcidam
 non vobiscum video ? Forte abscondistis
 eam aliquà sub umbrosarum istarum fron-
 dium latibula ? Per omnia vos quæ chara

habetis obsecro, ejusrerum me certio-
faciatis, subvenite, supplico, ærum-
meis, desideriis ardentissimis opem adfer-
te. His prolocutis, agnoverunt Germani
Marcelionem, amplexique illum, Volu-
ptate in largas lacrymas profluente, respō-
derunt his verbis. O felicissimum diem, ô
insperata & insperabilis Prosperitas, ô fra-
ter animæ nostræ; quod illud infelix a-
strum, quod sidus tam ferum nos reperire
abnuvit tecum, utrisque desideratissimam,
Alcidam nostram? quis plenitudinem gau-
dii nostri hac parte truncavit? Quid ita tu
habitu isto tam te indigno, tibi que inusita-
bili, te abscondis? Ah, tristissima fortuna,
ad finem nullæ res perfectum ullum gau-
dium suppetunt mortalibus! Ex alia parte
Diana & Ismenia, videntes tam audaci
gressu irrupisse Marcelionem locum illum,
ubi cantitantes pastores confederant, se-
cutæ sunt vestigia illius, & reppererunt cum
Polydoro & Clenarda modo recensitos
sermones alternantem. Tauriso autem &
Berardus, tam insperatò Dianam superve-
nire videntes, dici non potest quanto gau-
dio perculsi ambo fuerint. Tauriso ergo,
non capiens silentio tantam felicitatem,
sed,

sed, oculis & gestu universo, cordis intimam exultationem testificans, ita eam allocutus est. Grandis hic favor Fortunæ est, ô Diana formosissima, illam quæ semper sodalitatem nostram fugit, casibus & successibus tam prorsus insperatis, cum minime cogitare ejus præsentiam datur, suâ sponte toties nobis supervenire. Non hæc fortunæ rescribenda causa est, Diana respondit, ô eximii pastorum, verum vestræ in cantando & fides pulsando dexteritati, atq; eruditioni; nullus quippe recreationi amœnitate aptior locus est, in quo vos reperire non liceat, quemque vos Musicâ vestrâ, tam laudabili, celebriorem non faciatis. Verum quoniam huc convenimus, nemine nostrum alterius adventum expectante, jamque Sol mediæ diei limen tetigit, placet mihi calorem vehementissimum in contubernio isthic vestro eximere, amœnitate loci vocante; quamquam enim non parum mei intersit tempori domum Feliciæ appellere, non tamen gravabor detinere me, paullum hoc temporis, vobiscum, ut iter post remissiore cœlo temperatius habeam, intercæ autem vestrarum dulcissimarum cantionum Voluptatem hauriam.

Idcirco parate nobis voces fidesque vestras, nihil recreationum omittentes, quoniam turpe sit quicquam negligentia aut invidia cælare, tam egregio contubernio tā inopinatò conveniēte. Vos autem, generosi Equites, & Nymfæ formosissimæ, ponite jam cum his finem lamentationibus vestris; abhīnc enim deinceps satis vobis temporis erit ad audiendas enarrandasque fortunas mutuò vobis vestras; unde mœrorum atq; gaudiorum, ex malis prosperisque successibus, copia vobis succrescet; Hoc jam spatium dier, hīc locus pastoralia gaudia requirunt. Maxime omnibus placuit bonum Dianæ consilium; proinde circum pellucidum fontem, suaviter illic ebullientem, super toros mollium herbarum placidè omnes conlederunt: Locus illè omnium per istos saltus longè amœnitate, tranquillâque secessionis quiete, princeps erat; nulli nemorum Parthenii montis inferior, quorum fama Neapolitani Sinceri carminibus fastigium celebritatis tenet. Erat in meditullo hujus nemoris spatium quoddam Quadratum, singulis lateribus Quadraginta passus cōplexum, circumdatum umbrosarum arborum

rum spississimo luco, earatione, ut, in modum muniti manu Castriciujuspiam, undique densissimâ silvâ cingeretur, adiri vero unâ solùm parte posset, quâ penetrare operosâ quadam semitâ cogebantur, qui in gremio ejus considerare, recreationis amœnissimæ gratiâ, cupiebant: Planities ipsa, campusque interior, mille florum suaveolentium, herbarumque viridum generibus consitus, florebat: nulli illuc ovium greges, nulli caprarum, nulla taurorum armenta, accessum habebant, intacti pedibus flores animantium, moribus illibatæ herbæ, perpetuùm tranquillitate nativâ gaudebant. Medium Luciumbilicum fons limpidissimarum aquarum occupaverat, qui de pede antiquissimi, & ipsâ ætate venerabilis, Roboris, progrediens, in locum à naturâ ipsi destinatum, profunditate quadratâ alveum quempiam faciente, confederat: Putasses manu humanâ fabricatum velut folium ubi undæ sese congererent; sed Natura magistra etiam artificii curam vicerat: Suavi sonô eò concurrens, laticum abundantia, tam gratum oculis auribusque spectaculum præstabat;

ut Pulcri Fontis vocabulo ab omnibus circa Pastoribus idem censeretur. Ripæ ipsæ hujus Fontis candido marmore, tam æqualiter compositæque, sese circumduxerant, ut spectatorum nemo non ad perpendiculum Architecti manu omnia exacta crederet; sed naturalis scena saxorum facile persuadebat vivum opus, cum radices eorum, solo fixas, ostenderet, non aliter quam præcellis montibus scopuli & petrarum cautes innascuntur. Aqua quæ folio illo suo superfluens urgebat se semper, duobus arctis canalibus profecta, omnia circumspatia campi, arborumque viciniâ confurgentium, radices, irrigabat; continuâ fertilitate vitalem illis humorem suggerens; ut gratiosissimo virore perpetim sibi constans honos loci, tranquillitate amabili, suis se bonis conservaturus, floreret. Hac amœnitate, Naturæq; ornamentis, tam celebris & commendatus Lucus iste cum Fonte suo erat, ut nullo ipsi tempore pastorum aliqui deessent, qui, super margine undarum, herbisque semper virentibus, mille lusibus, festivisque recreationibus tempus eximebant. Tamen nemo ex his omnibus non relinquebat greges suos extra luci semitam,

ram, venerantes cuncti, & quadam religio-
 ne, Locum, observantes, ne clarissimarum
 Aquarum nitor aliquà inturbaretur, aut
 viridarii culta à male custoditis ovibus de-
 cerperentur. Circum hunc Fontem, uti
 jam memoratum est, confederunt pasto-
 res, duce Dianâ, nostri; peris suis prolatos
 singuli cibos suos in commune conferen-
 tes; quos quidem majori utique cum volu-
 ptate gustusque suavitate, sumebant, quam
 quæ, Epulæ, mille exquisitis ferculis Ma-
 gnatum mensis inferuntur, quorum varie-
 tas curiosis condimentis dilata, ipsâ copiâ
 fastidium bonarum rerum facit. Finito
 convivio, uti ex unâ parte Marcelio, ex al-
 tera Clenarda & Polydorus nihil æque cu-
 piebant, quam alter alterius narratione au-
 dire, quid singulis ex eo tempore factum
 esset, quo divulsi fuerant; Marcelio, sermo-
 ni exordium faciens, ita locutus est. Opti-
 ma Ratione, Germani, percontari nunc
 volo, quid vobis acciderit ex quo mutuò
 conspectui erepti fuimus, & quomodo vos,
 sene parente & sorore Alcidâ in comitatos,
 isthic offenderim: Dudum enim vix fero
 cordis alterationes, mirifica sibi imaginan-
 tis, cum nesciat vera. Tum Polydorus ex-

cepto sermone sic respondit. Quoniam loci hujus amœnitas aliâ omnia poscere videtur, quam quæ dolorum memoriam reducant, neque opportunum puto, pastorum istorum chorum, infortuniorum nostrorum recensitionibus, ex hilari in tristem commutare, auribusque lætis oggerere rerum mœstarum historias, summâ, quâ poterô, brevitâte tibi narrabo, quid malorum nobis exantlandum Fortuna objecerit, ex quo nos disjecit. Postquam à nautis, uti non ignoras, impeditus, ærumnosum parentem meum periculo, jam naufragio pessumeuntis, triremis, eximere, & in scapham transferre non potui; sed cum illo coactus in ibidem invitatus permanere fui; mœstissimus senex tantâ anxietate animum percipiebatur, quantâ credibile est amantem liberorum charissimorum Patrem; qui sub finem provectæ ætatis suæ illos simul seque in tam immani periculo conspiceret, percelli. Non curabat ille verbera dira, undique navim oppugnantium, fluctuum, non iracundas animas Ventorum, ex omni eadem latere assilientium; sed, oculis semper in abeuntem scapham fixis, quæ vos Mar-
celio,

celio, cum Alcidâ & Clenardâ, auferebat, & ad singulos fluctuum inundantium pulsus in imam abyssum descensura videbatur, quantò magis illam à nobis recedere cernebat, tantò sævioribus modis ærumnosum cor suum affligebat; quod quidem tam horribili planctu ipsis visceribus exsiliturum putasses. Cum autem penitus jam visu nostro excessissetis, vitam illi excessuram corpore omnes censebamus. Navis ipsa, Tempestatis furias quaquaversum sequens, integros quinque Dies maris æstibus sursum & deorsum jactata est, ex quo vos ablati eratis: horum termino, iam Sole in occasum prono, vicinos nos terræ cuipiam vidimus. Quam huius aspectu gavisi omnes fuerimus, non attinet, dicere; Nautæ ipsi maximè lætabantur, tum quod tum atrox & diuturnum periculum evaserant, tum quod terram agnoscerent, cui appellenda navis erat. Erat enim modis omnibus cultissimum, quicquid de littore cerni poterat, amœnitate admirabili nulli cessura regio, quotquot Sol radiis uspiã suis vestit. Adeo ut nautarum unus, deprompta conditorio suo lyra quapiã, qualibus fallere tēpus lōgarū navi-

gationum hoc genus solet, cantare & fibibus ciere hanc cantiunculam insisteret.

*Terra Valentino felix habitata Colono,
 Naufragiis sollers ferre hominum auxiliū.
 Quam neq; sava gelu devinxit bruma nivali,
 Nec Sol flagranti torridus igne cremet.
 Felix, qui, infido iactatus ad omnia ponto,
 Constitit in vestro, terra beata, Solo.
 Hunc humus excipiet viridi pia cespite, cali
 Temperies vitæ maxima restituet.
 Ante mari quam se tollat gravis æstus iniquo,
 Nautarum maior quā Labor Agricolū est.
 Turefove miseros, ut Turia in aquore blando
 Membra lavans, Ponti vim exsecrer horribilem.*

Hac nautæ, non sanè fatui, cantione intelleximus regionem, quam cernebamus Regnum Valentiaë esse, terram omnibus mundi habitabilis partibus percelebrem. Inter ea autem dum iste decinit, vi potentis ventri impulsus navigium tam prope tellurem accesserat, ut si scapha nobis adfuisset, ex illa saltu eam prendere potuissemus. Verum procul adventum nostrum piscatores quidam perceperant, qui visis velis nostris laceris atque undiq; dependentibus, Ma-

lum

lum in latus everſam eſſe, rudentes ruptos, Foros & lateramina navigii concuſſos atque diffractos, periculum quod hætenus evaſeramus, facile poterant conjectare: Itaque quidam ex illis lintribus piſcatoriis, qualibus in littore ſtationes ſuas ordinarias fervare ſolebant, inſilientes, ad nos properabant; dehinc non parvo cum Labore, maxima autem commiſeratione, navi nos noſtrâ exonerarunt, terræque collocarunt. Tantis nos gaudiis reſtituti ſaluti excepimus, quantis credibile eſt exſultare præſentiffimæ immani morte ereptos. Piſcatoribus, qui tam inſigni humanitate ultrò, ignotos nos, lintribus ſuis evexerant, Eugerius & ego prolixis verbis gratias agere inſiſtebamus, offerentes pro tam comodo auxilio, omnia noſtra: Illi vero, ut erant homines naturâ ſuâ humaniſſimi, ſimplicibus & benigniſſimis animis, non multum attendebant noſtras orationes & gratiarum actiones; quin unus ex illis ita nos allocutus eſt. Ne acceptum nobis pro tam inſigni beneficio opus hoc liberationis veſtræ feratis, Domini; ſed reſcribite hoc obligationi officii noſtri, quo tenemur omnibus fortunæ adverſæ expoſitis pro copiâ

nostrâ succurrere & opitulari; bono item animo & studio nostro, quo numquam tali deesse debemus porro, & hæctenus etiam defuimus: Neque enim, quod certò vos credere jubemus, ullum umquam nos vitæ nostræ discrimen absterruerit, quin, ad omnes occasiones prompti paratique, opem ferre velimus omnibus ea opus habentibus; Præcipuè exemplo tam luculento nobis hodiè oblato, quod si non, uti vobis nunc, ita illi antè paucas horas istas succursum ivissemus, toto nos vitæ tempore malè animis affecti meritò viveremus. Casum autem ipsum vobis enarrare non pigebit. Summo manè hodierni diei, pro more, casis nostris egrediebamur, retibus nostris, alioque apparatu piscatorio, succincti, ut victui solito prospiceremus, Antequàm vero ad littus ventum esset, vidimus cælum undique obscurari cæptum, maritimos fluctus commoveri, ventos increbrescere, unde bis retro redire animum induximus, diffisi credere nos, tam maligno tempore, periculosis undarum æstibus. Aliquibus tamen de grege nostro contrà videbatur, omni-

omninoque littori accedendum, ut propius speculareretur quorsum confessorarent Tempestatis indicia; sæpè talibus prodigiis incassum motis, sequutam summam pelagi tranquillitatem; aerisque clementiam subitam, turbati signis, successisse. Cum eò venissemus ergo vidimus procul scapham, undarum furiis obluçantem, sine remis, absque velo, fracto jammalo, nulli quam naufragio proximior; quali omnino vos quoque rerum statu nunc offendimus: Commiseratione igitur moti subito mari unum de firmissimis lintribus nostris injecimus, saltuque in illum illicò illati, citra Tempestatis metum, scapham persecuti sumus, quam & non multo tempore interlapso, tenuimus. Cum tam prope illam advecti essemus, ut quid hominum inibi veheretur, videre daretur, vidimus Puellam quampiam, Cujus nomen nec nunc etiam dicere possumus, quæ lacrymis totam se proluens, expansis brachiis auxilium nostrum implorabat, & miserabilibus lamentis inclamabat dicens: Ah, fratres mei, supplico vobis quam maxime possum liberetis

me de discrimine duplici meo, Tempestat-
tis diræ primum, deinde altero longè atro-
ciore, scilicet manibus impuratissimi hu-
jus Latronis, qui me isthic attinet, qui me
contra omnem æquitatem captivam ave-
hit, & sceleratâ libidine Pudorem mihi
meum cõtaminare cupit. Auditis his, sum-
mâ annisi diligentia, nec sine evidenti peri-
culo nostro, tandem tamen eam cum nau-
tis illis egregiis, scaphâ in nostrû navigio-
lum transtulimus, quo terræ porro isti ex-
posuimus. Recensuit tum illa nobis scele-
ratissimas machinas quibus ipsam, cognat-
um & sororem germanâ, latrones illi pes-
simi deceperant, quarum series longa sit
auditu; Puellam ipsam cum conjugibus
nostris domi reliquimus, liberatam impu-
râ captivitate duorum illorum nebulo-
num; Hos vero carceri isthic in viciniâ mã-
cipavimus, unde post paucos dies deprom-
ti, meritas scelerum suorum pœnas luent.
Igitur, ut unde sermo cœptus est, eò redea-
mus, quis nostrum porro nolit paribus se-
periculis committere, uti restituat saluti
jam ferè desperatæ perditos, & succurrat
miseris, ultimo discrimini proximis. Cum
ista narrantem piscatorem audiret Euge-
rius,

rius, cor ipsi saltus mirificos ciebat, an ista puella filiarum suarum aliqua esset? Ipsæ eadem cogitationes animo quoque meo obversabantur. Utrumque autem pro tempore consolabatur spes, quæ proximè nos visuros puellam ipsam ingerebat, unde conjecturæ Veritas clara exiret. Interim, dum ista recensentur, linter remis eventus, terræ nos ad exitum admoverat; Piscatores nudis pedibus in aquam desilientes humeris nos suis in littus exposuerunt: Cum jam in solo constitissemus, intelligentes nos quiete quam maximè opus habere, unus ex iis, ætate cæteris provectior, Parentem meum manu prehensens, me autem, ut cum cæteris sequerer, nutu admonens, viam ad tugurium suum institit, quod quidem non procul littore erat, ut quiete nos necessariâ ciboque commodè reficeret. Propius illud allati, audivimus sonum mulierum canentium, neque, utcumque fessi & male habiti, intrare voluissimus, nisi prius foris intellecto quid boni cantitaretur si ullo modo fatigatio tam diuturna tale quid nobis cōcessisset. Verū Eugerius & ego nullum tempus satis breve habebamus ut cognosceremus quæ puella

illa foret, de qua talia nobis narraverant
Piscatores nostri. Improvisi itaque Ca-
sam irrupimus, Mulieres autem adven-
tu nostro illicò cantus suos conticuerunt;
hæ erant Uxor Piscatoris, cum duabus
filiabus, puellis admodum venustis, quæ
retia, insidias simplicibus piscibus, com-
ponentes suavissime, fallendo laboris tæ-
dio, concinuerant. In medio earum Pucl-
la illa peregrina visebatur, quam illico
nos agnovimus, erat enim Clenarda, so-
ror mea, nunc isthîc nobis præsens cum
bono Deo. Quid passi simus rerum hac
fortunâ, quidque illa sustinuerit, ma-
lo ipsamet tibi recenseat; non enim e-
go tam arduo & difficili negotio suffe-
cero. Hîc copia erat lacrymarum, hîc u-
bertas gemituum, hic involutæ dolori-
bus immanibus voluptates, hic gaudia
mixta amaris mœroribus, hic opera &
verba, qualia hominum quivis sapientior
facile imaginando conjectaverit. His jam
aliquo pacto consopitis, Eugerius, ad pi-
scatoris filias conversus, Formosissimæ, in-
quit, adolescentulæ, cum, fortunâ feren-
te, huc nos appulerimus, ut ex parte do-
loribus nostris exoneraremur, non erit
æqui,

æquitati consonum interturbare delectationes vestras adventum nostrum, & cantionum hilaritatem exstinguere, quæ alioquin vel solæ suffecerint consolari aliquâ æumnas nostras. Harum quidem vobis copia non deerit, piscator suscepit, dum domi meæ commorabimini; ego quidem non parcam, quo ad potero, eò conniti ut tibi satisfiat hoc etiam pacto: Nunc verò utilius videtur quiescere, & animum reciperere, suo tempore neque Mufica nostra deerit. Cum dicto Uxor hominis nobis cibatus aliquid protulit, dumque nos illo occupamur, altera virguncularum, nomine Nerea, hanc cantionem exorfa est.

*Per prata felix quæ rigat virentia
 Guadalavir, fluvium parens,
 Vectigal undarum inferens ponto suum,
 Terrasque ditans ubere,
 Galatea, fastuosa quod mori suo
 Amore Lycium cerneret,
 Ibat superba, littus ubi viciniâ
 Eluitur allapsi maris.
 Lectura, pictos nunc lapillorum globos,
 Conchasque, arenarum è sinu;*

*Nunc voce cautes delicatâ personans,
Vicario undarum sono:
Modo ingruentis agmen expectans aqua,
Sedebat ad littus vagum.
Fluctu reverso prapete aufugiens gradu,
Sed tacta sæpè album pedem.
At Lycius, alius nemo quo Patientior
Ferebat adversos Deos,
Paullum, ista cernens, aspero quæstui suo
Dulcis dabat Refrigeri.
Sed ubi dolores gaudis Nympha suos
Aequare cupiebat, statim
In se reversus, pristinos iterans sonos,
Movebat his vocem modis.
Formosa Nympha non ego te viderim
Cum fluctibus colludere.
Licet voluptas ista videatur tibi,
Fuge pontum, iô, pontum fuge
Galatea, Lycium ut efferâ fugis fugâ;
Parce, ô puella his Lusibus,
Nostri doloris hisce succrescit furor,
Nolis malum addere hoc meis.
Pelago propinquam te videns, Neptuno ego
Invideo, ne te amaverit.
Mea tristis istuc cura me docet, semel
Iterumque Veri prospicax.*

*Vt ille non te amarit hætenus, potest
Perire visam protinus.*

*Hoc certe erit: Cupido novit, ut mei
Major doloris sit furor,*

*Potentiore opus esse Rivale, ut quoq;
Ex parte miserum hâc lancinet.*

*Relinque siccum littus, algas horrido
Infructuosas gramine.*

*Cave, marina ne qua bellua, evolans,
Fædo ore vulnus inferat.*

*Fuge jam fuge! illa me impotente gaudia
Suspensione tua induunt.*

*Ah duplici furore, sollicitum tua
Pericla miserum differunt,*

*Letitia suspicione damnat improbâ,
Vtrimque dira subfero.*

*Exsultim adire littus adspicio? subit
Europa memoriam mihi,*

*Quam candidus bos insidentem per mare
Avexit in mæchi torum.*

*Subit deinde Hippolytus, ut fastu tumens
Spretor novercæ, perierit.*

*Viso ille monstro, raptus in mille, æquoris,
Frustrâ pudicus, fragmina est.*

*Nihil timore tangeris nostro tamen,
Nec Pæna quicquam te afficit!*

*Benè ego istud à me cognitum seruo, cui
 Amor timorem non ciet,
 Nihil ille penitus metuit; at caveas tibi
 Cupidinis lasi à dolis.
 Contemptus ille vindices Pœnas movet,
 Cogitque, quod gratis negas,
 Id facere vi te mox coactam ingratis;
 Offensus hoc nocet modo:
 Ades hanc amœnam mecum, iò, sub silvulam,
 Umbrosa in ista compita.
 Et prata florum mille odora generibus;
 Meridies ipsa hîc tepet!
 Sicapit aquarum te fluor, videas ibi
 Fontem scatere limpidum.
 Is inter omnes primus, expectat modo
 In eo la vére bella tu.
 In siccâ arenâ hac, vela non suffecerint,
 Nulla umbra faciem contegat,
 Quin sole aprico denigrére candidam,
 Sic forma perierit decens.
 Nullæ Camæna hic mulceant, sed turbidi
 Atrox tumultus marmoris.
 Ventorum inane per furentium tumor,
 Aquæque fundo proruta,
 Inaudiuntur; visui nil gratius
 Obfertur, ac fracto maris*

Furore tandem, naufragas ponto præcul
Tabulas videre vertier.

At, ô, sub istud mi comes veni nemus,
Natura quod comit bonis.

Meridianum blanda quo sidus movet,
Sole ardido friguscula.

Huc crebra pasterum ingruunt collegia,
Veris potita gaudiis.

Fuge ô superbi vim maris; dulces veni
Audire voces Carminum.

Hic, Cura quicquid ardua ingerit, procul
Removemus, ac suspendimus.

Quamvis Amantes cogat in cantus Amor
Ciere vocem & naulia,

Tamen, rogante me, nihil tale audeat
Cantare Pastorum chorus.

Vt dulce solum carmen auribus tuis,
Quod tute malis, insonet.

Totum diem illic prata per, per silvulas,
Inscripta libris pelleges

Vetustiorum Roborum, vocabula,
Pastorum, & illa virginum

Quacumq; Fama cæteris præfert loquax,
Amoris apta Numini.

Sed mente tristi nomen agnosces tuum,
Descriptum in alto cortice,

*Quod ille manibus pinxerit suis, cui
Tot tu dolorum caussa sis.
Tamen, furore te ira quo distrinxerit,
Non hoc dolebit tam malè,
Quod nomen isthîc videris scriptum tuum,
Quam te ille amare quod velit.
Amare quampiam haud amatam, durares,
Et vix ferenda ducitur.
At quid furoris agere te dicam, videns
Amari, Amare, quod neges?
Sed tu tuum, Galatea, pastorem, ut lubet,
Contemne; saltem ut ne prope
Fluctus videre cogar hos tuos gradus,
Tam barbaros, tam turbidos!
Quid littus illud dulcius poterit dare,
Luscinia quam, nemoris mei
Colona prapes? hanc lavantem cernere
Potes, hanc legentem flosculos!
O Dii mihi istud voti, iô, hoc facessite,
In nemore ut hanc videam meo,
Vt littus illa veniat habitatum meum,
Quod laudet isto promptius.
Sed illa surdis auribus contrâ stupet,
Nec laudibus credit meis.
Sufficiat ergo canere me Musis meis,
Licet illa mentem averterit.*

Lycius volet decinere plura, sed ferox

Puella damnat carmina.

Silentiumq; injungit ardenti sono,

Quod ille tristis pareat.

Ludos redorsa cum marinis fluctibus

Continuat, averso pede.

Continuat ille vim dolorum in carmina,

Actum agit uterque scilicet.

Cantilena hæc formosæ virgunculæ & cæna nostra pariter desiverunt; quibus finitis, Clenardâ rogare institimus, uti enarraret quid accidisset rerum ipsi, postquam à nobis vos discefferatis; illa totam de malitia Bartofani, Alcidx desertione, captione tuâ, suâque comprehensione, historiam recensuit, denique omnia quæ tu ordine universa nosti. Plorabamus amarissimis lacrymis ærumnas nostras invicem; quibus intellectis Piscator quæ potuit consolationis nobis carmina proposuit. Præcipuè autem indicium fecit hac parte Regni hujus colere Sapientem illam Feliciam, cujus utique scientia nostris malis remedium aliquod esset præhibitura, Alcidx nos & tuû statum edoctræ, quoniam huc omne nostrum desiderium conveniret. Sic nocte illa illuc, ut potuimus, transactâ, manè sum-

mo, cum exortu jubaris, relictis apud piscatores hospites nautis, qui nobiscum servati advenerant, tres nos soli itineri nos commisimus: Post plurium dieinceps dierum vias Templum Dianæ appulimus, ubi domicilium habebat Sapientissima Felicia. Vidimus illic in miraculum pulcrum Fanum, amœnissimos circum adjacentes hortos, summo sumtu constructum Palatium; agnovimus etiam perfectam celeberrimæ Antistitæ Sapientiam, junctis aliis rebus, quæ tali nos admiratione perculerunt, ut neque dum satis firmi simus ad omnia sigillatim & per partes enarranda. Illic vidimus formosissimas Nymfas, quæ exempla sint Castitatis, illic insignes genere Juvenes, & Virgines nobilitate virtutumque censu commendatissimas, Pastores etiam & Nymfas; præcipui vero Nominis pastorem præ cæteris, Sirenum, qui apud omnes in maximâ æstimatione erat. His, aliisque qui aderant omnibus, Sapientia Felicia suis cuique malis congrua remedia dederat, unde Amorum adversorum, aliorumque Infortuniorum, ægritudinibus, exsolverentur. Nobis hætenus
hoc

hoc solum consilium elargita est, Patrem nostrum Eugerium domi ejus relinquere-
mus, nosque in has regiones, & ad hunc
ipsum fontem, conferremus, non recessuri
donec solatia aliqua ærumnis nostris of-
fenderemus: Nunc igitur, voti ex parte
damnati, tuum, nobis charissimum caput,
salvum indepti, non videmur caussam ul-
terius hîc morandi habere, sed rever-
tendi ad fanum plurimas; præcipuam ve-
ro eam quod & parentem nostrum so-
lum, & solatii hujus aliorumque omnium
expertem, illîc reliquerimus. Novimus
quidem optimè indagare Alcidas suam
maximum futurum seni officium, verum
cum tot jam diebus nihil de illâ rescî-
scere nos Fortuna voluerit, omnia in va-
num laborantes, consultissimum vide-
tur ad illum regredi, ut qui tanto jam
tempore sodalitate nostrâ careat. Post-
quam finem dicendi Polydorus fecit, ob-
stupuerunt omnes ad miraculosa ista in-
fortunia; & Marcelio, postquam lar-
gis lacrymis Alcidas suam desleve-
rat, quam maximâ brevitate Germanis
etiam suorum casuum fabulam recensuit,
quid nimirum ipsi malorum exhaurien-

dum fuerit, ex quo ab illis fuerat avulsus. Diana vero & Ismenia præstitâ audientiâ sermoni Polydori, summoperè studebant iter ad Feliciam resumere; altera quidem, quod certò jam comperisset eo loci Sirenum esse, altera, quod tantas ejusdem Antistitæ laudes audiens, spem conciperet animo, & ipsam sese aliquid, de Sapientiâ ejus, malis suis remedii quæsituram. Hoc studens Diana, quamquam antè placuerat aliquot horas in loco tam commodo atque amœno permanere, recreandi sui, & caloris eximendi gratiâ, mutavit consilium, majoris faciens conspectum Sireni, quam, licet commendatissimam, Luci hilaritatem, frigusque blandissimum; & surgens sessione Berardo & Taurisoni pastoribus dixit: Fruimini pastores, suavissimâ Nemoris hujus delectatione, viridarii que auræ feliciter indulge; nos quidem non patitur isthîc vobiscum diutius morari gravitas caussarum, quæ ad Fanum Dianæ nos evocant: Satis equidem nobis ægre est relinquere tam citò locum tam amabilem, cum contubernio tam optabili vestro, tamen cogimur Fortunam nostram illuc sequi. Tam igitur crudelis eris, ô Nymfa, Tauriso,

excla-

exclamavit, ut tam repentè te oculis nostris eripias, tamque prorsus brevi spatio nos alloquiis tuis frui permittas? Tum Marcelio ad Dianam vertens; Formosissima, inquit, Nymfa, bona ratione nituntur hæ pastorum querellæ, Aequitasque ipsa poscit, ut aliquid etiam insuper eorum petitioni concedas. Fides enim ipsorum constans, & verus Amor meretur, ut illis ad tempus etiam porrò aliquod conversationem tuam non inideas, in isto præcipuè tam admirandæ amcenitatis loco; cumque suprâ hæc omnia supersit etiam tibi plurimum diei Templum illud petatum veniendi, priusquam Sol eum in noctem ducat. Omnibus eadem cum Marcelionis sententia fuit; quibus, ita consentientibus, ultrâ refragari etiam Diana noluit, quin, quo prius confederat, locum rediens, tam honorabili societati maximè complacere studeret. Ismenia tum ad Taurisonem & Eerrardum; Pastores ait, eximii, quoniam Diana non negat vobis præsentiam porro suâ, nulla vos Ratione nobis cantiones vestras poteritis: Ordimini igitur egregium aliquod melos, ô Cupidinis officiis destinati Pastores, qualibus clarè vos dexterrimos

antè probastis, junctis veri vivique Amoris indicis, ad eò ut alterius gratiâ omnibus sitis quam commendatissimi, altero autem corda audientium in commiserationem ducatis omnium. Omnium, respondit Berardus, præter unius Dianæ; plorare simul incipiens, ut Diana subridere. Quod cum Amator opilio animadvertisset, ad sonum sambucæ suæ, lacrymis lumina oppletus, cantum exorsus est, eam cantilenam exponens, aliâ suâ, quæ illo modo concipitur.

C A N T I O.

*He juges lacrymæ in saxo signa apta relinquunt,
At nequeunt vestro in corde, dolore meo.*

E X P O S I T I O.

*Nobilitas animi, & morum tua, Gratiæ pollens,
Non nolit nostris se dare servitiis.*

*At quæ tristitiæ mala nil mea conficiunt, quæ
Inclines nostris pectora cordoliis?*

*Quamcunque in misero, constans Amor, omnia
verset*

Viscera, nulla movent tormina duritiem.

Quamlibet has videas contrâ, noctesq, diesq,

Depluere in gremium per faciem, lacrymas.

Fortis in hoc, nostri consumitrix, illa tua est vis,

Cor tamen hoc longè fortius, ista ferens,

Sine

*Sint licet atroci, mala cætera, plena furore,
Suevit atrox tamen hic cedere sæpe furor.*

*At quæ continuâ, pestis, vice, pectora torquet,
Ipso etiam in saxi robore signa facit.*

*Pestis, Amor, blanda est, & deliciosa dolorum,
His mihi tu cunctis unica materia es.*

*Solus Amor miseris torret data viscera flammis,
Mutuo ubi affectu deficiente, furit.*

*Hæc mea mortifica est mihi Pæna, quod in me A-
mor ille est,*

*Vt Naturâ istis insitus in latebris,
Vt benè mi faciat; sed uti mala sola receptem,
In vestro numquam est corde, dolore meo.*

Optimè afficiebat Dianam cantio hæc Be-
rardi; verum ejus omnem scopum in eo esse
ut cor ipsius, quavis petrâ durius, demon-
stret, sentiens; æstimationi suæ succurren-
dum arbitrata est, quare ita locuta est. Sa-
nè, per vitam meam, jucunda res est solita-
riam quampiam nominare duram, & pro
crudeli insequi, Pudicitia, Honestatisque sue
studiosam. Utinã optime Pastorū, nō plus
tristitiæ apud animum meum esset, quā in
corde est duritiæ. Verū, ah dolor, quod For-
tuna mea tã suspicioso marito me mæcipio
addixit, cujus sinistris moribus sæpe cogor
in montibus his campisque parum omni-

no civilem me pastoribus exhibere, ne dormi postea amarè mihi expetat blandius illis collocutam esse : Et super hæc omnia matrimonii nostri vincula, & Ratio me ipsa attinent, etiam solum amare & quærere, vel rusticum istum, & barbarum conjugem meum, licet non nesciam innumera mihi cordolia inventionem ejus de novo parituram. Tum Tauriso, occasione sumtâ de querimoniis Dianæ super infelici suo matrimonio, incepit suam quoque pulsare sambucam, cantando simul alloqui Amorem, & exponendo cantiunculam, sic sonantem.

CANTIO.

Pulcra malè hac nupta est, quantum vidisse recordor,

Nulla hujus formæ se equiparare queat.

*At tu si capiere, Amor, ipse, ut Amator, Amore,
Iure meâ me tu vitâ, ad eò, exspolies.*

EXPOSITIO.

*Stultitia est, Amor Alme, in pulcra sorte Puella
Numine Fortunam plura valere tuo.*

Forma tibi adscripta est; uti ego puto; noxia vestra est

Quod formosa malo est nupta puella viro.

Quippe

*Quippe tibi addicta est forma praestantia, & à te
Sponte sua nolens, corda hominum excruciat.*

*Sic mea Firma Fides, & Poena mala, utrague constans,
Non quia vidi aliquam, pectora victa tenens.*

*Sed quia quam vidi, visarum est praecipua omnium,
Nulla hujus Forma se equiparare potest.*

*Tu tot, Amor, mactas, ut, cum confeceris omnes,
Sperem in te versum velle furore mori.*

*Quam bene de proprio latus videre dolore,
Cum Harebis propriis, perfide, compedibus!*

*Namque ut Ames, nequeas ullum, te praeter, Amare,
Sic tua te tangent vulnere, Amoris opus.*

*Tum duplici poteris homines torquere dolore
Nec tibi cum parces; Sic te ego justum habeam!*

*Quod si tum accusem, responsio prompta feratur,
Ut ratio ipsa tuis militet auspiciis.*

*Cum te ipsum occidas, cum in te tela aspera vertas,
Iure meam tu vitam adeo exspolies.*

Hæc quoque Taurifonis cantilena maximè omnibus grata erat, præcipuè autem Ismenia; Quamlibet enim materies ipsa Carminis in solam Dianam, utpotè male nuptam, directæ videretur; Expositio tamen ejusdem, generatim de Amore conquerens, omnibus erat communis, quæcunque ejus imperio adversi quid paterentur. Quæ de causâ Ismenia, ut quæ dolo-

rum suorum partem Cupidini rescriberet, non solum delectabatur convicia, quibus illum incessebat Tauriso, audiens; Verum & ipsa, ad accentionem Lyrae suae; eiusdem argumenti carmen canere voluit, quod à Montano quondam, dum Amore adhuc eius multa pateretur, compositum, memoriâ tenebat.

Nemo uti te excuset, contra vel dicere possit,

O qui me, ex senso pectore, perdis, Amor:

A Sole Exoriente Maotidis usq. paludes,

Facta tui immanis, Fama, animi excipiet.

Nunc meo ego è portu navim propellere nolo,

Sive Euri sive Austri illam anima ambierint.

Aestibus illa tuis, & tempestatibus, exlex,

In nullo posthac non sua turbine erit.

Sic cum, te patior, tibi vultum obverto, volentem

Respirare, tuorum ira furorum abicit.

Sic desiderii perit in me vis; tua pestis

Vim mihi dat vita, meq. simul perimit.

Sic neq. portum unquam teneam, nec habere vo-
lam ullum.

Sed mea mi incident tempora, longa Mala.

Non diu moratus respondere huic, Marcello, aliud carmen proposuit, eiusdem sententiae, eodem modo compositum, uno demto, quod, quas querelas iste dabat, non

in solum Amorem directæ esse noscebantur, sed in Fortunam quoque simul, atque ipsum canentem.

Surdam ego mortis opem sensim sequor, idque per altum,

Per campos, montesq;, & nemora, & silvas.

Sic mihi se vitæ clausit via protenus omnis,

Non uno ut possim certus abire gradu.

Cum mea continua ista animus mala cogitat in se.

Vt respirandi copia cuncta fugit:

Cor mihi, acuta novacula, atroci volnere percit,

Vt metuans vitæ deliquium, atq; animæ.

Diva rotans jugi circum se circite contrâ,

Contra Amor, atque Egomet, me, gravia Arma, fero.

Illa suam nescit rotam in ullo sistere agone,

Quin me, more suo perpete, circumagat.

Ipsæ ego, & Acer Amor sic iungimus aspera davis,

Vt neq; iam tempus his quoq; sit lacrymis.

Desiderium, quo, Diana, tenebatur proficiscendi ad Feliciæ domicilium, non patiebatur eam diutius hoc loco commorari, ut & aliorum alia carmina auscultasset, igitur finem faciente canendi Marcelione, surrexit Idem fecere Ismenia, Clenarda, & Marcelio, cū viderent id iā conclusum Dianæ esse, quamquam nō ignorarent nō non-

gè abesse quo contenderent, superesse verò etiam plurimum temporis, ut eo ante noctis superventum appellerent. Relictis itaq; Taurisone & Berardo, de Fonte Bello processerunt, eâdem semitâ, qua ad illum grassati fuerant, iter carpendo per medium saltum, ut ejus deliciis & amœnissimo spectaculo fruerentur prolixius; Hinc egressi, planitiem quampiam institerunt, amplam, lateque patentem, jucundam admodum prospectu: Hîc incidit expendere quo potissimum pacto animis suis novam hilaritatem darent, ut quod restabat itineris, quam maximâ possent, suavitate condirent: quisque consilium suum, quid factu optimum ipsi videretur, in medium proferbat. Marcelio vero, qui numquam non occupatam mentem imagine Alcidaë suæ habebat, nullâ æquè re afficiebatur, quam cōtemplatione gestuum, & auditione sermonum Polydori & Clenardæ; & ut illo suô gaudiô pro arbitrato frui posset, dixit: Non possum persuadere mihi, Nymfæ, omnia ista vestra oblectamenta comparari posse cum isto solo, quod capere poteritis, si Clenarda vobis voluerit recitare quid boni illa in actis campisque Guadalaviri flumi.

fluminis istius compererit. Ego semel illac transire me memini, cum peregrinarer etiam, verum non datum est mihi lubitu meo frui deliciis ejus regionis, quoniam corde meo omnis procul delectatio aberat. Verum nunc, quoniam & duæ nobis horæ conficiendi itineris supersunt, ipsum autem spatium vix dimidiam totam requirit, eamus, si placet, pedetentim, ut illa nos participet nonnullis, terræ illius amœnissimæ, fabulis, quarum utique plurimas novit. Diana & Ismenia, gestu fatebantur, quam optimè se huic proposito assentiri, velleque narrantem studiosè audire: & Diana, quamquam miserè cuperet maturius ad Templum adesse, ne extremæ suæ cupidinis indicium indecentius faceret, reliquorum voluntati accedere cogeatur. Clenardatum, rogata à Marcelione, paulatim procedendo, hoc modo sermocinari exorsa est. Quamquam infantia lingue meæ, & rusticitas, minimè comiti sermonis, multum detrituræ de rei propositæ dignitate videantur, dicere tamen vobis aliquid de Amœnitatibus & deliciis Valentino- rum cultorum volo, ut potius eò modò auribus vestris injuria sim, quam voto volun-

ratiq̃ue contraveniam. Non iam per p̃artes
decora, & fertilitatem uberis soli, com-
mendare infistā, non amœnitates semper-
florientium cāporum, pulcritudinem, cel-
sissimorum mōtium, Umbras viridium fil-
varum, hilaritatem limpidissimorum fon-
tium, Modulationes adcinentium avicula-
rum, blandissima frigora adspirātium ven-
torum, divitias pascuorum, & gregum, for-
mositatem populosarum urbium, & villa-
rum, Egregios humanissimosq; mores cul-
torum; miracula sumtuosissimorum tem-
plorum, neq; alias infinitas regionis huius
laudes, quibus par est celeberrimis quibus-
que; hæc enim omnia prolixius omnino tē-
poris spatium, maiorem eloquentiam, &
confidentio rem Panegyristen requirunt.
Verūm, ut de nobilissimā parte horū præ-
coniorū aliquid cognoscatis, recitabo vo-
bis carmen prolixum quod Regem fluvio-
rum per hos campos, Turiam, canere ali-
quando audiui. Accessimus quondam iun-
ctim, ego & Polydorus, ripā huius Fluminis,
ut è pastoribus disceremus viam quæ ad
Templum Dianæ, domumq; Felicix duce-
ret, hi enim totā illā regione optimè illam
cognitam habere perhibebantur; hoc insti-
tuto

tuto ad bubsequarum quorundam tuguria venimus, quos suavissimè tum canentes offendimus. Rogavimus hos quod volebamus, qui, prolixâ humanitate, quicquid ejus ipsis erat perspectum, nos edocebant; addentes, quoniam tam opportuno tēpore fortuna nos isthuc advexisset, non gravaremur, neq; omitteremus, participes nos facere audiendo, egregii carminis, quod celeberrimus Patriorum fluviorum Turia, cis dimidiam horam, non longè isthinc, cantaturus esset. Assensi sumus adesse tã celebri festivitati, & nos ad iter cū illis accinximus. Paullum comitatu isto processeramus, adverso flumine gradientes, cū in spaciosum campum ventum est, cujus planitiem occupaverant densi Nymfarum indigenarū chori, Pastores, puellæq; pastoritiæ, omnes attentis animis celeberrimi fluminis cātum præstolantes. Non diu post vidimus ipsum senem Turiam, profundissimâ quadã speluncâ progredientem, manu altera Urnam suam amplexum, grãdem prorsus, & faberrimè elaboratã, Caput frōdibus quercinis & laureis coronatū, brachia villosū, barbis limo horrētibus, & incanis. Mox vicino cespice cōfidens, acclinis immensã copiã niti-

diffimarum aquarum profundenti Urnæ suæ, vocem raucam, & coactam, levans, hoc modo cantare exorsus est.


El fingiente canto , para ser hecho à las alabanzas de Varones muy señalados del Reyno de Valencia, cuyos nombres, y virtuosas ationes no son conosciadas en otras tierras, no es traducido para mi en Latin, como los otros hasta aesse, tratantes cosas de Amores pastoriles, y plazerres de Nymfas enamoradas, donde las ficiones tocan à todos los hombres sujetos al poder del valoroso Cupido, y su madre la mas renombrada Diosa de los Poetas.


Hoc erat carmen Celeberrimi Turix, cui audiendo maximâ attentione adfuerunt Pastores, & Nymfæ, tam dulcedine atque suauitate illius perceptæ, quam propter laudes eximiorum virorum, quos terrę patriæ Numinis vaticiniū promittebat. Plurimas alias res enarrare vobis possim, quæ per spatia felicissimorum illorum camporum vidi atque audiui, verum excludit jam narraturam, molestia, quam hucusque de prolixo meo sermone cepistis. Multum mirabantur, Marcelio, & puellæ Comites, omnia quæ ex Clenardâ audiverant, & cum finitô sermone viderunt se jam propinquos

pinquos Templo Dianæ, jamque agnoscere præcelsa ejus fastigia incipiebant, quæ super cacumina arborum undique circumsitæ, prospectabant: Verum, antequam prorsus Palatium amplissimum accederent, inciderunt in Nympham quampiam, de prato proximo legendis floribus occupatam; cujus nomen & quæ conspectum ejus infecuta sunt, sequens vobis libellus manifestabit.

FINIS LIBRI TERTII.

N





C. B A R T H I
N E M O R A L I U M
L I B E R Q V A R T V S.

MAXIMÆ sunt, creberrimæque audiuntur, querele, quibus Fortunę impotentiã pleriq; mortaliū incesunt: Nō forent autē, dubio procul, vel tã frequentes, vel tã asperæ etiã, si iidē perpenderent insignem uberemq; egregiorum bonorū proventū, quæ de eiusdē mutabilitate, atq; inconstantiã, ad ipsos redire solent. Qui infelici rerum statu cum ærumnis conflictatur, cupitq; exinde mutare Fortunam mœrorem suum, nullâ ratione ejus increpare & convitiari mutabilitatem poterit, cum aliquis contrarius eidem casus acciderit. Verum cum naturâ suâ Ea sit tam in bono felicique, quam adverso maloq; rerum usu, instabilis, prudentiã pectus muniti hominis erit, nō dare

animum suum dulcedini Voluptatis à Prosperitate oriundæ, neque desperationem sequi cum malorum aliquid tolerandum incubuerit; Contrà vero per omnia atque nullibi non, prudentiâ tali vitæ suæ ordinem moderari, ut præterfluere sinat Delectationes Felici fortis favori debitas, instar rerum prorsus loco manere nesciarum; Dolores autem ex adversitatibus provenientes, pro iis æstimet qui quandoque finem sint habituri. Hoc genus hominum diffiteri nolim peculiari Deo curæ esse; qualis erat noster afflictus & tristitiæ subditus Marcelio, quem mediis ærumnis suis eripuit, interventu, Sapientissimæ mulierum, Feliciæ; quæ cum apud animum suum præsensisset, Marcelionem, Dianam, cæterosque domum suam venturos, jussèrat formosam illam Nymfam in pratum, habitationi suæ proximum, progredi, ut illis certam rerum noticiam daret, ipsæque istæ expediri commodius eum in eventum posset, quem illa per Sapientiam suam omnium maximè negotiis universis conducibilem futurum præceperat. Igitur cum Marcelio & cæteri ad locum ubi Nymfa constiterat, venissent, salutem ipsi impertiti sunt

ti sunt cum maximâ, quâ poterant, comitate; quam illa, non dissimilibus Gratiis acceptam, ipsis remetita est. Hinc rogare institit, unde iter haberent, qui ad Dianæ Templum sese proficisci, responderunt. Tum Aretea, hoc enim vocabulum Nymfæ erat, illis dixit: Ut habitu ipso atque indole vestrâ commonstratis, magnarum vos virtutum esse, non poterit omittere Felicia, cujus ego Nymfa sum, vestro contubernio, & sodalitate animum suum exilarare. Et, quoniam jam dum Sol in Occasum proclivis est, ego vobiscum illuc revertar, ubi recipiemini cum, quam fieri poterit, maximâ festivitate. Multis illi puellæ gratiis, ob tam amicabilem invitationem, redditis, comitatu suo eam adsciscientes, junctim iter versus fanum perrexerunt.

Maximam bonam spem de sermone hujus Nymfæ omnes conceperunt, Polydorus vero & Clenarda, qui aliàs jam in domicilio Feliciæ fuerant, non meminerant eam inibi vidisse, neque prorsus agnoscebant. Hocq; propter copiam talium puellarum, quas Sapiens Antistita, semper ministeriis suis pręmtas, habebat, præfectas

singulas singulis operibus , & loco non eodem habitantes. Hac propter nomen illam suum interrogarunt, quod Areteam esse volens confessa est. Tum Diana quid novarum rerum illuc audiretur percontari; respondit Puella, Quod maximè recens eâ regione accidisset, esse, ante duas horas Antistitæ domum appulisse Virginem quandam Nobilem, habitu pastorali, quam ibidem cum senex quidam conspiciatus fuisset, agnoverit pro filiâ suâ, quæ multo jam tempore pro perditâ ubique regionum æstimata fuerit. Cujus quidem inventionis tanta lætitia fuerit, ut domum universam perfuderit exultatione. Nomen Senis, inquit, si satis, memini, Eugerius est, puella, ejus libera, Alcida perhibetur. Quanto hæc narratio Marcellionem gaudio perfuderit, cui libet prudenti rerum expendendū relinquo: Exclamabat fanè in hæc verba. O fortunatos labores qui tam optabili fine coronantur. Ah ah; & cum pergere plura vellet, cor illi velut constrictum defecit, lingua velut confixa obmutuit, totoq; corpore repente in solum procidit, animum delinquens. Diana, Ysmenia & Clenarda ad jacentem confidentes

dentes nihil reliqui fecerunt ut verbis &
 factis sibi eum restituerent: nec sanè mul-
 tum moratus, recuperatis viribus, sese ere-
 xit. Non parum etiam Polydorum & Cle-
 nardam tam felix nuncius hilariores fe-
 cit, videntes tandem ærumpnis suis finem
 impositurum adventum Alcidaë foro-
 ris germanæ; Diana pariter & Ysme-
 nia multum novi gaudii exinde quoque
 susceperunt, tam quod sodales ipsarum
 Votis suis potiti forent, quam quod spera-
 rent, ope Antistitæ Sapientissimæ, suis et-
 iam curis remedia obventura; quæ quidem
 solens talia patraret miracula. Diana,
 ut de Sireno suo aliquid etiam audiret,
 Nympham hoc pacto alloqui voluit. Formo-
 sissima puella, magnâ me lætitiâ affe-
 cisti, impertiens narratione rerum tam
 optabilem, quales in palatio Dominæ
 tuæ Feliciæ modo contigisse audi-
 mus, ut nimirum Alcida eò advenerit;
 Verum majore etiam voluptate me af-
 fices, si nomina illustriorum pastorum, qui
 in ibidem modo degunt, recensere nō gra-
 vaberis. Respōdit Aretea. Multos eg-
 egios illîc pastores invenies; quorum autē inter
 insigniores nunc vocabula occurrant, sunt,

Silvanus & Silvagia, Arsileus & Belisa; Et unus inter omnes maximè conspicuus, quem Sirenum vocant, cujus Virtutes maximâ apud Feliciam existimatione sunt. Verum ille idem, tam inimico animo erga Amoris omnia est negotia, ut omnes mirificè, qui quidem ibi sunt, ea res miros habeat: Pari animo est & recens agnita Alcida, ita quidem, ut ex quo ista illuc venit, per hoc non cessaverit junctim incedere, & de nullis aliis rebus colloqui, quam de Oblivione, & quæ alia Amori sunt adversa. Neque ego aliter æstimare possum, quam eâ solâ gratiâ Dominam meam hos duos domum suam adscivisse, quam ut matrimonio jungeret, quoniam ambo ejusdem sunt sententiæ, animisque tã paribus. Neque obstiterit illum pastorem esse, puellam autem illustrem genere, cum Feliciæ parum laboris fuerit, addere viro tantum pretii ab opulentiâ & Sipientiâ, quæ vera nobilitas est, ut nequaquam illâ indignus iudicari valeat. Hunc sermonem prosequens Aretea, & ad Marcelionem se verrens; Huius ergo, ô pastor, inquit, quoniam vides Votum tuum in eo esse ut in alterius potestatem veniat, optimè feceris, si

nec

nec unô te porrò hîc momento detinueris; nam si tempori adveneris, poterit ut Sireno isti felicitatem iam præparatam, præripias. Diana, his auditis, maximo cordolio affecta est, quod equidem verbis & lamentis expressisset, si pudore non prohibita, & honestatis respectu, fuisset. Eundem dolorem eadem de causâ sensit Marcelio, & tantâ quidem atrocitate, ut animam iam iam acturus sibi videretur: Hoc pacto idem velut mucro corda Marcelionis & Dianæ uno ictu transigebat; amborumque animæ eodem vulnere percellebantur: Ille matrimonium Alcidæ cum Sireno metuebat; hæc Sirenum iungi Alcidæ. Nymfa ipsa speciosissima optimè norat & Marcelionem & Dianam, cum cæteris omnibus, verum, ut sapientissimum Feliciæ consilium fuerat, simulabat alia omnia, & hanc illis fabulam deditâ operâ ludebat; veritatem in eo recensens ut Marcelio ex inopinato cor lætitiâ perfunderet, figmentum altero proponens, ut eò magis accenderet desideria eiusdem, & Dianæ: uti nimirum prægustatâ hac amaritie, dulciora illis venirent gaudia mox secutura. Appulerant iam in planitiem latam & amœnissimam,

quæ proxima portæ palatii erat, cum viderunt obviam prodeuntem matronam venerabili figurâ, stolam ex holoserico mero amictam, incinctam longissimis & candidissimis velamentis lineis, comitatam tribus, longè formosissimis, puellis; qualem Sibyllam illam gravitatis venerandæ Poetæ crediderunt. Hæc ipsa erat, illa Sapiens, Felicia, quæ illam stipabant Nymfæ, Dorida, Cynthia, & Polydora. Aretea propior Dominæ suæ facta, postquam socias itineris hanc esse Antistitam, edocuiisset, flexis poplitibus illi accubuit, & manusejus exosculari est; quæ ipsam, infecuti, fecerunt & reliqua gestibus monstrabat pergratum habere adventum omnium, manuq; gubernante jucundissimam vocem, Generosi, inquit, juvenes, vosque Puella nobilissima, & egregiæ Nymfæ, quamquam ingens est voluptas quam de adventu vestro capio, nō erit, puto, minor quam de conspectu nostro vos recipietis. Verum quoniam fatigati itineris mihi molestiis adesse videmini, ite nunc refocillatum amissas vires, oblivisci mini intereà tormentorum vestrorū; quippe prius non poterit vobis desieri domi
mæ,

meæ, alterum autem ut potiamini, sapien-
tiæ nostræ potentia prospexerit. Nihil non
gratiarum tam voce quam gestibus Anti-
stite egerunt omnes, post, ut iussierant,
secesserunt. Polydorum & Clenardam
istic manere volebat Felicia, dictitans
esse sibi quod cum iis loqueretur. Cæ-
teri, iterducâ Areteâ, in splendidissimi pa-
latii destinata loca hospitatum abducti
sunt: Illic singuli omnibus necessariis ad
refectionem egregiè illam noctem cura-
bantur. Domus ipsa tam magnifica &
sumtuose constructa erat, tot Opulen-
tissimis ornamentis expolita, tot amplis
hortorum cultis exornata, ut nihil sit quod
decorum ejus vel partem exæquare pos-
sit. Non jam in eo sum ut seriem narra-
tionis morer exigendis & enarrandis o-
mnibus ejus divitiis, atq; ornamentis, quo-
niam alibi prolixè omnia executus sum.
Hoc saltim recensebo; Marcelio, Dia-
na, & Ismenia, ducti sunt in diversa duo
Palatii conclavia, auro textis tapetibus
sericoque elaboratis, splendida, qualium
lautitiarum usus sanè infrequens pasto-
rum obveniat simplicitati. Cena ipsis inibi
ferculis plurimis, & delicatissimis, opipara

præbita est; præministratum vasis aureis, & crySTALLINIS; Cum dormiendi hora venisset, talibus lectis illocati sunt, ut corpora, quamvis fatigata admodum doloribus animorum, & itineris molestiis, advenissent, facilè tamen tam mollibus & curiosè constructis plumarum fulcris, reficerentur; accedente præcipuè spe remediorum, quæ Poënis amantium Felicia promiserat, ut ita dulci & tranquillo somno benè se composuerint. Alterâ parte Felicia, stipata tribus suis puellis, Polydoro etiam, & Clenarda, quibus omnibus injunxerat ne quicquam de præsentia Marcelionis, Dianæ, & Ismeniae, edicerent, in amœnissimum se hortum contulit, ubi conspicati sunt Eugerium cum filiâ suâ Alcidâ, porticu proximâ spatiantem. Felix & Felisimena, Sirenus, Silvanus, & Silvagia, Arsileus & Belisa cum alio quopiam pastore, longius illinc ad oram fontis, juxtâ ebullientis, Confederant. Nondum posuerat habitum pastorem Alcida, quo eâdem die eodem venerat, itaque illico à Germanis suis agnita est. Gaudium quod tres isti, frater & geminæ sorores, ceperunt, junctos se illuc videntes, quodque pater senex se illos-

que

que ibidem salvos recipiens, haufit, lætitia, quâ in mutuos, poſt tantum temporis, amplexus ruerunt, Lacrymæ quas oculis deſiderio diffluentibus, effuderunt, verba, quibus gratulationes mutuas, & hilaritates conteſtati ſunt, rogationes etiam, quibus in alterius res alter inquiſivit, non eſt ut verbis ullis edici valeant. Magnâ lætitiæ ambitione Alcida germanos ſuos excepit, maiore tamen Polydorum, quam Clenardam, ſcilicet ſuſpectam etiamnum iſtam habens amati Marcelionis, cum quo abierat, ipſâ in inſulâ ſolâ relictâ, uti ſuprà vobis enarratum eſt: Felicia verò ei eximere iſtū errorem ſtudens, & tantis infortuniis finem tandem imponere fatagens, ita prolocuta eſt. Formoſiſſima Alcida, quantumlibet fortuna triſtibus te, & dolorificis, ærumnis diſtulerit, inimico odio uſquequaque pertinaciter perſequens, non negabiſtamen, opinor, hac præſentium rerum exultatione vindicatam te ab omnibus adverſi numinis iniuriis. Et quoniam error ille, quo hætenus percepta fuiſti, Marcelionem tuum, abſque merito ipſius ullo, abhorrendo, & fugiendo, ſatis validus fuit ad pectus tuum lancinandum, pluri-

num tibi erga illum odii inspirans ; opus nunc erit , ut omnis suspicio corde tuo egeratur. Quod de Marcelionis animo in te suspicaris , contrarium planè illi est, quod is de te sentit ; quod enim in insulâ illâ solâ relicta fueris , ille extrâ culpam est ; ista vero tota proditoris scelerati unius , & adversantis Fortunæ est. Hæc nunc, ut satisfaceret damnis tibi datis, te huc domum meam induxit, in cuius ore confidere potes nihil te omnino falsitatis inventuram. Omnes hujus universæ rei circumstantias largè tibi enarrabit Clenarda ; audi eius dicta, verbis ipsius crede, quippe per me ipsam tibi iuro, omnia quæ horum casuum tibi recensitura est, verissima & certissima esse. Ingressa ita tum est Clenarda recensere per singula, quicquid acciderat, eximens culpâ Marcelionem, atq; sese ipsam, recitans perfidiam Bartofani, cum ceteris, quæ audita sunt hactenus. Quibus quidem ordine auditis, Alcida, prorsus animo suo odium simul Marcelionis, cū errore suo expulit, maximè sibi satisfactum per omnia putans. Hinc Amor dudum apud eam sepultus, tam commendatione & auctoritate Feliciæ, quā pristinæ dece-

deceptionis amolitione, recipere amissas vires exorsus est, & velut somno excitatus, aut cinere evolutus, redire in lucem & reviviscere, animæ penetralia occupans. Igitur ita Feliciam allocuta est. Sapientissima Domina, optimè agnosco errorem meum, & insigne tuum in me beneficium, quæ eo me exuere voluisti, verum si ego iam libera deceptionis meæ, Marcelionem iam amare cupiam, erit certè tamen imperfectum gaudium meum, & non plena hilaritas, qualem de manu tuâ expectaverim, illo absente, uti nunc est; sed huius vicem tam enormibus denuò pœnis desiderium præsentia me eius percipiet, ut remediandis doloribus meis, novā omnino abs te gratiam poscere cogar. Respondit Felicia. Optimum Amoris indicium est, metū habere animo absentia; verū hæc nō multum tibi molestia confecerit, quoniam ego in me recepi curam salutis tuæ. Sol iam dum nocti concessit, hora iam poscit nocturna in soporem; abscede tu nunc cum patre & Germanis tuis cubitum, quod restat mane crastino à nobis disputabitur. Cum dicto hoc facessit ipsa horto, eāq; sequuntur Eugerius cum liberis suis, qui

que eum Palatii locum concedens, quem Felicia singulis assignaverat, qui quidem omnes separatiis erant, quibus Marcelionem cum comitatu suo eadem Antistita destinaverat. Remanserunt aliquantisper ad fontem Felix, & Felismena, cum cæteris pastoribus, post cenatum abierunt & isti, conspicientes reventuros eodem sequenti die, & quidem horâ unâ ante exortum Solis, ut frigidiusculam primæ diei auram carperent. Verum uti spes futuræ Voluptatis ipsos fecit noctē transigere nō sine sollicitudine, omnes benè manè cubilibus sese levarunt, ita ut etiam antè condictam horam convenirent ad fontem, quisque Musicis suis instrumentis instructi. Non defuit Eugerii senectus cum liberis suis, quin eodem & illi summō diei diluculō adessent. Cæperunt itaque Musicis suis instrumentis insonare, cantare ad fidium sonum, & nihil non movere, unde hilaritas provocaretur, ad imminētis Lunæ lumen, quæ pleno tum orbe amœnitatem horti inspiciebat; ut non multum de morâ diei queri haberent. Marcelio, Diana, & Ismenia, duobus diversis cubiculis pernoctabāt, ita tamen ut latus transversum alterius, alterius

terius tegeret longitudinem; utriusque fenestris in horti planiciem despicientibus. Per has quamquam fontem ipsum conspicer non poterant, propter densum & procerum Platanona, qui medio loco florebat, audire tamen voces colloquentium in ibidem non prohibebantur. Ismenia igitur cum prima tumultuationes advenientiũ, & canentium susurros percepisset, excitavit Dianam. Hæc suscitata non cessavit pugno pariedem percutere, intermedium duobus dictis conclavibus, uti excitaret & Marcelionem; ita omnes sese fenestris applicuerunt, à nemine visu audituve percipiendi. Marcelio summâ attentione auscultabat, si quâ forte fortuna Alcidaẽ vocem agnosceret. Dianæ par cura erat, notare Sireni cantum cupienti. Sola Ismenia spem nullam habebat audiendi Montani sui, quem illo eodem loco esse prorsus ignorabat. Nil minus tamen hæc optimam fortunam experta est; eõ quippe momentõ pastor quidam hunc in modum ad sonum fistulæ suæ canere incipiebat.

*Aurora pulcra, purpurâ Ambrosiâ rubens,
Noctem in venustam dissipat,*

*Tenebras profundas clara confutat dies,
 In prata Nympha prodeunt,
 Aer venustis exsonabit cantibus,
 Avium canore percitus.*

†
*Felicitate me suâ vincunt aves,
 Primum salutantes diem.
 Hilari Camanâ; me pari tristem modo
 Aurora, ceu nox, invenit.
 Dies serena est, floridi campi; mihi
 Cor triste, mens hilaris parum.*

†
*Superata nostra est anima tam mœstâ nece,
 Vt nec canens avium Chorus
 Nec prata, nec juga, ad resurgentem diem
 Rubore picta lucido,
 Noctem meis fugare de Curis queant,
 Nec triste de linguâ melos!*

†
*Amissa numquam me revisura est dies!
 Nec triste vox nihil dabit.
 Perpetua nox mi, quamlibet content aves,
 Incumbit; ut maturius
 Aurora pratis purpuram induat novam,
 Nil inde ego fruâr boni!*

†
*O tristis hortus, pratum iô mœstissimum,
 Cum nequeat hæc voces meas*

Audi

*Andire, forma cujus Auroram premit,
Vincitq; Apollinem nitor.*

*Aves canora, ne mihi molestia
Sitis, sine hâc nox est dies.*

+
*Nocte in quietâ, cum per urbes, per juga,
Vallesque, ruraq; undique*

*Homines, avesq; conticescunt, carmini
Indulgeo ego tristi magis.*

*Noctem diemque, mane cum meridie,
Iungens perenne questibus.*

+
Sola una noctem vincat hanc tristem meam

Aurora, quæ si prato in hoc lucisceret

*Facile approbaret carmina avium mi o-
mnium.*

Confestim Ismenia, quæ per cubiculi fe-
nestellâ auscultabat, cognoscebat vocem
hanc esse canentis mariti sui, Montani,
itaque tantâ animum hilaritate percul-
sa est quantâ ex alterâ parte dolentiâ, in-
telligens materiem cantionis. Aliame-
nim ab se eam esse quam amaret tan-
toperè Montanus, suspicabatur; non
diu tamen erravit hunc errorem, audi-
vit enim statim, finitâ cantione, pasto-
rem cum claro suspirio in hæc verba e-
rumpere. Ah cor mille doloribus fatiga-

rum, quam malè tibi usu venit credere suspicioni incertæ, & quam meritò pateris hæc infortunia, quorum propria tua tibi levitas caussatrix est ! Ah desideratissima Ismenia mea, quantoperè melius mecum ageretur si summus in me Amor tuus, te non cogeret per tanta terrarum spacia quærere me, ut agnito errore meo, domum ego rediens, in patrio te pago offensurum sperare possem. Ah decepatrix falsissima Silveria, quam pessimo facinore fidem erga te ei rependisti, quia primâ tibi pueritiâ tantum beneficiorum contulit ! Verum ego volenti tibi animo deceptionem hanc me ignoscam, & insuper veritatis mihi narratæ ergò insigni te aliquo munere afficiam, si prius possim ad me laremque meum redire, quam uti adventus meus causa mihi sit novorum denuò malorum. Audiens hæc Ismenia maximè fortunatam sese autumare cœpit, tantâque animi hilaritate excitavit, ut majorem imaginando consequi non potuerit. Lacrymæ ipsi largis imbribus per vultum procurrebant gaudio, atque, instar ejus quæ propinquum jam ærumnarum suarum finem cerneret, ita secum locuta est. Mecastor ap-

pulit

pulit jam demum tempus felicitati meæ
destinatum, bonâ fide domus hæc non a-
lio fine constructa est, quam ut quicunque
malè fortunati fuerint, in ejus gremio re-
media omnium pœnarum inveniant.

Marcelio & Diana, his intellectis, con-
gaudere maximoperè Ismenia cæperunt,
spem suarum etiam felicitatum animo præ-
cipientes. Volebat omni ope Ismenia pro-
filire de cubiculo suo, & illico in hortum
descendere; quam dum retinere Marcelio
& Diana student, suadentes, expectandam
eo negotio voluntatem esse Antistitæ, au-
diverunt sonum novi cantus, ad marginem
fontis, quo cōfestim Diana Sirenum agno-
vit. Ismenia & cæteri tum silentio se tenuerunt,
ut ne turbarent intentionem aman-
tis, desiderati sui vocem attendentis. In
hæc autem verba canere auditus est.

*Favore mactus almo,
Amator, esto latus,
Ego, liber omni ab astu,
Oblivione cernens
Tormenta prisca vinci.
Sic, post graveis dolores,
Amasia favores
Tam serò, & arctè habemus,*

*Vt major hisce numquam
Sit indigere merces.*

*Oculi mei, Diana
Rescribite omne latum,
Vitam dat illa vobis,
Dum dura, dum severa est,
Vos liberos faciat.*

*Quod si ter illa tantum
Sit pulcra, sit cupita,
Amet ter amplius me,
Amata non beet me,
Contemta, quantum, amari.*

*Videam, Diana, ego in te
Sine spe gravem dolorem.
Sic vulkeret Cupido,
Vt ultionem ego à te
Qualem merere, carpam.*

*Tam durus esse malim
Ad hos tuos dolores,
Extent a si ad pedes me
Vitam roges, rogatam
Tibi abnuam, Diana.*

*Dii dent, superba, queras
Me tu, fugam ipse carpam:
Dicas: vide tuam me.
Respondeam ipse, nolo:*

Abi hinc procul proterva.

*Dicas, pati malum te,
Meque esse jam superbum.*

*Quid hoc nova rei sit?
Respondeam ipse, abibo:
Plorans mane, Diana.*

*Si credere abnues hac,
Firmabo ego, atque plura.
Periit tui Cupido,
Tantum te amasse numquam
Odisse, juro, quam nunc.*

*Benè hostem eum tibi esse,
Qui tam te amavit amens,
Vt passus illa sit, quæ
Tum passus esse novit.
Pedicas modo exit illas.*

*Casus Amoris omnes
Tam sorte sunt sinistra,
Vt sit mage expetendum
Sibi liberum esse quam tam
Vanos sequi favoreis:*

*O si, Diana, noffes
Hæc, & palam videres,
Quæ mens mea intus infert!
Melius tibi ista dicam
Præsenti, ut hîc adesses.*

Sed esse te procul mî

Mage utile atque gratum est.

Nam gaudii bonam te

Visâ, ultionis atque

Partem dolente, perdam.

Ne cernam ego uspiam te,

Nam visceri hic meo sit

Dolor magis cruentus,

Videre te abnuentem,

Quam cum mea esse nolles.

Accidit hîc Dianæ quod iis solet, qui propria sua infortunia indagant, namque perceptis sententiâ & objurgatione Seireni, tanto dolore animum est perculsa, ut verba mihi desint quibus ejus vehementiam proponam; potius sanè est ut ejus æstimationem judicio considerati lectoris relinquam. Sufficiat scire, vitæ, illam, suæ incertam effectam, opus habuisse consolationibus & confortationibus præsentium, Marcelionis & Ismenix; quibus sanè non deerant verba, tam atroci malo rationibus leniendo; quarum una fuit ad animum ipsi revocare non tam astrictam esse Feliciæ sapientiam, cujus domi nunc forent, quin etiam majoribus ea infortuniis congruentia remedia sufficere valeret. Ut quidem exemplo jam Ismenix præseni clarum factum

Etum sit, quæ à Montano pariter fuerat
 spreta. Quo quidem modo Diana pro re
 nata sese consolata est. Dum hæc isti invi-
 cem sermocinantur, iam clariorem diem
 aureis auroræ radiis invehentibus, intra-
 vit idem conclave, Arethæa, Nympha, vul-
 tuque hilaritatis indice, ita eos allocuta
 est. Strenui Equites, Nymfæque formosæ
 tam fortunatos felicesque dies vivatis, quæ
 virtuti vestræ debentur. Sapiens Felicia
 huc me misit sciscitatum an hac nocte me-
 liori fueritis hilaritate animi, quam adsueta
 estis hætenus. Simul ut veniatis mecum in
 amœnum hortum nostrum, ubi illa præsto-
 latur, habens quæ vobis dictura sit. Verum
 tu, Marcelio, opus erit uti deponas habi-
 tum istum pastorem, hacque te veste in-
 duas, quam, statui tuo convenientem,
 mecum eo fine isthuc attuli. Nō expecta-
 bat Ismenia uti Marcelio responderet, ita
 bono nuntio animum commovebatur; &
 ipsa; Felices lætique, inquit, dies illi, for-
 tunata virginum, quos nobis tuô istô gra-
 tiosô adventu attulisti, à Deo tibi paribus
 remunerentur, quoniam nostræ opis non
 est, meritis tuis pares reddere gratias. Hi-
 laritatem animorum, quam de nobis scire

desideras, scias non levem esse vel solo eo quod in hâc nunc domo versari nobis contingit; potio-rem tamen eô quod hoc ipso mane ego tam fortunata fui, ut vitam receperim, Marcelio autem & Diana spem paris felicitatis. Verum, ut voluntati tam sapientis Dominæ tuæ penitus à nobis obsecundetur, ibimus festim quo jussi sumus; de reliquo Felicia ut lubet de nobis consulat. Tulit tum Arethea vestem de manibus comitis suæ, alterius Nymfæ, quam Marcelio induere debebat, suisque manibus illum vestire adjuvit: Ipsæ autem tunicæ tam pretiosæ tam auro gemmisque exornatæ erant, ut æstimatio earum difficilis initu fuerit. Ita conclavi illo processere, stipantes junctim præcedentem Aretheam, & foribus Palatii in hortum destinatum transierunt. Erat viridarium hoc cinctum, ab una parte, circumfluente leniter perspicuo quopiam fluviolo, alteram sumtuosæ Palatii constructiones muniebant: Reliqua duo latera pariete lateritio clausa erant, undique sepibus fruticum, visu jucundissimorum, obvestito, tali amœnitate uti hic locus ei

ob

ob oculos ponendæ minimè suffecerit. Hucutintrarunt, Silvanum & Silvagiam offenderunt ab reliquis pastoribus segregatos; quibus destinata erat peculiaris quædam prati particula, non longe ab vestibulo Horti. Hic Arethea, relictis illis, mandavit, præstolarentur adventum Feliciæ, sese in mādatis habere caussata, reverti; & quid effecisset, dominæ renuntiare Silvanus & Silvagia qui istic commorabantur, Dianā illicò agnoverunt, multum mirantes eo illā loco conspiciari: Pariter Ismeniam Silvagia quippe ambæ ejusdem pagi incolæ: Ita maximo sese gaudio exceperunt, amplexibus repetitis hilaritatem mutuam contestantes, post tantum temporis scilicet tam amœno loco convenientes. Silvagia igitur, vultu ad lætitiā composito, dixit: Benè veniat formosissima Diana, cujus odium causam dedit ut Silvanus mihi maritus obtigerit; benè etiam adsit speciosa Ismenia, quæ errore suo tantum dolorum mihi confecit, ut, remedia horum quærens, huc venerim, ubi eosdem felici rerum mearum statu commutavi. Quæ bona Fortuna vos huc junctim duxit? Ea, quam de tuo adspectu capimus, Diana respondit, & quā

de manu Sapientis Feliciæ exspectamus. O fortunata Nymfa, quam gaudeo ego felicitate successuum tuorum ! Deus tibi det plurimos annos prosperum hunc Vitæ ordinem continuare. Marcelio ad hæc verba parum commovebatur, non enim norat Silvanum & Silvagiam : Interea autem dum pastores Nymfæque isti mutuis confabulationibus vacant, visum occupabatur, conspicatus Equitem & Virginem, qui manibus complicatis jucundissimè in porticu hortie ejusdem despatiabātur. Maximoperè delectabatur Virginis adspectu, quam ipsi animus dictabat alibi à sese visam : Itaque ut dubitatione sese evolveret, accedens Silvanum percontari cæpit ; quamquam incivilitatis, inquit, pars fuerit, interturbare jucundam istam vestram conversationem, velim tamen, optime pastorum, ex te certior fieri, qui sint juvenis iste & puella, isthîc deambulantes ? Hi sunt, reddidit Silvanus, Felix & Felismena, conjuges. Cum dicto, Felismenæ nomine audito, turbabatur Marcelio, adjiciens. Dic mihi porro cuius filia hæc est Felismena ? unde patriâ ? Siquidem forte & hæc tibi cognita sunt : Nam de Felice
non

non magnoperè sollicitus sum. Sæpius, respondit Silvanus, ipsam recitantem audire memini, patriam sibi esse Soldinam, civitatem provinciæ Vandalix, Patrem Andronium, matrem Deliam. Vos vero hanc gratiam mihi facite, & vicissim docete me, qui vos sitis, & quâ de causâ tu hoc ex me percontatus fueris? Nomen meum, reddit Marcelio, & cætera de me post omnia sciveris: Verum nunc, cum noris Felicem istum & Felismenam, sodes hoc adde beneficio isti in me tuo, & accede eos rogans dent mihi licentiam alloquendi ipsos; volo enim interrogare eos super negotio quodam, unde magna vis boni resultare possit. Non ingratum hoc mihi, respondit Silvanus; & continuo confert se ubi erant tum Felix & Felismena, & accedens eos, iste, inquit, Eques, quem illîc videtis, orat compellendi vestri ei potestatem faciatis, si quidem citra molestiam vestram fieri poterit; esse enim ait res non minimi pretii, quas vobiscum disceptare cupiat. Ne minimum quidem moræ rogati fecerunt, quin properarent eò, ubi Marcelionem videbant. Consuetis gestuum civilitatibus expeditis, Marcelio, Felismenam adversus, ita orsus

est. Speciosissima Domina, pastorem hunc rogavi modo, si de patriâ tuâ ipsi quicquam compertum foret, & de parentibus tuis, id me ut volens edoceret; recensuit ille non gravatus mihi, quod ex tuâ relatione didicerat, &, quoniâ notus est mihi homo quidam ejusdem civis civitatis, qui (si memoria non labitur) Filius est indidem Equitis cujuspiam, cujus nomen idem est cum eo, quo Patrem tuum nominari indicavit; magnoperè te rogo doceas me, si quis tibi umquam germanus frater fuit, & quod hujusdem fuerit vocabulum, fieri enim potest, ut is sit ille ipse, quem ego novi. Adhæc magno edito gemitu Felismena; ah honorabilissime, Domine, ut mihi animam tuâ istâ rogatione, perculisti! Scias, certò germanum mihi quondam fratrem fuisse, adeò quidem germanum, ut gemini, ego & ille, uno fuerimus partu editi. Cum duodecim annorum ætatem haberet, amandatus est à Patre nostro Andronio in Aulam Regis Lusitaniæ, ubi pluribus ex eo annis vixit. Hæc sunt omnia quæ de eo mihi cognita sunt, & quæ aliquando Silvano & Silvagiæ istis recensui, qui nunc pariter

hic

hîc etiam adsunt, ad fontem scilicet PLatanorum, postquam liberafsem Nymphas ibidem aliquot, silvestribus nonnullis Satoris occisis, in prato Laurorum. Postinde nihil ejus rerum ad nos narratione pervenit, aut famâ, præter hoc solum, quod Tribunus Militum à Rege factus missus est ad latus Africæ: Ego vero, quæ tãto iam tempore omnia mundi loca evagor, infortunata mea infortunia sequens, nescire de cætero cogor vivus is sit an mortuus. Marcelio tum, nullo modo detinere se amplius potis, exclamare: Hactenus quidem mortuus fui, gemina germana mea Felismena, quoniam coactus sum carere conspectu tuo, iam verò revivisco, & victurum me deinceps spero, eidem restitutus; cum dicto strictis amplexibus amabiliter sororem complectitur. Felismena, de gestu agnoscens Germanum, nullo negotio animum suum persuasit, verè hunc eundem esse, quem ipsa, inde ab extremâ pueritiâ, depictum animo suo, circumferebat, itaque facile conclusit, alium ab eo non esse, quem teneret. Maxima sanè exultatio inter germanos & cognatum secuta est, non minima erat etiam hilaritas, quam in-

de sibi adsciverunt, Silvanus, & grex reliquorum Pastorum & virginum, videntes insignem hunc tantæ felicitatis successum. Hîc amoris se verbis exceperunt, hîc lacrymas tristitiæ pristinæ, mutuâ sibi operâ deterferunt, hîc infinitæ interrogationes & responsiones subnatæ sunt, recensentibus mutuo sibi restitutis, quanta infortunia, quibus locis, quanto tempore singuli exantlassent; nihil ad summam undique lætitiæ perfectionem defuit. Insumserant iam his deliciis horam unam, & parum etiam collocti sibi videbantur, præquam immensa copia restabat disceptandi, & materies oriebatur sciscitandi, atque respondendi, cum longissimum foret tempus, quo disjuncti, nihil de altero alter inaudiverant. Itaque, ut eo suavius, & maiori securitate, vacarent pabulis lætitiæ suæ, confessum iverunt in vicinum loco pratum, subter Salices proximas, quarum, intertexti sibi mutuis amplexibus, rami, densiuscula in fecerant umbram, & gratiorem; quoniam n. Solis iam in diem evehenti, crescentem calorem eo in umbramine cavere poterant. Interea dum Marcelio, Felix, Felismena, Silvanus, & puellarum cætera-

rum

rum chorus his erant fermocinationibus occupati, in alterâ parte horti, quâ proximus erat fons, suprâ memoratus, erant simul, uti diximus, Eugerius, Polydorus, Alcida, & Clenarda. Alcida ad eum diem posuerat habitum pastorem, uti præceptum ipsi erat à Feliciâ, induta splendidissimo ornatu, vestibus, & cultu eô quem eadem ipsi subministrarat. Porro, cum ibidem pariter etiam adessent, Sirenus, Montanus, Arsileus, & Belisa, cantantes, & exhilarantes animos suos, plurimum delectationis in iis audiendis capiebant Eugerius, cum liberis suis. Quæque omnium eos maximè afficiebat, erat cantilena, quam mutitabant inter sese Sirenus & Arsileus, alter quidem in laudem, alter vero in vituperium Cupidinis: Quod vero hos accendebat ad electile quid canendum, cristallina erat patera, quam largiturum spondebat Eugerius illi, qui alterum cantando superasset. Itaque Sirenus ad sonum sambucæ suæ, Arsileus autem ad Lyram suam, ita canere sunt exorsi.

SIRENVS.

Qui iam tormentis ab Amore caretis, Ocelli:

Quo vobis mea lux sueta diem eximere est,

Vah quæ latitia hæc, quam mens sua gaudia sensit!

*O cor ab igne vacans; hæc tibi commemoro.
Postquam vos renuit amplecti & Amare, Diana,
Vestri mi placuit regula consilii.
Scilicet in vanum non cernere, non animo ang-*

*gi,
Non torqueri ullò velle, in Amore, modò.*

ARSILEVS.

*Vos majore oculi nobis modo lumine macti,
Postquam solem istum vos datur inspicere.
Mille modis sensus hilares, Cor laticia hospes,
Cor domus egregia splendida iustitia.
Si mea me non jam pro voto, Lesbia, amaret,
Centum, eam ut ipse, meo, causse aderat animo!
Nunc Sors summa mihi est, & felix Gratia fati,
Cernere eam atq; adamare, usq; meum, ad, me,
obitum.*

Jam instituebat Sirenus respondere denuò
Arfileo, cum inhibens eum Eugerius, Pa-
stores, inquit, quoniam præmium vos hujus
certationis de meâ manu manet, non ab-
sentaneum rationi arbitrer, tali vos modò
prosequi cantationes vestras, qualis mihi
maximè videatur acceptus. Cantum igitur
tu, Sirene, exordiare, & quidem totam se-
riem

riem uno protelo proponas, qualem Musæ
 favor tibi adspiraverit; Tu vero totidem
 mox versus, vel & plures, Arsilee, reposue-
 ris, siquidem ita commodum tibi videbi-
 tur. PLacuit idem Antagonistis; itaq; Sire-
 nus hunc in modum incepit.

*Ver novum mentes hilarat videntum,
 Fragrat in flores spatium omne prati,
 Vallis & saltus, silvaque fulgent
 Vere renato.*

*Præda venanti locuples refertur,
 Trux lupus mortem moritur cruentam.
 Crescit in lucrum domini nitens grex,
 Vbere cultu.*

*Rivus excellens liquido amne currit:
 Tu quoque, ô adversa mihi, ô avara,
 Verte, Fors, tandem faciem impotentem in
 Lumina læta.*

*Tuque qui mentes, Amor, inquietas
 Decipis, ne viscera porro nostra,
 Vt soles, adflige; sine in meâ me
 Simplicitate*

*Vivere; in prati spatii quieti,
 In solo silvestri, in amœnitate
 Innocis vitæ, procul à tumultu,
 Insidiisque.*

Hoc agant te, ruricola, haud vetante,

*Ne tuas vires, Amor, in minatis
 Rustice gentis animisque, curisque,
 Experiare.*

*Flamma, de vestris oriunda telis,
 Aureas Aulas cremet, & Gradiui
 Martios urat Proceres superbâ
 Mente potenteis.*

*Nos in apricis nemorum theatris
 Innocens obliuio pascat omnium
 Vna curarum; nec Amor malignus
 Tangere norit*

*Quæ docent leges, Amor impie, istud,
 Liberam ut mentem, tibi tu, catenis
 Vincias duris, Animamque mitem
 Compede crudâ?*

*O tuas dirè furias cruentas!
 Non eras ergo validus, simul ni
 Sæuus, & crudelis? eras, Amor, Rex,
 Absque tyranno?*

*O puer vanus simul atque cæcus,
 Cur tuis illum Furiis fatigas,
 Qui suam vitam tibi, qui sua uni
 Viscera donat?*

*Fallitur fallitque nimis profanè,
 Qui Deum te credidit; ignis es tu
 Dirus, absque omni ratione vecors:
 Perdita flamma.*

*Sed magis vecors fuit ille, qui te
Filiū dixit Veneris jocosa,
Tanta quæ terris bona præstat, ingens
Numine blando.*

*Quod tuam ut demus genetricem eam esse,
Vltro ego dicam, Furiam esse & illam,
Filiū quæ te, genuisse, talem
Qui verit ex se.*

*Mitis agnorum fugit imminentis
Grex, lupi tristem ingluvem, Palumbes
Vulturis fridore fugit sub umbram,
Dira minante.*

*Pascua & saltus, Iovis imber alto
Cessat ut calo, prece supplicanti
Indidem poscunt; cavet omni ope omnis
Nempe suum hostem.*

*Solus, ab solus, sine mente, Amator,
Viscera infelix tibi agenda præstat,
Igne, Amor, diro; Furia illa nescit
Occulere æstum!*

*Nec potest celari ea dira clades,
Nec potest verbis eadem explicari,
Mens timorem inter, & Amorem atro di-
visa tumultu.*

*Orba solat I numeris querela,
Se cremans semper, neque concremanda,*

*Occidens semper, neque vitam in ullo
Tempore linquens.*

*Morbus accrescens, dolor intus ardens,
Planctus absentis, timor in propinquo,
Zelus infelix, Amor, hi favores
Sunt tui Honoris!*

*Hic truci Vitas furiam fatigas;
Viscera, & menteis, miserorum, edendo
Perfidis flammis, sine fine Vita,
Perpete Letho.*

Explicitâ cantione hac Sireni, Arfileus lyram suam tangere incepit, quam cum parumper, proritando velut calori, increpuiſſet, per partes responsurus singulis strophis concertatoris sui, ita canere institit.

*Mille iô menses Lepor iste duret,
Qui modo in pratis nova regna condit,
Sicca humus herbis, frutice, atque flore,
Floreat aucta.*

*Terra secundo sterileis honore
Expleat brumas, habitans in altis
Diva silvarum latebris, canores
Mille resultat*

*Rusticorum, Echo; reviviscat agra
Conditus bustis hyemis Cupido,
Neque uti felix Decor, & Voluptas
Ambiat ingens,*

*Qui fatigatas recreat medullas
Vivat in nostris, Amor, ô, medullis:
Vos iô, pastorum inimica diris*

Natio, curis:

*Nemo se vernis opibus renato
Orbe delectet, sine Amore: qui se
Pectus in blandum penetret, Leporum*

Nobilis auëtor.

*Cui datis cantus, numeri, placentes?
Verticem cinget cui pulcra ferta?*

us | *Quis voluptatem trahet è sonantis
par | Murmure rivi?*
unil |

Grata cui Veris facies? Amores

op | *Mille ego nostræ recinam Belisæ,
Huic feram Flores, liquida ad fluenta*

Adsideam olli.

*Vtque sunt vestri Lepidi Lepores,
O Amor, ne desere me; Vetustas
Doctate dixit Deum, ob alta vestri*

Numinis acta.

*Côr tuis ardet facibus rigentis,
Bardus excellit sapiente sensu,
Reddis ignavos, animoso Amoris*

Numine, forteis.

*Te, Dii, in vultus avium & ferarum
Efferunt ducti, tua gesta Victi*

*Efferunt Reges, Oculis puellarum,
Acri in Amore.*

*Hos tuæ Virtutis habes Poetas;
Ipse, erat, quando nebulâ in profundâ
Viverem exsensus velut, atq; somno
Semisepultus.*

*Turpibus curis animum occupatus,
Dulce nec dum expertus Amare; nec dum
Gratiâ, & virtute celebris inter
Rustica Secula.*

*Nunc Coronatus iaculante fundâ,
Mille luctarum retuli ex Agone,
Victor, & cantu, novaserta; Amoris
Cuncta favore.*

*Ille me totum generoso Honore
Imbuit, nostras habitans medullas;
Quæ potest maior dare se voluptas,
Dulcior ignis,
Corda quam captiva Deo potenti
Sensibus submittere cum superbis?
Quamlibet simplex comitentur illum
Cura, dolorque,
Illam & hunc delent, ratione iustâ,
Mille, qui contrâ, eximii Lepores,
Ingruunt, servantque, modis, Potentis
Orgia divi.*

Vita sitristis aliquando amantum est,

*Dent Mala culpam, sine Lege, Sorti;
 Tempori adscribant, modo ne quis horum op-
 pugnet Amorem,*

*Qui suo blandas facit igne Curas,
 Mente componit Rationem in altâ.*

*Ecce Florenteis, vice siderum alma
 Lucis, Ocellos!*

*Eccè formosi bona Vota gestus!
 Ecce laudandam sine fine dextram!
 Hac suos omni exonerat clienteis*

Nube dolorum!

Gloriam & Vitam benè subministrat!

Salve iô felix in amante Mentis,

Salve iô gaudens hilari Leporis,

Latitia, auctu,

Sis favens nostræ mi amor est Belisæ,

Non ego vestros aliquando nolim

Ferre fervores, mihi ne medullas

Linque Amor, umquam!

Neminem non eximiè afficiebant cantio-
 nes Pastorum, tantâ festivitate prolatae:
 Eugerius autem cum in eo esset ut præ-
 mium ei addiceret, qui cantando alterum
 superasset, non poterat facilè expedire ne-
 gotium. Sevocatô, itaq; Montanô, com-
 municat consilium; diceret, uter videretur
 officio suo melius functus: Montano pari-

ter visum est, difficilem futuram electionem, ambos pariter benè, neutrum altero, cecinisse, melius. Conversus tum ad Arsileum & Sirenum Agonothesa: Incluti cantorum; inquit; visum est mihi discrimen inter vos nullum dari posse; cumque absque pari sitis, pares vos tamen dico inter vos esse, æquali omnino dexteritate & successu mactos; Quod si antiquus ille Palæmon nunc vi fati alicujus interveniret, Orco dimissus, non aliud à nostro hoc judicaret judicium; neque inter vestra decora quicquam discriminis reperiret. Tu, Sirene, dignus es paterâ hâc ChrySTALLINâ, neque non tu eandem mereris, ô Arsilee. Quare injuriam alteri fecerit, qui alterum elegerit. Ego itaque pedibus veniens in sententiam Montani, tibi capiendam, Sirene, addico hanc Pateram, Chrystallo factam: Tibi autem, Arsilee, hanc præmium dono alteram, de lapide elaboratam Calcedonio, quæ illi pretio & opere, nequaquam cesserit. Ambos igitur vos muneror pateris eiusdem census, de supellectile quidem Feliciæ nostræ, quæ me iisdem munificè & ipsa munerata est. Optimè ambo contenti tam

pru-

prudenti iudicio, tamque liberali munificentia Eugerii pastores, iunctim ipsi ingentes egerunt gratias. Tum Alcida, in memoriam reducens antea acti temporis fortunas; si, inquit, error ille, qui tanto tempore me deceptam circumegit, nunc etiam in me superesset, nequaquam æquum mihi videretur, ut par Sireno præmium de hoc certamine reportaret Arsileus. Nunc vero, cum errore illo libera, captiva autem sum Amoris, in amore sponsi mei Marcelionis, propter tormenta, quæ mihi intulit absentia eius, assentior & palmam do illis, quæ canentem audivimus Sirenum; propter voluptatem vero quam de eiusdem coniugio spero, manum do cantioni Arsilei. Verum, ah improvide Sirene, vide, ne quas querelas de Dianâ nectis, & similes sint meis, quondam de Marcelione mihi ductis; sic enim magna te Pœnitudo aliquando tui istius ab Amore abhorrentis animi ceperit. Subridens ad hæc Sirenus; Quid maiore iure queri possim de puellâ, quæ ultro me amantem reliquit, ut infelici & ingrato se marito subjiceret? Respondit Alcida. Satis equidē infelix fuit ille ex quo me cōtui-

tus est: Et, ut ad rem veniamus, volo recenserem nunc tibi, quod, interveniente Feliciâ, heri totum non poteram, exorsa sermonem de rebus Dianæ: Idque eo fine, ut oblivionem istam animo exigas, edoctus infortunium, quo infortunatus mei Amor infelicissimum Delium involuit. Jam tibi narraui ut concinens & colloquens Dianæ adfuerim, ad fontem Platanorum, utque eò venerit zelotypus ille Delius, & illicò post eum ærumnosus meus Marcello; cujus agnito vultu tantoperè animo conturbata sum, ut, quam maximâ ope possem, per mediam silvam cursu me abriperem. Quid exinde mihi contigerit, nunc audi: Cum transcurso saltu, alteram ejus partem tenui, longè appellantem me nomine vocem audivi, Alcida, Alcida; exspecta, exspecta. Putabam eam Marcelionis esse, me persequentis, utque ne illuc deprenderer, multò etiam quam prius intentius fugere cæpi: Verum, ex iis quæ postea evenerunt, docta sum, Delii eum clamorem fuisse, mariti illius Dianæ tuæ, qui pervicaci cursu vestigia mea sequebatur. Porro cum tantum currendi laborem amplius jam non sustinerem, coacta sum remittere

gra-

gradum, ut nullo negotio propior ille mihi
venerit. Agnovi ergo hominem, & constitui,
auditura quid me vellet, neque quaquâ ra-
tione imaginari mihi valens causam ad-
ventus ejus. Ille cum coram adstitisset,
cursu tanti itineris membra fatigatus, ani-
mumque dolore & angore confectus, nec
unum quidem verbum profari valuit. Ad
ultimum tamen, turpibus & prorsus inho-
nestis sermonibus, pudicitiam meam solli-
tare cepit; causatus vehementiam Amo-
ris in me sui, quo percitus, cursu me in hæc
loca secutus esset, Orare & obsecrare, mi-
fererer neque perire se paterer, nescio qui-
bus aliis rebus orationem extendens, quæ
parum illud ejus cerebri manifestò prode-
rent. Ego ridere hominem, & quibus tan-
tum asinum poteram, rationibus, consola-
ri, ut eximerem fatuo capiti ejus tam im-
manem stultitiam. Verum omnia illi pro
nihilò erant, quæ dicebantur, hoc solum
efficiebant, ut de stulto amentem face-
rent. Crescebat enim fovendo furor.
Optimâ tibi, ô pastor, fide, adjurare pos-
sum, totâ vitâ meâ non vidisse, hominem
tam prorsus Amore perditum. Eo rerum
statu, cum ego prodirem iter meum uti in-

stitueram; ille vero me adsectari non desineret, venimus ad pagum quemdam, uno lapide ab domestico ipsi distantem; illic cum constantiam, in refutatione libidinis, meam videret, & spes eum votipotiundi plane omnis defereret, ex merâ indignatione in morbum incidit: Hospitio illic acceptus est à pastore quopiam, mihi ignoto, qui illicò matrem eius super infirmitate hominis certiore fecit, ut primum postera dies exorta est. Adfuit mater, cum summo dolore, quam maximâ festinatione poterat; invenit vero filium suum ardentissimâ febris iam penè deflagrantem: Multos illa planctus edidit, plurimùm illum causam subiti huius infortunii rogavit; verum, obstinato animo, nihil ille responsi aliud dedit, quam meros gemitus, mera suspiria. Ad ultimum, amantissima mater, cum infinitis lacrymis ita eum alloquebatur: O fili mi, quod hoc infortunium est? quæ subita desperatio? ne me cæles secretum tuum, vide & agnosce me, matrem tuam, potest ut ego eorum quid sciam. Cōjux tua hac nocte mihi narravit, te relictâ ipsâ ad fontem PLatañorum, cursu secutum esse peregrinâ, nescio quam,

quam, puellam; dic mihi, abinde ne origo venit malo tuo? ne molestum sit communicare mecum, quodcunq; est: Vide, quam planè difficilè curari ægritudo possit, cuius causâ prorsus in operto est. O misera Diana, tu heri ad fanum Feliciæ profecta es, ut rescisceres fortunas mariti tui, ille autem tam propè erat domicilium tuum! & quidem infirmior, quam quisquam possit credere! Cum audiret hæc verba matris suæ Delius, ne unicâ quidem voce responsum dedit, hoc solum; ingenti suspirio ducto duplicavit dolorem morbi sui; antea enim amore solo torquebatur, tum verò etiam superveniens zelotypia, miseriam misero geminabat. Quippe sciens, te, Sirene, in eodem hoc loco degere, profectam autem horsum etiam Dianam suam, metuens ne malè sepulti inter te & illâ, celebres quondam, Amores, reviviscerent, in tantam, alterato animo, insaniam prolapsus & morbi vis in penetralibus eius tantopere aucta est, & inflammata, ut, conflictans pariter duobus atrocissimis tormentis, Amori, & Invidiæ, in animi deliquio vehementi, vitam exspiraverit, cum maximo matris, agnatorû, & amicorum omniû, dolore.

Mihi quod tam inopinato casu nonnihil dolentiæ fecit, fuit, quod opere nolens homini succurrere, ad minimum misero bonis verbis non adfuerim, ita enim in tam miserabilem eventum fortè stultitia ejus non desivisset. Sed, cum jam sera esset remediōrū consideratio, ego huc iter meum prosecuta sum, defunctum illum infelicem relinquens, amatorem meum, planctibus parentum & agnatorum, quorum nemo ullus causam tanti infortunii noverat. Hęc tibi recensere volui, mota re præsentī, ut agnoscere possis, quantum damni facere valeat rigida amantis Oblivio, utque pariter scias Dianam jam tibi viduam esse, & expendas simul, utrum te deceat nunc, perseverare in propositā iracundiā, an mutare intentionem animi, jam mutato statu amatae tuæ. At magnoperè miror, quod Dianam hīc præsentem non videam, cum ex matre Delii certò intellexerim, eam huc viam instituisse. Summā attentione orationem Alcidæ Sirenus imbibebat; cumque certus fieret de obitu Delii, cor ipsi miris modis alteratum est. Illic potentia sapientissimæ Feliciæ magnum miraculum fecisse dicenda est: quæ, quamlibet non esset præ-

sens

sens hæc narrantibus, virtute tamen valentium herbarum, & verborum, intervenientibus insuper aliis etiam multis remediis, conficere potuit, ut Sirenus illo momento redordiretur Amare Dianam. Quod neque tamen impossibile creditu fuerit; quippe influxus superni cælestium siderum, tantum ad puellæ ejus affectionem illum inclinatum ducebant, ut non videretur natus Sirenus, nisi ob Dianam, neque, Diana, aliâ de causâ, quam propter Sirenum. Erat tum Sapientissima Felicia in splendidissimo suo Palatio, cincta coronâ castarum suarum Nympharum, potentiâ carminum divinorum, disponens atque definiens singula, quæ ad salutem omnium istorum amantium pertinebant. Cumque videret, tam perspicuâ illâ suâ omniscientiâ, hætenus animis deceptos, Montanum & Alcidam, habere jam perspectos errores suos, & ferum illum Sirenum obstinationem jam suam erga Dianam bonam partem remisisse, intellexit, jam tempus esse planè exstinguendi omnes errores suorum hospitum, ut converteret eos in hilaritatem, & lætitiâ, vix ulli jam longo tempore sperabilem. Igitur pedem splendido

Q

suo extulit domicilio, comitata Doride, Cynthiâ, Polydorâ, aliisque plurimis Nymphis, & in hortum illum amœnissimum processit, ubi erat totus iam Chorus suprâ memoratorum, Equitum, Pastorum, & Fœminarum, congregatus. Quos primos illuc offendit fuere, Felix, Felismena, Silvanus, Silvagia, Diana, & Ismenia, quæ ex alterâ viridarii parte ad Principalem portam, uti dictum est, confederant. Cum primum venerabilem Antistitam accedentem vidissent, surrexerunt simul omnes, & manus eas osculis excepere, in quibus fortunas atque spes suas omnes collocatas habebant. Admodum civiliter illas resalutavit Antistita, indicium faciens, sequerentur, quo ipsa eos ductura esset: Nulla mora parendi fuit: Felicia igitur, stipata toto Amatorum comitatu, transverso horto peragrato, quod quidem spacium non mediocre erat, ad alteram partem venit, ubi fons erat; quem Eugerius, Polydorus, Alcida, Clenarda, Sirenus, Arsileus, Belisa, & Montanus adfederant. Institerunt extemplo omnes in pedes, honoris ergo venientis sapientissimæ matronæ. Alcida, cōspecto

pecto Marcelione, Sirenus Dianã intuēs;
 meniam Montanus, attoniti visu, pro so-
 nio rem tam insperatam & incredibilem
 abebant; propriis suis oculis tam inopinã
 elicitationem non credentibus. Antistita, o-
 mnibus confidere iussis, vultu & gestu in-
 dicans sermonem se habituram de rebus
 maximi ponderis, in medium totius Chori
 armoreã assidens sellã, hunc in modum
 orationẽ exorsa est. Honorabilis & specio-
 sissima concio: Appulit iam volentibus cū
 agnis Diis hora, quam tantoperẽ pro se
 cuilibet vestrũ desideravit, quæ singulis
 vobis per manum meam datura est deside-
 rorum omnium complementum; quo so-
 fine, diversissimis viis, vos in sedes has
 eas conduxì. Universos enim vos huc
 inc congregavi, ut coniunctis vobis eò
 cilia proponerem remedia vitarum
 strarum: Quã de causã vos rogo, ut
 vòluntatem meam singuli vestris con-
 datis, & verbis meis volentes obsequa-
 ni. Tu, Alcida, exonerata es deceptri-
 animi tui, suspicione, per relatio-
 nem germanæ sororis tuæ, Clenardæ.
 oram apud mentem meam, post agni-
 tionem errorem tuum, magnoperẽ tibi

molestam esse absentiam Marcelionis tui
Confeci ita rem commodo tuo, ne absen-
tia illa voto tuo longior procedere posset
que quidem tam gnaviter deproperata est
ut jam foret in ædibus meis ipse Marcelio
cum tu mihi historiam suspicionis tuæ re-
censeris. Jam illum eccum hîc præsentem
tibi, tam constantem in semel capto Amo-
re tui, ut, si quidem ita visum futurum es
tibi patri, & Germanis tuis, coràm hîc quo-
que præsentibus, nihil tam cupiat, quan-
extemplo, tibi consponsum, jam effectum
dare, matrimonium. Qui quidem Marce-
lio, cum tantarum rerum successu, tam
egregio matrimonio, tam illustri affinitate
gaudere maximè debeat; habet in eo ta-
men quod addat incomparabili illi lætitiæ
suæ, quod Germanam suam unicam, Feli-
cimenam, post tot annorum spatium, in mea
quoque domo salvam & incolumem of-
fendit. Tu Montane, de illâ ipsâ Silveriâ
quæ fraudibus te horrendis involuit, edo-
ctus es seriem prodicionis tuæ. Ploraba
ob perditam & amissam conjugem tuam
Ismeniam. Ea jam huc venit, ut vivat jun-
cta tibi, ut consoletur te, & eximat mœro-
rem animo tuo, postquam, per universam

omnem

mnem Hispaniam te, cum maximis peri-
 ulis, & summis suis laboribus, quæsiuit.
 Deest hoc solum, ut tibi quoque succur-
 am, ô formosarum decus, Diana. Verum
 rei primum volo indicare tibi hoc, quod
 irenus & aliqui alii, hos inter pastores, ex
 elatione Alcidaë, jam norunt, quamlibet
 es sit cujus recitatio poterit aliquo pacto
 incinare ægritudine cor tuum. Maritus
 ius Delius (formosa puellarum,) ut inex-
 tabilibus Parcarum sanctionibus conclu-
 um est, clausit in mortem dies suos. Opti-
 è novi, habere te, cur illum lamenteis &
 effleas, verum in finem omnis mortalitas
 obligata est solvere hoc tributum; quod
 ego cunctis, tantâ rerum necessitate, cõ-
 mune est, non debet singulum aliquem e-
 ormi dolore afficere. Ne plores, puella
 formosissima; viscera mihi mea lancinant
 crymæ istæ tuæ, tam miserabiles. Deter-
 e nunc ocellos tuos, & lacrymas deficca,
 onsolationem admitte mœrori tuo. Ne
 iduas te luctuosis vestimentis, ne excedas
 modum planctibus, neque dolorum vehe-
 mentiam penitiori animo admittas. Quip-
 e in domo hæc meâ nõ est tolerabilis ma-
 or æquo, aut nimius fui, planctus; Et, quod

magis est, fata tibi de longè meliore fortuna prospexerunt, quam cujus amisisse tibi Genium hoc luctu videris. Ad hæc, cum quæ facta sunt infecta fieri nullo modo valeant, neque his ulla possint remedia vel Prudentiæ vel Sapientiæ, adhiberi, quid superest quam ut animo tuo imperes oblivisci omnium, quæ transierunt? Meæ autem erit Potentiæ, ordinare & disponere præsentia. Hic eccum tibi amatorem veteren tuum, Sirenum, Cujus cor, per potestatem scientiæ meæ, & rationis ipsius suasu, quæ ad hoc ipsum obligatum tenet, tam mitis nunc est, & mutatum, de rigore illo eduro & diuturno, in tam blandam temperient affectionis in te pristinæ, ut in ipso mori prorsus nulla sit, quin in exoptatissimū, & olim, & nunc, utriq; , matrimonium continuò conveniatis. Hoc, quod te rogo, est, citrà pervicaciam, obsecūdes voluntati mee in re, quæ tantoperè te deceat; quam libere enim intervenire videatur debitus maritus recens defuncto, planctus, ne tam cito nuptiis alterius viri assentiri velis; nemo tamen poterit malè de hac tuâ obedientiâ decreto meo præstitâ, loqui, ubi scierit me auctoritate confectum & properatum, a

han

hanc faciem, hoc esse coniugium. Et tu,
 Sirene, quoniam incepisti apud animum
 tuum locum reddere laudabili & hone-
 sto Amori; perfice quod orsus es, & to-
 tam mentem eidem affectui largire; ut
 habeat jam effectum suum fortunatissi-
 mum hoc & optatissimum matrimonium,
 cui omnis cælestium siderum, chorus sin-
 gulari quâdam favet Clementiâ. Porro, o-
 mnes etiam vos cæteri, qui in amœnissimo
 hoc horto meo locum, & spatiû, & copiã,
 habetis explendorum desideriorû vestro-
 rum, Excitate in veram lætitiã animos
 vestros; ordimini ludos exoptabiles, tãgite
 res vestrorum Musicorum concentuum,
 exsultate amabilibus cantilenis, colloquiis
 suavissimis mentes vestras mulcimini, in
 honorem & memoriam, feliciũ horum &
 fortunatorum matrimoniorum. Finito
 sermone Sapientis Antistitæ, omnium ani-
 mi in novã hilaritatem exsultare cæperũt,
 omnibus grata erant mandata Feliciæ, o-
 mnibus voluntas illius acceptissima, o-
 mnibus admirationi divina matronæ Sa-
 pientia. Montanus, manu prehensens
 fimeniam suam, narravit ipsi, & ex ea vi-
 vissim audiit, putare sese jam adeptos te-

nere summam omnium votorum suorum. Inter Marcelionem autem & Alcidas, Sirenium & Dianam, nuptiæ conclusæ, & omnibus festivis solemnitatibus adhibitis, nullo penitus ritu, aut ordine non servato, confectæ sunt. Cæteri, hilares tantarum rerum, tam fortunatis eventibus, magnâ carminum dexteritate testari gaudia suâ cæperunt. Inter quos Arsileus, ex singulari affectu, quo eû prosequabatur, & pro mutuo amore inter eos duos jam antiquo, ad sonum Lyræ suæ, pro Memoriâ novi matrimonii, Sireno suo hoc carmen occinere voluit Epithalamium.

*Prata renata vigēt modo versicoloribus herbis,
Responsatq; carvis jucunda è saltibus Echo.
Jam Rosa blandum obolet, jam dulcia murmura
venti*

*Inspirant ramis, urgetq; argenteus undas
Rivus; iō, dudum mæsta, date jubila genteis.
Tristia latifico mutantes tempora cantu.
Formosa festis Nympha exsultate Camænis!*

*Nubila, clara dies, toto fugat axe; dolorum
Nubibus exutis mens splendida cernit Olympum.
Lusciniæ intendunt dulcis certamina vocis,
Suavia fons auget ridentis murmura aquai.
Postquam adeo veteris odiorum delet acores*

Purus

*Purus Amor, tædæque nova nova gaudia portant:
Formosæ festis Nymphæ exsultate Camænis!*

*Proposito mentem quis nobis vertet ab alto?
Ut sua cepta animus stabili de limite turbet?*

Quis faciet contempta prius nos querere vota?

Quis misero immittet felicia gaudia cordi?

Viscera nostra movens? facit hoc Felicia, Manto

Quod nequit Thebana, potēs Rationis & artium!

Formosæ festis Nymphæ exsultate Camænis!

Felices nupti, vos ipsa Potentia cæli

Adspirat meliore aurâ, camposq; maritat!

Vestri nempe greges distendunt ubere caulas,

Duplicibusq; graveis mactant proventibus agros.

Non vos tristis h'ems, non umquã tangat Egestas

Innumerabilibus vos copia mactet acervis.

Formosæ festis Nymphæ exsultate Camænis!

Gaudia non ullo turbentur vestra tumultu,

Pulcra patres videat soboles in Nestoris annos;

Numquam non pleno stipet vos copia cornu.

Ipsi vos campi vos ipsa arbusta resultent,

Saxa sonent cantu, petra, atq; fera, Orgia servant.

Omnia tam latis redeant miracula tadis.

Formosæ festis Nymphæ exsultate Camænis!

*Dulciloqua volucres recinunt sibi carmina ve-
stra,*

Blandificis mites adspirant flatibus Aura.

Intuitu vestro, campi, saltusq; virescunt,

*Et vestris ultro manibus nova germina portant.
Lilia, florentesq; Rosæ, Narcissus amator
Atque Hyacinthus adest, & mille vocabula flo-
rum.*

Formosæ festis, Nymphae, exsultate Camœnis!

*Vbere vos multos pax annos Numine pascat,
Suspensione procul, constantes mutuo Amore,
Letitia in summâ, tranquillâ mente fruentes,
Ipsa ignoretis Fortuna immania facta.*

Fama canat vestras ultra maria omnia laudes.

*At mea rauca premat stridenteis tibia versus.
Formosæ festis Nymphae desistite Musis.*

Cum finem Cantioni suæ dedisset Arsi-
leus, generalis omnium animos de novo
Lætitia invasit, quæ quidem quælibet etiâ
tristissimorum hominum pectora in hilari-
tatem excitasset: Personabat gaudiorum
Camœnis totus Horti campus: Temperata
Harmonia certantium, mirâ æquabilitate
Musicorum instrumentorum, dulcissimo
concentu aerem mulcebat, jamque vide-
bantur floridæ arbores, dulce submurm-
rans Rivus, uberi aquarum amœnitate gra-
tiosus fontis accentus, avicularum, undiq;
spatia ætheris cantu complentium, Musica
Voluptas, congaudere nuptialibus aman-
tium festivitatibus. Cumq; jam bonum op-
pidò

pidò temporis spatium his lætitiæ negotiis
 fuisset insumtum, & Feliciæ hora prandii
 appropinquare videretur, ejus imperio E-
 pulæ ad ipsum fontis marginem exstructæ
 sunt. Illico, ut jussæ erant Nymphæ, quæ
 necessaria erant convivio, luculenter ex-
 pediverant; jam stabant ordine positæ
 Mensæ, jam triclinium justum composi-
 tum videbatur, quæ densior arborum con-
 venarum lucus, calorem nimium mediæ
 diei, spissis ramorum umbris superductis,
 exemerat: Confederunt ita omnes, ordine
 à Felicia præscripto, & convivium cæptum
 est nuptiale; pretiosissimis vasis delicatissi-
 mas dapes copiosè ministrantibus. Finito,
 cum summâ Voluptate, prandio, repetita
 sunt; non ita dudum intermissa, gaudia; in-
 stauratæ festivitates, Ludi reducti, ut
 sequentis vobis libelli series de-
 monstrabit.

FINIS LIBRI QUARTI.







C. BARTH
 NEMORALIUM
 LIBER QVINTVS.

A DEò læto animo, super recens
 ipsis obortâ felicitate, erant a-
 mantes isti, cum quilibet id,
 quod summis votis tâto tempo-
 re frustrâ exoptaverat, jã in cõ-
 plexibus & potestate suâ conspiceret, ut
 omnium præteritarum ærumnarum faci-
 lè omnes, & pro se singuli, memoriam po-
 nerent. Nos vero, qui istîc, extrâ utriusque
 fortunæ aleam, & ex tutô locô considerare
 & tormenta & præmia eorum, sine metu
 nostri periculi, possumus, cum expendi-
 mus, quanti unicuique horum constiterit
 ea felicitas, in quâ modo collocatos, de-
 scripsimus, pericula nimirum immania,
 animorum in facta & dicta efferationes,
 horrendis doloribus oriundas, quæque alia
 aduersi

adverſi Amoris Tempeſtas fert, exhauſta omnia & exantlata huiſdem, antequam optatum finem deſideriorum ſuorum contingerent, opus erit; ut noſmet ipſos doceamus, nequaquam conſultum eſſe, exponere ſe tot, tamque atrocibus, rerum fluctibus, quamlibet etiam certior nobis ſpes tenendi aliquando Portus aſfulſerit: Quæ ipſa etiam nullo jam tempore non eſt incertiſſima, cum quotidie videamus, vix unum aliquem potiri ſucceſſu deſideriorum ſuorum, ubi infiniti contra alii, ventorum in naufragia irreparabilia auerantur, & poſt ærumnoſam vitam, miſerabili interitu teſtentur, nequaquam ſapienter facere, qui ſe pelago Amoris infido crediderint. Quod uti verum eſt, ita indicaffe modo ſufficiat, Inſtat enim nobis proſequenda hiftoriæ noſtræ deſcriptio: Revertamur igitur, cum ſono Deo, ad inſpectionem ulteriorem gaudiorum nuptialium, quæ in horto Feliciæ, poſt infinitas ærumnas, potitis ſe invicem amantibus, celebrabantur; ualibet impoſſibile ferè fuerit per partes a exſequi. Felicia, cujus imperio meritò

volentes omnes parebant, cujus officii erat ordinare omnia, & modimperare universo Choro, primo loco mandavit, uti Choream instituerent à prandio pastores ad sonum cantionum, quas ipsimet invicem occentaturi, & instrumentis suis Musicis admodulaturi essent. Itaque ipsa quidem cum Eugerio, Marcelione, Polydoro, Clenardâ, Alcidâ, Felice, & Felismenâ, fessum se contulit, declaratâ prius voluntate suâ, iis qui saltationem ducturi essent. Processerunt ergo in medium universi pastores, Sirenus Dianam suam manu ducens, Silvanus Silvagiam, Montanus Ismeniam, Arsileus Belisam; & ita amabili membrorum temperie Choream omnium molliissimam instituerunt; non aliâ aut minore gratiâ, quam Dryades olim & Napææ solent, prodeuntes de nemoribus suis in spatium prati alicujus herbidi, quarum, amatorius ventulus, auro purissimo Arabiconetas induvias, molli sustinet adflatu, ut per rubicundas vestimentorum telas, marmore omni nitidior membrorum colos videntium oculos admirabili spectaculo divinæ venustatis externet: Non illi gesticulationibus multis, aut verborum quæsitis

blan-

blandimentis, quæ civilitas hodiè urbana
 cenfetur, tempus eximebant, neque dif-
 putatione longâ difceptabant, cui primus
 canendi locus deberetur, fed Sirenus, ad
 quem quodammodo jure fpectare Princi-
 pium hujus hilaritatis videbatur, quique
 impeditus hætenus tot hominum lætitiâ
 fuerat, quo minùs præteritæ fuæ dolentiæ
 feriem Dianæ quodammodo exprobraret,
 cujus memoria animo ejus nondum pror-
 fus exemta erat, feque excufaret, ab omni-
 bus, quæ fufpicio amatoria ipfi imputare
 poffet; cantione quapiam rem Dianæ pro-
 ponere commentus eft omnia, quæ pudore
 alioquin recensere prohiberetur. Ita-
 que, non exfpectato ulteriore ambitu, re-
 liquis in eadem verba respondentibus,
 hanc exorfus eft cantilenam canere.

Debebam fine confpectû mori ego te, pulcrâ Diana;

Qui potui unam horam vivere, amans, fine te.

Blandus Amor fubeat, cunctò mærorerelictò:

Mærore infaufto, faufus Amor fubeat.

Sireminifci inhians ut te, mea maxima vita

Diligam, atrox toto pectore pellam Odium.

Ah metuo ne te amittam, moriens, mea Vita,

Qui potui unam horam vivere, Amans fine te.

Dubio hanc cantionem animo Diana ex-

cepit, neque concludere facile erat, quid opinionis concipiendum foret. Quare ut antiquum illud, deferentis ipsam Sireni, Odium, prorsus novo isto succedente ardentissimo Amore, erat deletum & profligatum, & ipsius optimè animo propterea satisfactum, ipsaque se videbat satis recreatam ab omnibus ærumnis hætenus exantlatis, ita causam non inveniebat, cur lamentaretur. Super secessu ejus & oblivione iam desitâ, itaque cor suum sentiens omni jam prorsus tormento liberum, gaudiis undique novis circumfusus, ut doceret verbis lætitiâ suam, & sollicitum Sireni animum reprehenderet, respondit ipsi hoc carmine.

Mens hilaris, suo Amore potita, in gaudia fervit,

Omnis abest dolor, & Lætitiâ omnis adest.

Non memini veterum, jam tota oblita, dolorum.

Non etenim hoc fausti regula Amoris habet,

Vt veteres subeant in læta recentia fata

Tristitiâ: sô felix Gaude, in Amore, Anima.

Hæc bona sunt tibi quæ spes spondet tempore tæto,

Omnis abest dolor, & Lætitiâ omnis adest.

Dum carmen hoc decinit Diana, appulit ad fontem, ubi congregatus erat

Cho-

Chorus iste, puella pastoralis, speciosa admiraculum, quæ eadem horâ domum Feliciæ advenerat, cumque didicisset Anrititam in horto esse, illuc se contulerat, ut videret & alloqueretur eam. Cum itaque ad præsentem accessisset, genibus ante eam procubuit, manum osculandam petens; post ita locuta est. Incivilem audaciam meam, ô Domina, quod, ignota & invocata, tam repens huc intrarim, excusare aliquâ, puto, ex parte poterit desiderium, quod diu ingens habui videnti & salutandi te primum, deinde & maxima necessitas mea, quæ me ad aram patrocinii tui confugere, & opem à Sapientia tuâ celebratissimâ petere coegit. Exest Cor meum grandissima ærumna, cujus remedium in solius tuâ manu fitum est: eam uti tibi ordine recenseam, & medicandam proponam, aliud tempus, Domina, exspectare satius videtur, hoc enim loco, & hac die tristicie aliquam historiam tractare magnum piaculum meritò habeatur. Erat etiamnum Melisæa (quod vocabulum habebat Pastoralis virgūcula) genibus ante Feliciâ acclinis, cū visus est per porticum quampiâ hortum intrare pastor

alius, & summo studio properare ad Fontem; quem puella conspicata: Ista, inquit est ærumna illa, tam gravis mihi & odiosa quâ ut liberer, ad genua tua confugi, ô Domina. Cum dicto pastor ille, (Narcissus nomine) adfuit & ipse loco, ubi Chorus istum animum oblectabat: factis itaq; sollemnibus civilitati ceremoniis, incipit de virginis Melisæa, multa atrocia Feliciæ conqueri in præsentia ejusdem, ut nimirum ab eam miseris torqueretur modis, tantâ equidem crudelitate ut nec unicum quidem verbum ex ore ejus impetrare, in benignam aliquam responsionem, posset. Eâ quidem solâ de causâ itinere longinquo, de remotis locis istuc se venisse, persequentem illam, nec ulla tamen ratione cor ferum, & animum ejus barbarum, ad colloquium inflectere valere. Jussit surgere Melisæam Felicia, & verbo inhibens odiosas temporis & loco contentiones: Non est nunc, ait, spatium audiendi nobis longas vestrarum rerum historias; tu pro re præsentī, cape manum Narcissi, Melisæa, & Choream istam junctim ambo intrate, quod superest succurre tempore à nobis dispicietur, & uti copia erit, remediabitur. Non potuit contradice-

re man-

mandato Antistitæ, puella, itaque secum manu ducentem Narcissum, Choream, si jussum erat, intravit, saltatura, ut reliquias videret. Tum fortunata nunc, ex nuper infelice, Ismenia, ad quam ordo cantios venerat, gestu & vultu præferens inter humani lætitiæ, quam post tot adversitates vix capiebat ipsamet, ita incinuit.

*Um mihi animum, felix hæc Gloria, Latitiâ auget,
Vt mirer nullo, mille mala, in numero;*

*Quæ me, exantlantem, duxerunt hæc bona tanta
Possessum, ô nova Lux, ô nova Prosperitas.*

Memorabatur, ego eum exspectabam, in Amore;

*Nunc cum illo ex voto est nostra potita Anima;
Lætitiæ alma moram compensat mille Leporum,*

*Si ponenda mihi nunc Ratio ad numerum est,
Ili equidem facio tot millia magna dolorum,*

Quæ mihi istam ingentem Lætitiæ extuderunt.
Ismenia, & hæc canens, & alioquin quodcumque aliud agens, numquam oculos vertebat à desideratissimo suo marito lontano; Ille verò, utpote non nihil effectus animum memoriâ infidiarum, quæ tanto cum tempore, cum summâ molestiâ conjugis suæ, exagitaverant, non audebat tam contrà tueri, nisi furtim, & velut raptum, cum videlicet Choreæ ordo posceret

ut obverteret illa vultum, & ita inspicere
posset, ut non sentiret ipsa quærentem:
Et ausus quidem erat aliquoties eam re-
ctâ contueri, sed confusus pudore, quem
ergâ eam habebat, & victus splendore ra-
diorum ex oculis amasiæ promicantium,
qui cum penitissimâ affectione Amoris
candidissimi, obtutum ipsius refutare vi-
debantur, non potuerat persistere, sed hu-
mi fixis luminibus cedere luci majori co-
actus fuerat. Quod cum diutius ferre, mi-
ser, amore conjugis ardens, non valeret,
& ne tantum temporis à deliciis ejus per-
deret, mittere decrevit ad eam cantio-
nem aliquam suam, indicem purissimi i-
gnis, & ut in illâ omnes spes suas poneret.
Sic itaq; cecinit.

Verte tuos alio, virgo ô pulcerrima, ocellos.

Sin, metuo in mortem, ne te ego conspiciam.

Namque tui gemini, claro me lumine, Soles,

Quamquã in te vivã, dũ inspiciũt, perimunt.

Ars oculorum hæc est, si me his, pulcerrima, cernis.

Ah metuo in mortem ne te ego conspiciam.

Vt scopus ad telum, nix Solem, Nubis ad Austrũ,

Cera ignem, mea sic in se anima illiquitur

Cum tua Lux contrâ est, oculis si me adspicis istis.

Ah metuo, in mortem ne te ego conspiciam!

Cernis

ernite Amor quid agat, quid fors disponat in illo:

Ex mercede meâ me nova Pœna premit !

ita mi in his oculis posita est: si me adspicis illis,

Quam metuo in mortem ne te ego conspiciam !

Melissæa, quæ satis, contrâ voluntatē animi

ui, hæctenus cū Narcisso Choreâ duxerat,

indignatione percita, voluit vindicare mo-

stiâ suâ, amarâ aliquâ cantiunculâ, itaq;

argumentū alludens pœnarum & mor-

um, in quibus vivere se semper pastor ille

sius causâ contestabatur, ut hominī æ-

tè faceret, & insultaret, sic cecinit.

Dolor, inficete Pastor, in caput tuum,

De quo loquare, recidat.

Ego Amore nolo quempiam occidi meo,

Vt ipsa propter eum mori.

Sic ergo vivam, te nec adspiciens, neque

Amore tu nostro oppetas.

Ego nolo ames me, nec te amare ego volo,

Nec intuerier quidem.

Vti tu fateris, perimi Amore te mei,

Sic ista sit finis, volo.

Ego Amore nolo quempiam occidi meo,

Vt ipsa propter eum mori.

Non mediocri tormento adfligebatur mi-

ser Narcissus, crudelem cantionem istam

matæ tantopere à se puellæ audiens; ta-

men animum suum confortans, spe boni, à Feliciâ non planè negati, & Constantiâ & Virtute, amantium affectus comitari consuetis, sese obmuniens, respondit in hæc carmina, veteri cantioni novos jungens, versiculos.

Si vos amari non iuvat; tamen meum est

Amore non desistere.

Molestia illa te, dum ego vivam modo,

Numquam, cruenta, deseret.

Patiare queso, cum mali tantum feram,

Queri dolores efferos.

Dum se voluptas compleat tandem tua,

Vt ego occidam flammis meis.

Quod ferre si non sustines planctus meos,

Infamis ut hoc nominæ es.

Molestia ista te, dum ego vivam modo,

Numquam, cruenta, deseret.

Si, nosse ceu te, fugere sic liceat, velim

Desinere questus flebiles.

At, dum te amabo, desinam numquam queri,

Sic ista perpes cantio est.

Molestia ista te, dum ego vivam modo,

Numquam, cruenta, deseret.

Tam obstinata erat in crudelitatem suam Melisæa, ut vix finem passa sit dare carmini suo Narcissum, quin, ultima ejus verba in-

volans,

volans, ne quis alius intercinere quid aliud
posset, in hæc vicissim carmina erupit.

*Insane amandi pastor, hoc malum mihi
Consilium inire diceris.*

*Quod tibi malum in molestiâ crees meâ,
Amans abhorrentem tui.*

*Servare tibi Cor hoc tuum decens erat,
Tam triste, tam vilis pretii.*

*Postquam illa renuit capere, cui te dictitas
Dono dedisse perditum.*

*Que te odit illam ne sequare, si sapias
Aliter, malum sequeris tuum.*

Non passus est Narcissus transire sine re-
sponsione Melissæ cātilenam, itaque civi-
litate maximâ, & gratiâ singulari vultum
gestusque componens, ita reddidit suam
ipsi injuriam; veteri cantioni novos denuo
applicans versiculos.

Postquam ira vestra sæva, mi voluit malè,

Numquam mihi volui benè,

Ne bene quid illi velle dicerer, cui

Mea vita tu, velles male,

Potius mihi esse pessimè velim, quam uti

Sit bene, cui tu vis malè.

Sepultus odio, morior, oblitus mei,

Et omnibus meis, tuo.

*Contentus ipse, te quoque iratâ mihi,
Semper fui fato meo.*

Quamquam dolore nuspiam carui malo.

Ex quo me, amara, conficis.

Tantæ delectationi omnibus erat disceptatio Melissæ & Narcissi, ut universa diei nuptialis lætitia, multum hoc etiam nomine augeretur: neminem tamen etiam non malè habebat ejusdem puellæ crudelitas, & miseri pastoris non mediocris exinde dolor, cui compatiebantur pro se quisque. Postquam canendi finem fecisset Narcissus, omnium oculi in Melissam conversi sunt, expectantes iteratam ejus responsionem: Tacebat autem illa, non quod deessent ipsi, crudelis ejus generis, aliæ in supercantilenæ, quibus concipilare pectus misero amatori potuisset, sed quod noller quoquo modo molesta esse tantæ hilaritatis collegio. Silvagia quoq; & Belisa oratę sunt uti & ipsæ cantitarent, excusationem autem eam prætulerunt, non esse sese aptas tum ad id negotium. Bonum vero factum sit, Diana respondit exire vos convivio sine solutâ symbolâ! Hoc quidem ipsis, ait Felismena, nequaquam nos assentiemur, quoniam non parum nostra interest au-
dire

dire voces tam delicatas. Nolumus, in-
 quiunt illæ, intermittere servitiis no-
 stris vobis adesse, hac festivitate nuptiali,
 secundum valentiam nostram; erit ita-
 que paullum beneficium, excusatas nos
 habere, ne ad canendum adigamur, con-
 sideratione cæterorum officiorum, quæ
 vobis præstare in aliis expeditionibus non
 detrectabimus. Tum Diana; Ex meâ parte,
 nequaquam ego vobis remissura sum ca-
 nendi officium, nisi qui intercesserint, qui
 vestro nomine id expediant, quod iure
 suo & ordine poscit collegium no-
 strum. Quis melius hoc poterit, illæ respon-
 dent, quam Silvanus & Arsileus, conju-
 ges nostri? Optimè sentiunt puellæ istæ,
 inquit Marcelio; & meo arbitrato, con-
 veniens fuerit ambos eos unam canere
 cantilenam; alterum ordiendo, alterum
 versibus respōdendo; ita enim labos quidē
 ipsis decreverit, nobis autem sese auxerit
 delectatio. Omnes indicarunt magnoperè
 gratum futurum hoc genus succentionis,
 quippe quo melius quā ullo alio, sese exse-
 rat vivacitas & acumen ingeniorum, inter-
 rogando videlicet, & respōdendo ex tem-
 pore. Itaque Silvanus & Arsileus confessi

feseratum habere hoc iudicium, in habitum se canentium componentes, Chorem simul instaurantes, ita exorsi sunt.

SILVANVS.

Pastor tacere durum, est!
Cane latum, iō, quid ex re.

ARSILEVS.

Breve gaudium meum sit
Si possim id eloqui isthīc.

SILVANVS.

Sit Maximum, inde partem
Poteris brevem explicare.

ARSILEVS.

Tam celsa facta dictu
Ordinier timori est!

SILVANVS.

Iam finis ipse nobis,
Notus tuorum Amorum est.

ARSILEVS.

Quē finis? abnuant se
Cum prima vota dici?

SILVANVS.

Tamen minus decoro est
Tacere tanta velle.

ARSILEVS.

Mens passa sola, sola
Quoque sentiat medelam!

SILVANVS.

*Communicata nulli**Eviluerè Vota!*

ARSILEVS.

*Aequalia illa nostris**Vbi sint, negent reponi.*

SILVANVS.

*Tam magna corde vestro**Quæ gaudia attinentur.*

ARSILEVS.

*Capit illa, quod malorum**Tulit illa tanta monstra.*

SILVANVS.

*Tamen impotens latere est**Felicitas beata.*

ARSILEVS.

*Quo major est, minus se**Gaudebit explicari.*

SILVANVS.

*Iam dum tua esse per te**Scio publicata Vota.*

ARSILEVS.

*Medictito beatum;**Sed quæ, tacere prestat.*

SILVANVS.

*Cupit ipsa, seque prodit**Fortuna, quando summa est!*

ARSILEVS.

*Potius mihi illa parva est,
Quam carmina assequuntur.*

Amplius hoc genus carminum dicturi erant pastores, cum, ex dispositione Feliciæ, ad fontem venit Chorus Nympharum, quarum quælibet, Instrumentum Musicum pulsans, mirificâ dulcedine gratiosum valdè tumultum ciebant. Chelyni ista tangebant, nablium altera; alia tibiam suavissimâ temperatione vocis inflabat, erat quæ delicato calamo fides molli-ter resonantis citaræ verberaret, alia quæ lyræ chordulas in amabilem accentum fetarum ductibus stringeret, nonnulla cymbalis aerem, nonnulla & fistulis diversa in eandem Harmoniam sonantibus, commulcebant. Universæ autem Musicæ sonus tam blandâ & optabili suavitate contemperatus erat, ut externaret rei cœlestis stupor quidam omnes audientium animos. Vestitæ erant Nymphæ istæ ad miraculum splendidè, quælibet suo proprio colore, omnes auro micantiores capillorum fluctus ventis differendos laxaverant; capitibus gerentes corollas & sertas, Rosis, atque floribus speciosissimis, aureis

reis argenteisque lemniscis, confertas. Pastores, tantæ formositatis Chorum ad se tendere videntes, omiserunt Choreas suas, & suo se quisque loco sessum abstulerunt, summâ attentione animorum, in harmoniam admirabilem, tam variorum, & tamen in idem consentium, instrumentorum: Quæ, accedente delectabili vocis virginæ admodulatione, novis & hæcenus inexpertis gaudiis percellebant mentes auscultantium. Et in eo jam erant, cum ex improvviso transverso itinere adfuerunt aliæ sex Nymphæ virginæ, vestitæ bombyce ruberrimo, aureis argenteisque undique telis scutulato, capillos in orbem capitibus circumplexos, reticulisque minutis, de filamentis auri Arabici, coactos in tutulos, ferentes, fibulis suffixos Smaragdinis atque Hyacinthinis; frontibus earumdem maximi pretii faberrimè elaborati Adamentes resplendebant. Crura cothurnis coloreis, subtilissimè auro inductis, emunierant; manibus singulæ arcum, humeris, cum sagittis, pharetram, gestabant. Hoc habitu choream ducere instituerunt, ad sonum Musicæ quã modo diximus, Harmoniæ; tam luculento ordine,

& agilitate tam dextrâ ut attonitos omnia facerent spectatores. His ita occupatis exsilit repente de proximo veprete Cervus candidus, nigris maculis undique variegatus; quæ, certis spatiis candori interlocatæ, speciem animantis reddebant pulcerrimam. Cornua ei de auro puro videbantur, altissima, & plurimis ramis disperta. Ad summam, talis hic erat, qualem omni suâ arte fingere potuerat Felicia, ut voluptabile spectaculum convivis suis præberet. At viso Nymphæ illæ cervo, eum in medium Chorum suum recepere, Chorasque ad sonum Musicalium instrumentorum nullatenus omittentes, maximâ festinatione ceperunt illum sagittis petere; qui, observato Musicæ sono, in orbem corpus ad cavenda tela, ex arcubus emissa, dexterrimè circumagebat, saltibus, & subfultibus suavitatem spectaculi commendans. Quo ludo bono tempore deluso, celerimâ fugâ fera per patentem proximè porticum se abripuit; eam Nymfæ clamore, cursu, & sagittis proscutæ simul hortum cum delectabili tumultu eruperunt, quem pro se quisque acclamatione pastorum & puellarum augebat; mirificè omnes tam

eximio

eximio spectaculo exhilarati. Eodem momento finem etiam canendi Nymfæ fecere. Sapiens autem Felicia ne huic etiam ludo deesset utilis vitæ instruendæ, aliqua sententia, periculum factura, an quispiam præsentium intelligere potuisset, quid sibi voluerit scena hujus miraculi, ita Dianam allocuta est. Formosa puellarum, poterisne edisserere mihi quid significaverit hæc tã pulcri istius cervi nostri venatio? Ego quidem tantam in me Sapientiam non invenio, respondit illa, ut possim adsequi subtilitates speculationum tuarum, aut ænigmata inventionum exponere. Itaque tibi, ait Felicia, rem enarrare volo, quid sub isto spectaculo latere prudentiæ voluerim. Cervus est imago Cordis humani, formosi in delicatis suis cogitationibus, & divitis atque opulenti in tranquillitate possessorum desideriorum suorum. Offert hoc sese affectibus mortalitatis, qui conficiunt id mortiferis sagittis. Verum, cum judicii sui dexteritate, obvertens sese in diversas partes, & honestis morum bonorum exercitiis studens, cavere, (non minimo tamen labore) potest ictus undique ingruentibus, relorum tam immanium. Cum vero ma-

ximè jam persecutio illa fervet, fugiendum ipsi est maximo annisu, quo demum pacto prorsus poterit tam atroce periculo liberari, quamlibet non omisuri sint, affectus illi perdit, persequi fugam abeuntis, & adhærere etiam nolenti, donec tandem penitus effugerit hortum vitæ hujus. Et quomodo, (Diana inquit) potuerim ego adsequi tam occultum & prorsus difficile ænigma, quæ interrogatiunculas, & gryphos pastorum, quamlibet longè intelligi faciliores, numquam ferè divinare valui? Ne te deprecies tanto operè, intercedens Silvagia ait, contrarium enim in te vel ego experta sum, cum nihil umquam tale propositum fuerit, quod tu non summâ facilitate solveris. Satis nobis Temporis est, subicit Felicia, ut in rem præsentem venire possimus, neque hæc festivitas minus nobis gaudiorum dabit quâlibet alterâ. Proponant singulæ vestrum unum ænigma, novi enim ego omnibus satisfacturam Dianam, declarando omnia. Res cunctis optima visa, præterquam Dianæ, quæ nequaquam tantam sui fiduciam habebat, ut se tam arduo negotio parem putare posset; tamen,
ne in

nein quoquam refragari velle Feliciæ videretur, & ut gaudium daret Sireno, quem cupere id prorsus sentiebat, recepit demum onus, quod omnium existimatio ipsi imponebat. Silvanus, cujus in ænigmatis proponendis inclyta erat fama, primum locum iudicio collegii totius tenuit; qui ita mox locutus est. Optimè novi, Puella formosissima, fatis tibi ingenii & Sapientiæ inesse, rebus quibuslibet obscuris explanandis, neque quicquam tam penitus latere, quin acumine tuo facile id eruas, non tamen omittam interrogare te, ut vigor ingenii tui habeat quo se manifestiorem faciat omnibus. Igitur dicas mihi velim, quid significetur hoc ænigmate.

Pastori puero vidi junctam esse puellam,

Aridam, uti multo Lignea Sole sudis.

Corpus ei cinctum est oculis plus mille, movere

Linguam nulla potest, est tamen illa loquax.

Sursum vis venti trahit hanc, retrahitque deorsum,

Stat tamen, & nullum nota movere pedem est.

Oscula cum dat Amator, Amore haud lætus iniquo,

Illam dat in planctus carmina prona novos.

Quo magis os olli puer admovet, hoc magis illa

Clamat, ut audiri velle procul cupida.

*Lumina nunc aperit, nunc claudere lumina cer-
tat,*

Cerne labor quantus cogere sit pueram!

Nempe puer quando victæ dabit oscula, mutus

Ipse erit, illa modis garrula mirificis.

Hoc quidem ænigma, subjicit Diana, quãlibet benè sit acutum, mihi quidem non multum negotii fecerit. Te ipsum enim memini audire sententiam ejus enarrantem, ad fontem PLatanorum; cum nulla puellarum tum præsentium adsequi eam posset, tute nobis declarabas, puellam esse sambucam aut Utriculum cum fistulâ pastoralē, quem ille inflet; adjungens particularem omnium ejus membrorum applicationem ad propositam quæstionem, Risum omnibus movit oblivio Silvani, & constans Dianæ memoria admirationi fuit; à quâ uti se vindicaret, Silvanus, simul excusaturus errorem suum, subridens & ipse; Fateor, inquit, oblivionis non nihil hîc intercurrere; neque tamen quisquam hanc illi æquare poterit, qua non ita pridem Sirenum suum Diana nostra prodiderat. Vindicasti te, respondit Sirenus, verum melius cecidisset ista iracundia tua, si Oblivio ista sponsæ meæ in alium, quam exoptatissi-

imum

num hunc, quo modo juncti fruimur, finem desivisset. Sufficiant hæc, interveniens Silvagia ait; omnia enim benè dicta sunt. Tu vero, Diana, responde mihi ad quæstionem hanc quam ego experiri volo an obscurius paullo loqui possit, quam ista Silvani. Sic autem sonat isthæc.

*Vidisse sepem me recordor quamquam,
Alto elevatam in aere.*

*Quæ culta pulcrè, quæ rigata sanguine,
Florebat herbis plurimis.*

*Illinc revulsam solius tactu manus,
Cordatus & sapiens homo*

*Eam reliquit pontis in viciniâ,
Querulam, dolentem nil tamen.*

Diana ad sponsum suum conversa; non reminisceris, inquit, Sirene, audivisse te Ænigma istud eâ nocte, quâ apud cognatum nostrum Iranium diverteramus? Non reminisceris, recitasse illud nobis Marontium, filium Fernasi? Certè, inquit Sirenus; non autem sententiæ ejusdem. Ego autem, reddit Diana, & solutionem ejus memoriâ teneo. Dicebat sepem eam esse caudam Equinam, qua evulsæ setæ aptantur pulsan-
dis lyrarum chordis, quæ sonum exinde dant, quamlibet nullos patiantur dolores?

Ita esse confessa est Silvagia, & illum ipsum Marontium, auctorem ænigmatis, sibi id dedisse commendatum bonitatis, quamquam & meliores quæstiunculas se diceret habere. Sane, inquit Belisa, sunt aliæ omnino acutiores tales, quibus licet accenseas eam, quam modo ego propositura sum: Attende animum Diana, vix enim evasura videris, quin capiaris hâc vice. Ista autem est quæstio nostra.

Dic mihi qua sit avis, quæ, cum volet ardua semper,

Semper in uno eadem stat tamen apta loco.

Quo cupit, hæc, penetrans, uno maria omnia transit.

Impete, cælum ipsum cum lubet evehitur.

Fixibilis non est; qui discere volt eam, is horâ

Saltim unâ sapiens qua tenet hanc, fuerit.

Nulli aliter capienda domus, ubi degit, ocellos

Solis esto frui denique parjetibus.

Infelicior quidem ô Belisa, Diana tum inquit omnibus hætenus propositis mihi, tua hæc est quæstiuncula. Illarum enim fortè nullam adsecuta fuisset nisi antè declarari audivisset: Tua vero hæc talis mihi obvenit, ut simul audita & intellecta fuerit: Id equidem inde contigisse existimo

existimo quod adeo facilis & obvia sit perspicui, uti à quovis ingenio, nullo labore, possit deprehendi ejus sententia. Certe evidens est scitu, avem illam, quam tu dicis, Cogitationem humanæ mentis esse, quæ summâ celeritate volat, neque ab ullo visa umquam est, sed coniecturis modò, de vultu, & membrorum habitu, ductis, aliquando deprehensa. Victam me agnosco, Belisa respondit; neque habeo quod dicam amplius, nisi quod voluntati & arbitrio me tuo totam submitto. Ego te pulcre vindicabo, infert Ismenia, uno meo ænigmatē, quod scio, etiam prudentissimis pastoribus, maximos labores dedisse; Quod ubi tibi proposuero, Diana, non credo te tam felicem in ejus expositione futuram, quàm fuisti in levioribus illis, hæctenus, recensitis. Id tale est.

Dic quis magister ille, cui Dominus suus

Servire rite cogitur?

Vt fatuus ille fixus est uni loco,

Nec se ipse quopiam movet:

Ad magna dexter, nec tamen sensûs capax,

Sine, litteratus, litteris.

Cum me prope est, quid autumet, benè sentio,

Nec audio quicquam tamen.

*Tanta hujus est Sapientia, ut, nihilloquens,
Me mille rebus instruat.*

Felicem me arbitrarer, Diana respondit, superatam à te fateri potens, ô amatissima Ismenia: Verum cum jam dudum sim tibi speciositate, & infinitis aliis virtutibus, non mihi pro magno habebitur, vincere te explicatione propositæ vicissim quæstionis, qua me compeditam abducere voluisti. Alter jam annus vertitur, ex quo Lugdunensis quidam Medicus domum nostram venit, curaturus Patrem meum, morbo quoquam tum decumbentem. Eicum in manibus aliquando librum quempiam viderem, tuli illum homini, & me ad legendum composui. Tum in memoriam ducens, quanta mortalibus utilitas ex hoc genere monumentorum proveniret, dixi, videri mihi mutos eos magistros perhiberi posse, qui, citrà vocem ullam suam, tantam nos copiam bonarum rerum docerent. Ille, rationem meam laudans eidem proposito hoc mihi ænigma recensuit, quo commendatio singularis librorum artificiosè conclusa est. Verâ veritate, inquit Ismenia; non est homo natus qui te acumine ingenii superare possit. Ad minimum

vix ulla jam ex nostro choro supererit, satis animi habens, ad provocandam jam virtutem tuam; non tamen hoc de istis Nobilibus fœminis dixero, quibus nescio an parata etiam arma sint, ad configendum tecum. Alcida, quæ eousque tacita vacaverat audiendis Musicis concentibus, spectandis ludis, & Choreis pastorum, & intuendo Marcelioni suo, voluit tum & ipsa periclitari duelli talis eventum, dicens. Postquam pastorales istas puellas superasti, Diana, non videtur culpâ cariturum negotium, si nos noluerimus tentare aleam ejusdem congressionis tecum. Itaque & ego tibi gryphum aliquem solvendum proponam, quamvis penè jam dum certa, eadem te facilitate cum cæteris eum quoque divinaturam; tamen experiri sedet. Docuit eum me Magister quidam navis cum Neapoli maritimo itinere Hispanias peterem; commendavi verò memoriæ, quia satis mihi pulcer videbatur, factus in hæc verba.

Quis umquam equum vidisse se dicet mihi,

Qui, sorte conditus novâ,

Numquam comedit, sustinetur alite

Vento, cui per cursitat?

*Miracula magna conficit, cursu effero,
Adigitque pectus horridum,*

*Sua fræna proprio habens recepta viscere,
Itinera præscripta obsequi.*

Paullùm cogitabunda, post auditum hunc scirpum, Diana, permansit, perpendens & exigens animo necessariam explicationis seriem, partesq; diducens, enarrationi applicans. Tandem conclusâ enodatione ita prolocuta est. Cōveniebat, ô formosissima Domina, in tuâ potissimũ manu relinquere victoriã, quam videbar de istis Nymphis pastoralibus isthîc cōsecuta esse, cum, quicunq; se tibi victum fateatur, nobilissimo intellectui, & subtilissimo iudicio tuo subditus, magnam gloriã in ipsâ utiq; traditione Victoriæ apud te inveniat. Itaq; si per Equum istum tuum aliud quid, quã pelagia Navis, intelligendum est, confiteor ego superatam me ænigmatis tui subtilitate, explicationem eius excogitare non posse. Satis equidem, Alcida respōdit, clarior res est me solutione tuâ victam esse, quam te grypho meo, cum confessa nō intelligere, tam perspicuâ illum veritate explanaveris. Cōiectavi, inquit Diana, & si res tacta est, non scientiæ meæ, sed felicitati fortunę, divina-

tioni

tioni faventis, successus negotiū rescribendus erit: Ipsa enim in vacuū augurata sum, nequaquam certa Veritatis. Tum Alcida. Nihil non sperare oportet quemlibet de tā felici conjectrice, cujus iudiciū, tam exquisitū, omnibus facile obscuritatibus elucidandis supererit. Nūc velim exponas nobis etiā, o divinatricis sagacissima, ænigma aliud, quod Clenarda, germana mea novit, nequaquam vulgare nobis visum: Neque tamen affirmare possim, an ea adhuc memoria id habeat: Conversa sic ad Clenardam; facias rogo hanc, soror, gratiam nobis, ut puellæ isti sapientissimæ tuum quoque illud ænigmaton proponas, quod in civitate nostra meminisse potes obtulisse te quondam Berintio & Clomenio, agnatis nostris, cum domi Elisoniæ in colloquium convenissemus. Et volens quidem, Clenarda retulit, non enim dum memoriā excidit; post, paululum commorata, hoc modo quæstionem suam in medium dedit.

*Dicite tres cubites quæ cum sese elevet alto,
Numquam, avis, è patriâ surgere possit humo.*

*Triginta pedibus nitens, subit, & descendit,
Implumesq; alas, æra pulsât, habens.*

*Non comedit, non, illa, bibit; castat ve, gemit ve;
Vicina horrendo est semper ea interitu.*

*Saxa vomēs ferit illa homines, misera, & captiva,
Humanis tamen hæc gaudet amicitis,*

Continuis assueta malis, raptus, neciq,

Quos perimit diris prodiga cedit aquis.

Ad hoc Diana. Non foret, fateor, meæ opis, divinando hunc gryphum tangere, si citra explicationem ejus, alibi à me auditam, foret; recensuit autem eam mihi pastor quidam de pago nostro, qui navigaverat aliquando. Non satis scio an memoria bonæ etiam fidei sit, tamen puto ab eo dictum, Navim intelligi, quæ Galera vulgo nuncupatur: Quæ, in medio mortiferarum undarum constituta, semper interitui vicina est; pariter assueta raptibus, mortuos projiciens in fluctus ponti; pedes habet suos sibi remos, alas, velorum expansorum sinuosa volumina, Saxa quæ projicit, Catapultarum & Ballistarum ignem vomentium globi sunt. Nil superest, Clenarda respondit, quam ut, in orbem omnes uno censu consitæ, herbam demus junctim Dianæ, ut nulla ex nobis non victa sit, & nulla gloriari præ cæteris possit. Ita vivam, optima Diana, ut excellens istud ingenium

nium tuum, & Sapientia ferè incomparabilis, mirificè nos afficit, & in admirationem tuarum virtutum rapit! Neque video præmium, quo remunerari tam insignia merita tua possit factorum favor, præter unum hoc, quod conjugio te tradidit Sireni. Hæc atque alia colloquia, & civilitatis exquisitæ exercitia, intervenerant nuptialibus festivitatem, cum Felicia, contemplata Sapientiam, civilitatem, Gratiæ, venustatem, & Æquabilitatem blandæ humilitatis in eâdem Dianâ, quibus virtutibus & ipsa velut attonita facta fuerat, detrahit digito suo anulum pretiosissimum, gemmâ ornatum commendatissimæ bonitatis, quem longo ipsa tempore gestitaverat, eoque munerata eam, in recompensationem dexterrimè expediti officii, dixit: Hoc tibi munusculum Diana, puellarum decus, pro testimonio serviat Amoris mei, obsequies voluntatis meæ, quâ nihil me non tui causâ quandoque facturam, spondeo. Custodi istum anulum diligenter, & benè serva; erit enim tempus cum magna tibi ex eo prodibit commoditas. Ingentibus gratiis ob tam splendidum munus actis, Diana, manibus Antistitæ osculum tu-

lit; idem itidem fecit & Sirenus: Atque hic, finitis jam ceremoniis istis, dicere orsus est: Unam solam rem observavi in quaestionibus hinc ornatissimè propositis hodie, cuius rationem non video; nimirum solas fere mulieres ius proponendarum earum sibi usurpasse, mustantibus viris; qua quidem re confessum & demonstratum hi fecisse mihi visi sunt, imparem prorsus in delicias tales intellectum esse virilem muliebri subtilitati. Adhæc Felix, cavillabundus: Ne mireris, Sirene, superiores nobis subtilitatibus talibus esse fæmellas, cum cæteris infinitis virtutibus tanto à nobis spatio relinquantur, ut nulla sit prorsus comparatio. Non tulit cavillum Felicis Belisa, arbitrata, ut æstimare licet, seriò talem sexui notam inducere velle hominem; itaque mulieres propugnabunda, fanè, inquit, Domine Felix, cupimus nos superari à viris & eò ipsò demonstramus excellentiam nostram, quod spontè, & prorsus non coactæ, subiicimus nos voluntati vestræ, qui meritis vos vestris superiores esse frustra argutamini. Non enim desunt sexui nostro fœminæ, quæ, dubiâ palmâ, opti-

mis etiam comparari de vestro possint ge-
 nere : Quamlibet enim abscondatur ali-
 quando Aurum, non desinit tamen secum
 fervare pretium suum. Veritas verò tantæ
 est virtutis, ut adigat vos etiam celebrare
 laudes nostras, qui alioquin profitemini
 contemtores nostrorum decorum. Non
 erat sanè tuæ mentis, Florisia, puella pa-
 storalis, insigni Sapientiæ & Ingenii fa-
 mæ; quæ quodam tempore, in nostro pa-
 go, congregatâ tum, celebri nuptiali E-
 pulo, magnâ pastorum, longè & propè ha-
 bitantium, frequentia, ad sonum Lyræ &
 Cymbali, scitè à duobus eâ gratia opilioni-
 bus, attemperatorum, cecinit in Laudem
 & Defensionem Muliebris generis canti-
 lenam tantæ suavitatis, ut non solum miri-
 ficè ea sexum nostrum afficeret, sed, quam-
 quam ad vivum inibi tacti, omnes etiam
 præsentēs viri eam insigniter commenda-
 rent: Quod si perstiteris pertinacius in pro-
 posito tuo, nō sanè deterrebit me ulla mo-
 lestia, quin suis illam tibi numeris hīc occi-
 nam, ut discas aliquà melius sapere. Risum
 omnibus movit stomachabunda Belisæ in-
 tercessio, & iocis ea materies nō paucis ul-
 trà citràque data est. Ad finem optimus

senum, Eucherius consentiente patri filio Polydoro, ne occasionem fruendæ tam gratiosæ Musices amitterent, quam quidem tum de oratione Belisæ sperare poterant, ipsi dixêre. Belisæ formosissima, optimo, si cuipiam, jure, sexui vestro debetur talis aliqua defensio; neque quisquam de nostro erit contubernio, qui non ardeat cupiditate audiendæ Cantionis illius, de quâ modo fermocinata es, notâ quippe omnibus suavitate vocis tuæ, quam tali materiâ canentem auscultare posse, sanè fuerit voluptas maxima. Tum Belisæ; non detrecto operam, modo Deus faciat revocare memoriâ posse integrum carmen; sed occipiam certè, interim enim dum primos cano, spero spontè mihi subventuros cæteros versus. Cum dicto, Arsileus, qui conjugem suam ad canendum se componere, viderat, occupatâ cytharâ suâ, invitavit vocem; Et ita junctim incinere cæperunt Florisæ carmen.

Ferox Iambe, turbida arma concrepans,

Prodi è latebris hûc tuis.

Terribile servo classicum vibrans sono,

Insurge virtutem in tuam,

Linguam

*Linguam acue dictis, Spiritum in pectus rape,
Irata torquens carmina.*

*Gens quippe bruta, inscitiam sequens suam,
Muliebre diffamat secus.*

*Quæ dicit illa, ex te audiat, cum fanore,
Meretur ut tantus furor.*

*Tu factus, usus mentiendi, quem malâ
Excacat, assuetudine.*

*Superba rebus de tuis dicta aggerans,
Ridiculus iracundiâ,*

*Quæ mala profari in rem potes tanti preci
Nisi ut ipse tibi dicas male?*

*Vna hac mulieri grandis ignominia est,
Putare si rectè voles,*

*Monstrum quod illa te, malum, partu edidit,
Malediceres matri ut tuæ:*

*Si te, tuique simile, delirum genus,
Non pareret illa masculum,*

*Nemo sit, ipsam qui molestiâ gravans,
Tali strepat mendacio.*

*Sic illa corvum exclusit, oculos ut suæ
Genitricis unguibus eruat.*

*Quid, ut parentis optimè officium ferat,
Coniuxque sit Fidei bonæ,*

*Virum tulisse comparabile autumes,
Matri & maritæ nobili?*

Quâ mente, Curâ, queis in agrimonis,
 Sobolem educat mater? malâ
 Officia cuncta qua rependit gratiâ,
 Duplicans dolores perditos?
 Sollicita genitrix quid neget nato suo?
 Quid ille non matri, malus?
 Quam gaudet illa sorte filii bonâ,
 Quam luget ad contrariam!
 Quam dira, mulier, patitur ob virum suum,
 Comitatur hunc suo malo,
 Si lava sors est, pessimam partem trahit
 Coniux sibi, & viro, dolens!
 Abiens miseriis, gaudio afficit redux,
 Sua fata sectantem, domo.
 At gens dolosa ludit harum in miseriis,
 Zelumq; Amorem nominat.
 Sueti dolosas fingere atq; artes, sequi,
 Ludum putant Amarier.
 Sagax profecto mulier, hos moreis videns,
 De mente deleat virum,
 Vel visum eum vidisse non putet sibi,
 Redhostiens malum malo.
 Quæ furia porro est, cum viro haud valet gra-
 vi
 Ubique mulier cedere,
 Eiusque prorsus cuncta ferre laudibus,
 Et, Euge, ad omnia dicere!

*Tum bestiam illam, & proditricem clamat,
 Modesta, dura dicitur,
 Exsensa casta, fit superba quæ sapit,
 Honestæ crudelis venit.*

*Atq; utinã haberēt iure cunctæ hæc nomina,
 Essentq; pro monstris viris,
 Non tot dolosis fallerentur casibus,
 Habita malo ludibrio.*

*Cum quid cupiscit, moritur in cupidine,
 Cum potitur, illico abiicit,
 Odisse vitam dicit, & testes Deos
 In vota, Amator, exigit.*

*Cacum esse clamat, vulneratum dejerat,
 Cunctis miserijs obrutum.*

*Sunt fluvius oculi, flamma Cordis tormina,
 Historia longa nascitur.*

*Innumera millia adfluunt suspiriis,
 Lacrymaque torrentes agunt,
 Tam Deus haberi vult Amator, jam rogo
 Orcoque clamat proximum.*

*Victum modo infert, carcere in fœdo jacet,
 Felixque in ipso carcere est,
 Modo Victor exit, dicta Fortuna bonæ
 Mala dicit, & Mala bona.*

*Odere vitam, tot modo exantlant neces,
 Forte is uti viros putes,*

*Nec tamen obire mortui possunt sibi,
 Rapiuntque, dantque, perfidi,
 Confusione sensuum degunt gravi,
 Animasq; lancinant malis.
 Ferunt, trahuntq; cor suum, gaudent, dolent,
 Queruntur, ardent gloriâ.
 Hâc propter olim, cum me Amare diceret
 Melibæus, hoc respondi ego:
 Pastor, nec ista dicta vestra intelligo,
 Nec quippiam credo tibi.
 Videte nunc viri, videte perfidi,
 Puella quam sapiat benè
 Vestros quæ Amores mente proculcat catâ,
 Mera autumans mendacia.
 Exinde non jam nos calumniâmini
 Feras, cruentas, bestias:
 Videmus etenim velle vos aliud nihil,
 Nisi nos honore, nomine,
 Spoliare, vitâ, & divites nostris bonis
 Vos facere per fas, & nefas.
 Sic casta si qua, si puella, est candida,
 Loquiturque blandè cum viro,
 Hanc impudicam deinde vociferâmini,
 Hoc vestri honoris præmium est!
 Caveat sibi ergo quæque; vos vitat? fera est,
 Amat? Impudica dicitur.*

Quod

Quodq; hisce pejus, omnia, adversis Diis
 Merito secuta vos, mala,
 Miseris puellis imputare tenditis,
 Ad usq; fata mortium.
 Stultitia vestra est, non puellaris decor,
 Si Forma vos perimit nitens.
 Stultitia Paridis eruit Trojam solo,
 Non Forma Tyndaridis decens.
 At cur pudore vestra nos convicia
 Spoliare, male sani, volunt,
 Quas tot molestis, perditis, sectamini
 Noctu, dique, canticis,
 Tentare mille, non quiescenteis, modis,
 Spolietis ut nostris bonis?
 Non ulla cura nostri honoris vos tenet,
 O Dissoluti, ô perfidi,
 Quanto eruditi tanto inepti estis magis,
 In nosque magis injurii!
 Onerati adestis hâc malâ mentis febris,
 Puella se ut perdat malè,
 Eam rogantes, uti per hanc vobis bene
 Vestrisq; sit deliriis.
 Sic involastis multa millia impii,
 Periere quæ vestro bono,
 Castæ atque sanctæ; petitis has præ ceteris,
 Hic ille vester est Amor.

Sed præstat ire per genus versu sacro
 Muliebre, laudantem bonas,
 Constante ut virtute se teneant suâ,
 Amentque corde ex intimo.
 Quot nominari censu in hoc queant, viris
 Vitâ parentâtes suâ,
 Quas gravis ab obitu coniugû extinxit dolor,
 Immortuas fidei suæ!
 Hippolytus ingens castitate dicitur?
 Lucretia est minor nihil,
 Res sanè, Ephebus, maxima est, Castus; preces
 Pulcræ refutans femina.
 Hippolytus unus seculis cunctis adest,
 Bis mille sunt Eucetie.
 Sed Forma valeat, veniat in partes, cato
 Doctrina, debita pectori.
 Sappho & Corinna, principes Sapientia,
 Et ingenl, an cedant viris?
 Vi, Gloriâ nos, iure non, turbant, viri,
 Soli ut ferantur incluti.
 Hâc arte regnant, qua tyrannis est mera,
 Vi iusta iura proruens.
 Quod si librorum conditoreis dictites,
 Sensisse de nobis malè.
 Hac Ratio certè futili nisa est pede,
 Seseque turbat ipsamet,

*Quid enim? ipsi iidem, de viris etiam libri
Peiora veteribus canunt!*

*Quid quod suæ ipsi non queunt causæ, viri,
Sedere iusti iudices?*

*Quorum interest de faminis loqui malè,
Vt gloriam teneant suam?*

Sed & ipsi iidem, traditores criminum,

Muliebre queis scateat genus,

Virtutis harum testimonia, indidem,

Promenda, dictant plurima.

Inibi fideles invenire est, est catas,

Fortesque, honestas, & pias,

Ille fuere decora magna temporum,

Et astra mundi lucida,

Formæq; consilioque laudatæ, & bonis

Cor, mensq; & Hilaritas, viris.

Hæ mente captâ triste tristitia fugant,

Et corde toto, nubilum.

Ostulta gens, has propter in versus venis

Vestris, Camæna, laudibus!

Harum ergo magna semper egistis viri

Togâ sagog; facinora!

Vos, ergo, in aliena inquieti crimina,

Cum mentio mulierum hinc erit,

Ne, propter unam & alteram, sanè haud pro-

bas,

Totum involetis in secus.

*Sunt multa contrà sanctiorum millia,
Virtute cunctâ prædita.*

*Has ferro & armis qui tuemini, nefas
Lacerare ducatis probro.*

Gratissimæ omnium animis auribusque acciderunt Laudeis istæ, & patrocinium, tam venustum fæminarum, præcipuè Gratiâ cantatricis commendante dictorum Genium; sententia igitur omnium Belisæ victrix, pro victo censitus fuit Felix, gaudium victoriæ participante Arsileo. Nemo non virorum præsentium, pro se confitebatur, verissima esse quæ, in favorem sexus honorabilissimi, decantata erant, neque cuiusquam animum malè habuit, quicquid tam longa series carminis contrà meliorem, injuriosius videri, intulerat: Præcipuè quæ inibi erant, de dolis, fraudibus, infidiis, fictisque lamentationibus; quæ tamen omnia uno argumento averterunt, affirmantes, sæpissime altiore in virili peccatore fidem, firmiorem Amorem, esse, quàm audeant & possint, sermonibus efferendum credere. Arsileum autem maximè afficiebat responsio Melibæo à Florisiâ data, quam inter cætera eadem cantilena retulerat, tum quod iucunda foret per se ipsam,

& sa-

Hæc poterāt
aliter etiam
verti in fa-
vorem nimi-
rum Mulie-
rum.

& sapiens, tum quod in memoriam ipsi revocaret aliam, illi eidem negotio, propriâ, cantilenam, quam quandoque ex Belisâ suâ audiverat, maximè illam gratâ tum sibi, & nemini jam non commendabilem. Rogare itaque cæpit, ne gravaretur & ipsam, die tam hilari, tam nobili occentare sodalitio, cui utique bonæ delectationi futura esset: Non erat civilitatis Belisæ negare tale quid petenti conjugii suo, quantumvis itaque non nihil ipsi lassitudinis de præterito cantionis labore superesset, sic tamen novam etiam hanc, succinente fidibus Arsileo, adorsâ est.

Cantabat Melibæus,

Ignes Florisæ suos;

Respondit Melibæo

Hoc Florisæ, Carmine:

Non intelligo, Pastor,

Nec credo, tibi quæ canis!

Ille addit; mea vita,

Viden' ut moriar malè,

Atque ut mente volenti

Mortem ipsam tibi sufferam,

Spe, voto, atque timore

Et desiderio appetens.

Respondit Melibæo

Hoc, Florisia, carmine:

Non intelligo, Pastor,

Nec credo tibi quæ canis.

Ille addit: mala mentis

Quo me major hyems premit,

Hoc fax crescit Amoris.

Nullum à te peto præmium

Serviens tuo Honori,

Et Desiderio oppetens.

Respondit Melibæo

Hoc, Florisia, carmine;

Non intelligo, Pastor;

Nec credo tibi, quæ canis!

Ille addit: mihi mors sit

Vitâ optabilior, nisi

Sic te cernere perdam:

Et sic cum video tuos

O Lux viva, Lepores,

Mortem dispereo malam!

Respondit Melibæo

Hoc, Florisia, carmine:

Non intelligo, Pastor,

Nec credo tibi, quæ canis!

Ille addit: tua cernens

Et non, lumina, torqueor.

Et quò quero magis te

Hoc offendere amo minus.

Qualis

*Qualis mille coloreis
Mutat fabula Prothei.*

*Respondit Melibæo
Hoc, Florisia, carmine,
Non intelligo, Pastor,
Nec credo tibi, quæ canis.*

*Ille addit: mage felix
Quam sum, vivere non velim.
Ne spes ipsa mea ista
Sic te, vita, habeat malè.
Cum pro te doleo, dat
Mille hic delicias dolor.*

*Respondit Melibæo
Hoc, Florisia, carmine:
Non intelligo, Pastor,
Nec credo tibi, quæ canis.*

Dum melos hoc Belisa decinit, Felicia mādaverat uni ex Nymphis suis, quid facto opus esset, ut novâ hilaritate festivitas nuptialis perfunderetur: Illa mandatū Domina tam feliciter exsecuta est, ut cū ultimis Belisæ canentis verbis de proximo flumine audiretur ingēs tumultuatio, æstibus undē consonantibus armorū remorūq; stridori. Cū omneis illuc obvertissēt vultus, & ad ripā sese contulissent, viderūt secūdo flumine descendere duodecim scaphas, duabus

alis dispretas, variis coloribus variegatas; splendidissimis ornamentis excultas; Vela alterius aciei, sex nimirum navium, candida & Rubricoloria erāt, & puppibus earumdem Vexilla ejusdem coloris suffixa videbantur: Reliquæ sex nigris notatæ velis invectæ, Vexilla croceo colore tincta præferebant. Remi omnibus pulcerrimè inaurati ducebantur; universa classis Rosis & floribus cooperta procedebat. Singulis porro navigiis insidebant sex Nymphæ virgines, Mauritano ritu, vestitæ; alterius quidem aciei candido & rubro, alterius contrà nigro & flavo colore distinctæ; auro texto, & argento neto undique relucentibus. Bracchia hæ à dextris mamillis nudaverant, manicas puro auro fulgentes amictæ; scuta sinistris gerebant, uti pingi solent Amazonum præstantissimæ. Remiges erant Satyri & Sileni, coronati rosis, ad foros navium argenteis catenis fixi. Ita paullum navigia processerant, cum subito ingens clangor tubarum, lituorum, cornuumque inter ea exsonuit, aliis indidem quoque Musicis instrumentis accedentibus: illico paria composuere se navium, & ita ordine, duæ junctim, prodire

prodire porro cæperunt. Hinc in contrarias duas acies momento citius redire; & de medio singularum, singulæ scaphæ, cæteris in statione immotas se tenentibus, in medium processere, obversis prorsus oppositæ. Scaphæ huic cuique inerat Satyrus unus, partis suæ colore vestitus, pedibus super tabulatum proræ insistent, lævâ Clypeum protendebat, tantæ longitudinis, ut, à vertice ad talos, totum eò corpus tegere posset, dextra autem manu contum, mille coloribus pictum. Complicatis utrimque velis, remis summâ ope adductis, magnâ contentione concurrerunt hi bellatores; Ingens interim Nympharum applausus, Satyrorum clamor, & tubicinum, liticinumque clangor, non cessabant de singulis partibus animare concurrentes: Remiges, adnixi summis viribus, impetu quam vehementissimo præcipere alter alterum laborabant, ut collisio fieret strenua. Cum jam tangeret Satyrorum alter alterum, & conti scutis figerentur, risu dignum spectaculum obortum est; Nullo enim adnifu tantum efficere uterque poterant, ut consistere pedibus, super navigium, sed impetu remorum, & ictibus hastarum detur-

bati ambo præcipites abibant, modo in vortices fluvii, modo in alveos scapharum. Ad hæc plausus Nympharum, ad sonum instrumentorum numquam cessantium, mutabantur in cachinnos, & lætis omnia clamoribus personabant. Pugnatores ipsi egregii, quoties in flumen conciderant, cum nataissent non nihil hinc inde, manibus in navigia porrectis, à puellis reducebantur, suarum quidem singuli partium, unde mox denuò præcipitati, novam risui materiam præstabant. Ad ultimum, Scalmus, Rubro & Candido colore notatus, tanto alteri impetu impactus est, & ab propugnatore ejus adversarius eâ dexteritate impulsus, ut cedere loco & præceps in profluentem ire coactus fuerit, Victore firmo se pede sustinente: Ad quam victoriam triumphum tanto clamore cecinere Nymphæ ejus aciei, & tam dulci altoq; sono Musicos suos concentus instauravere, ut contraria pars non parvo fuerit pudore confusa. Auxit hunc non minimo opere unus ex Silenis qui remigiis adfixi erant, prævalens corpore, & membris robustissimis. Is impudenti clamore efferus in hæc verba vociferabatur:

rabatur : Est ne credibile, in nostro hoc agmine tam nauci & ignavum hominem, tam nullius omnino virtutis, fuisse, qui tantillis istis ictibus adversarii imbellis propulsus, statione cadere potuerit? Demite mihi, ô Nymphæ, vincula catenarum istarum, & meo loco affigatur pistrino isti homo, tam prorsus fœmina, videbitis quo pacto meâ virtute ego de victis vos victores facere valeam, illos autem majore etiam pudore confundam, quam quem illi modo nobis induunt! Cû dicto una Nympharum solutis vinculis liberat jactatorem gloriosum: Ille extemplo magnifico cum gestu contum & scutum arripit, & magnis passibus adscendit in locum victi : Nec mora, remis fortiter utrinque adductis, cōcursus denuo est, Nymfæ de more grandi clamore applaudentibus. Sed alterius partis Satyrus non habebat opus in magnificū istum alieni pudoris vindicem hastam dirigere; ille enim non ferens impetum navigiū proprii, nullo potuit modo consistere gradu, quin ipsa celeritate remorum, prorâ excuteretur, & cum omnibus armis suis, quantus constiterat, caderet de tabulato navis in profundum fluvium, monens exē-

plo suo omnes, qui superbiâ verborum facta aliena premere, & ignaviæ suæ pallium obducere volunt, caveant sibi à paribus & majoribus periculis. Nymphæ partis, postquam obnatasset paullum, quamvis alia omnia meritum, eum quoque in scapham receperunt. Quinque vero Nigræ naves cæteræ, cum hunc rei eventum cernerent, instar insaniâ percitarum, remis velisque adversarias incurrere cæperunt: nec moratæ illæ summâ alacritate irruentes exceptere. Ingens orta & veræ similima pugna est, Nymphis utrimque magno numero globos, velut de tormentis, cereos, albos, & coloreos, intus aquis beneolentibus plenos, ejaculantibus; tantâ autem dexteritate ordines servabantur, & tantâ committebatur prælium alacritate, ut feriam pugnam fuisse vix quisquam, Lusus instituti ignarus, dubitasset. Ad ultimum dedidere se nigræ Candidis pugnatrices; & hæ instar victricium illarum navigia insilientes, ut mos est Vincentium, ad sonum ejusdem Musicæ, ripam appulere, ibique & victæ & victrices, in terram processere, Satyri autem & Sileni nigræ classis, captivi velut in triumphum ducebantur, & de

Nym-

Nympharum, manu in ditionem redactarum, formositate ingens in agmine Candidolætitia fuit: Tota porro Amazonum hæc acies, speciositate suâ divinâ oculos mortaleis in maximam ducebat admirationem. Finito spectaculo, Felicia, voluit ad fontem confessus pristini redire, quam eodem secuti sunt Eugerius, cum toto sodalicio cætero. Illuc cum venissent, invenerunt inibi Pastorem quemdam, qui, dum ludi illi deluderentur, intraverat hortum, & assederat amœnitati bullantis aquæ. Videbatur omnibus singularis elucere vultu & moribus hominis venustas, præcipuè Feliciæ, quæ agnoscebat eum, & ita allocuta est. Meliori tempore huc venire non poteras, Turiane, ut remedio dolorum tuorum potireris, & augeres simul hilaritatem hujus sodalicii: Quod itaque attinet dolorem tuum, tractabimus paullò post quo pacto illi subveniri possit, in præsenti vero, ut locus & dies poscunt, ostendere nobis non gravabere, quid cantu & fidibus valeas. Jam video lyram te promississe de thecâ suâ, & grati aliquid huic formositatum Choro occinere spontè cupere: canta, sodes, optime vir, aliquid de

Elviniâ tuâ , optimè tibi à nobis ea opera compensabitur. Miraculi instar Pastori erat, nominari & se, & amasiam suam nomine, ab Antistitâ; quodq; tam promptè ea malis ipsius remedium promississet; itaq; ut gratus animi videretur, erga tam optabiles oblationes, mandatum ejus exsequi maluit, quam verbis verba reponere; cumque confedisse omnes videret, & auscultantium habitu compositos, lyram voci attemperans, hoc melos dececinit.

Ver ubi restituit se mille coloribus herbis,

Tristificas campis eiiciens hyemes:

Rident prata, nitet celi lux, orbe sereno,

Vbere grex gaudet, dis viget Vpilio.

Regina volucrum floridas per arbores

Philomela cantus dividit.

Dulces Aura sub antris

Fonteis letificis rigat.

Carmen suave ponè, Nympharum Chori,

Avesque Musica, movent.

At si oculos, mea lux, inde avertisse labores,

Elvinia; in mundum dira redibit hyems.

Ninguidus ut Boreas, [†] florenteis arbore frondes,

Floribus atque herbis exspoliavit humum.

Desistit

*Desistit cantu, Philomela, in saltibus, & se
Desertus campis undiq; condit honos.*

*Nox mille superat perditos horis dies,
Victo calore frigida.*

Cacis tecta tenebris,

Lux, tristeis nebulas subit.

*Aer serenum nubilo obducit caput,
Lugentque certatim omnia.*

*At si oculos mea lux campis adverterit, è re
Elvinia, in nova, Ver, Gaudia mundũ adiget.*

*Cum tonitru adverso tenebrosus inhorruit ather,
Fulguraq; ex omni tristia parte ruunt.*

*Auxilio prorsus, Pastor, desertus ab omni,
Tristis, & attonito pectore, cor suum edit.*

*Excussa ventis grãdo cum pugnantibus,
Segetem atq; culmos destruit.*

Pastor passibus exit

Infelix properè citis.

*Amara mentem pascit ægrimonia,
Annona metuitur gravis.*

*At si oculos mea lux adverterit atheri iniquo,
Succedent tristi sidera lata hyemi.*

*Cum cytharam pulso vel vocem in carmina du-
co,*

Vlmo sub celsâ, aut umbriferâ P Latano.

Et iam mille meis resposant undique dictis
 Hinc merula, hinc fractæ vocis Alauda potens.
 Tum dulce ad aurâ capto frigentem melos,
 Interna gaudens gaudia,
 Liber pectora curis,
 Latâ mente placens mihi:
 Exsors Timoris, dives in bonis meis,
 Sortisq; contemtor vaga.

At si oculis mea lux advenerit iracundis,
 Elvinia, haud tantum tela Iovis metuam.

†
 Delia silvestreis sequitur dum per iuga cervos,
 Castificis mentem tota vacans studiis.

Cincta sodalitio florente perambulat actas,
 Saltusq; & campos, & nemora, & silvas.
 Satelles illam sequitur hinc Hamadryas,
 Tegit hinc Napæarum Chorus.

Pleno copia cornu
 Præcedit, quatiens Rosis
 Calathos odoris, cuncta virgineo favent
 Divæ triumpho nobilis.

At si illuc veniat, ubi venatur, mea diva,
 Elvinia, huic magnis, Diva, abeat spatiis.

†
 Cum mea lux florem membrorum in fonte lava-
 bit,

Per quem clarorem ipsa auxerit unda suum.

Cynthia

*Cynthia si tum aderit; ad humum, Dea, figet ocellos
 Victa pudore, mea Virginis ad speciem.*

*Fons ipse, claro latice iam pellucidus,
 Sic membra reddet singula,*

Vt se cernere marmor

Sub undis Satyri putent,

Ita rara forma capiet ad spectu viros

Et detinebit unico.

Vt miser Actæon, decora hac spectare laborans,

*Non cervum induerit, marmoreum at lapi-
 dem.*

Mille mei versus, vicibus vos mille recantem,

Et repetam, hæc eadem millia, mille modis,

Si mea mens cantu Solem hunc placare valeret,

Mitificis uti me conspiceret radiis.

O mea, ceu bene Clara, ita iô, male, iô, fera, Stella,

Vnde mea vitæ statq; caditq; Vigor.

Sim felix utinam tantum, ut Clementia vestra

Respiciat, vel, me, Lux fera ut interimat!

Nemo verbis assequatur quantoperè omnes adfecerit vox & Gratia canentis Turrani; Erant ambæ hæc ita conciliatæ, ipse tam speciosus & comis, ut Apollinem ipsum te vidisse & audivisse dixisses, cum ille aliquando in pastorem habitum cælo descendit; nec sanè tam perfectæ for-

mositati quispiam alius comparari poterat, & hoc commune erat omnibus iudicium: Montanus autem, quod cunctis videbatur, voce exprimens miraculo rei velut attonitus, in hæc verba erupit. O formosissime pastorum, multimodis obligata est Elvinia illa tua, de quâ eximium hoc melos tantâ suavitate modulatus es, favori & Amori in se tuo; non solum ob hoc, quod à tantæ formositatis juvene, tam gratioso pastore, diligatur, sed quod Gratiæ porro ejus, & Virtutes, & Venustas, tam divino carmine à te commendatę sint. Cum vero ametur abs te tali, certò persuadere sibi & jure poterit, omnibus modis perfectam sese, & speciem, & Virtutem, tenere, quæ ut in ea accrescant, atque uti eis commodo suo & ex voto frui felicius possit, magnum ipsi adjumentum præstituram existimo Venationem, cujus studiis eam Dianæ æquare voluisti; Hoc enim Exercitium est nobilissimum, quoque non aliud magis augeat Venustatem & Speciositatē Nymphis, & puellis. Ipse Ego novi, in pago meo, pastorem quempiam, neq; is minus est notus Silvagio & Ismenix, hîc modo præsentibus, qui amore captus puellæ pastoralis,

lis, nomine Argiæ, nullâ ejus virtute magis incendebatur, quam singulari, quæ penes eam erat, sagittandi, & arcum flectendi, dexteritate, & peritiâ; quæ tanta quidem perhibebatur, ut nullas non feras & volucres, quibus vellet, ictibus certò cōficeret. Ei argumento, idem Pastor, vocabulo Olympius, nō raro cantitabat carmen quo pipam, destinatum Dexteritati, & Formositati, nec minus tamen & Crudelitati, ejusdem Virginis, fingens inter illam, & Dianam, & Cupidinem, certamen quoddam in Sagittandi felicitate, inventionem admodum vernili & jucundâ, cujus quidem gratia me non piguit totum carmen ediscere. Cum hæc diceret Montanus, prodit in medium Clenarda, dicens: Igitur non erit absurdum nos poscere ex te, uti participes nobis illam Olympii cantilenam, quæ tibi tantoperè placuerit. Certe mihi, ut de reliquis nihil dicam, nō poterit res obvenire gravior, quam tale quid à te cantatum, audire, si volente te fieri potest, quæ tam studiosa sum ejusdem exercitii, ut nullius alterius æquæ. Assentiar tibi, respondit Montanus, si sciam non futuram molestam cæteris hisce cantionem meam. Et quomo-

do, excepit pro sorore, Polydorus, molesta esse cuiquam possit, quæ ab omnibus summâ attentione audietur? Ita, lyram suam arripens, Montanus, carmen Olympii hæc in verba recinuit.

Convenêre olim, sua uti sibi facta probarent,

Arcum quis posset flectere dexterius.

Hinc Argia, mea, lux & spes unica vita,

Hinc Amor, & Phæbi, Delia, sola soror.

His scopus, arboreo suffixum in cortice, telis

Quod peterent, nitidâ, Cor, fuit in tabulâ.

Deposuit Diana suam, pulcerrima, formam,

Libertatem Argia; Arcum, Amor, & pharetram.

Vicit mortalis, divûm duo numina, Virgo,

Factorum inscripta est pugna ea Carminibus.

Sic habet hac, Diana, tuam, pulcerrima, formam,

Arcum, Amor, & nimium certam adeo pharetram!

Vnde adeo crudelis, & est, Argia, venusta,

Crudelis summâ facta mihi in specie.

Vt miserum effigies mihi cor gravis exedat ejus,

Libertatem, & Opes, & decus omne, Oculus.

Hoc etiam carmine magnoperè omnes exhilarati sunt, amplius etiam Lepôre, quo illud cantitaverat Montanus, ferè incomparabili.

parabili. Exhinc, consideratis speciatim omnibus ejus partibus, & exactis ad limam strictioris judicii, unde multa disputandi materies increverat; cum videret jam, Felicia, Solem cedere in noctem, & arbitraretur, fatis gaudiorum gavisos hospites pro illâ die suos, postquam, indicio facto, admonuisset omnes silentii, seque dicturam aliquid operæpretii, tranquillitatem maximam subito fecit, sopitis jubilis, & festivitatis tantæ tumultuationibus, dehinc consuetâ & naturali suâ gravitate vocem gubernans, ita eosdem allocuta est. Pro verissimo habeo, Equites strenui, Pastoresque & Puellæ eximii, & egregiæ, vos, postquam in hanc domum meam convenistis, neque de Amore in vos nostro, neque de diligentia harum, ministrarum mearum, Nympharum, inserviando vobis, quicquam, quod queri jure possitis, offendisse. Tantum vero desiderium meum fuit vobis officia grata exhibendi, & tale est, gaudium, quod apud animum meum concepi, videns tantæ æstimationis homines meo nomine aliquid hilaritatis præcipuæ percepisse, ut videar etiamnum mihi, licet majora & plu-

ra vestri causâ fecerim, facere quivissem nequaquam digna meritis, & virtutibus vestris, in quopiam officiorum meorum, peregisse. Soli nunc de toto hoc sodalicio, parum adhuc compositis animis sunt, Narcissus, ob asperitatem Melissæ, & Turianus, ob parem Elvinæ suæ inclementiam. His quidem sufficiat pro tempore nunc consolatio promissionis meæ, (cuius sanè mos non est mentiri,) quâ illis, cum primum expediri negotium poterit, plenam & optabilem Salutem & Restitutionem polliceor. Nunc Eugerium video lætum super filio suo, filiabus, & genero; optimâ quidem ratione: horum enim causâ ipse se tantis circumfessum vidit periculis, tantos mærores exhausit, ut non potuerit maiores quispiam pati mortalium. Finitâ Antistitæ oratione, Eugerius, attonitus velut tantâ matronæ Sapientiâ, reliqui omnes optimè animis suis contenti fuere, gratias agentes salutaribus eius admonitionibus, quibus cautiorem in posterum vitæ suæ ordinem instituere possent. Sic confessu sublato, quisque pro se abscedentem Feliciam secutus est in Palatium; singuli se dehinc præ-

præstitutis suis cubilibus intulerunt, animis iam præparantes, & iis præcipientes, futuræ diei festivitates, & gaudia : Quæ, cum iis omnibus quæ postea Narcisso, Turiano, Taurifoni, & Berardo, acciderunt, junctâ recensione rerum gestarum Dantei & Duardi, Lusitanorum, quas certis de causis huic narrationi inferere supersedimus, cum aliis iucundis & utilibus historiis, tractabuntur secundo volumine huius operis; quod ipsum à paucis diebus, si Deo placuerit, publico etiam sumus.

daturi.

F I N I S.







